

伍廷芳先生輯

斐律濱賽會記

大東書局印行

民國四年元旦日王文典先生在嘉年華會場內之攝影

民國四年陰曆元旦王文典先生遊於小呂宋京城城門之攝影

王文典先生往遊嘉年華會出會時之攝影

王文典先生住英比里飯店臥室之攝影

王文典先生住馬屁拉飯店臥室之攝影

民國三年小呂宋京城嘉年華會場大門之攝影

民國四年陰曆元旦游於小呂宋京城上之攝影

小呂宋鬪鷄場之攝影

伍廷芳王文典先生考察鄉市路政之攝影

小呂宋土人結婚之攝影

小呂宋土人罪犯受刑之攝影

緒言

徐紹楨序

徐乾麟序

斐律濱嘉年賽會紀錄刊補綴弁言

律斐浜與華僑

嘉年華會之盛況

赴賽之緣起

赴賽之品物及狀況

國貨維持之研究

歡迎會雜錄

(甲)南洋之歡迎

(乙)兩番過港之歡迎

(丙)歸國之歡迎

斐律濱賽會記 目次

(丁)當時上海瀕行之歡迎

(戊)伍廷芳先生赴各處歡迎會之筆記

伍廷芳王文典先生等發起懇讓庚子賠款會之宣言

附王文典代表該會赴海牙和平會請願出發時中西各報摘要之登載

王文典先生對於中國國際地位永守中立之宣言

王文典先生代國貨維持會商界聯合會擬上政府修改稅則請願書

民國十年太平洋華府會議時王文典君提出中華民國對於列國永守中立

宣言 一二

遠東太平洋問題研究會宣言書

王文典先生請派海軍保護華僑

王文典先生對於全國國貨博覽會之意見

王文典先生再請速執行裁厘加稅并預計每年增收之數目

關於加稅裁厘暨免出口稅最要之條約

王文典調和招商局風潮平定後之宣言

庚子賠款與中國路政之商榷

中華國貨維持會碑記

伍廷芳王文典先生組織人類永久和平聯盟會宣言

伍廷芳王文典先生對於歐洲和平會議之意見書

伍廷芳王文典先生對於歐洲和議吾國應提議案之意見書

跋

後跋

整律演賽會記 目次



民國五年  
伍廷芳先生  
贈王生持  
文典先生  
肖像



江西盜業公所苦  
 溷關橫征暴斂公  
 請王文典先生代  
 表請願隨行時公  
 餽贖儀堅辭不受  
 旋蒙大總統允准  
 撤懲今日盜業發  
 達運銷無阻皆先  
 生之力也爰鑄瓷  
 像相贈以誌紀念







小呂宋華僑歡迎中國政府代表伍廷芳王文典先生攝影




小呂宋華僑公宴歡迎政府代表伍廷芳王典文先生夜影




小呂宋嘉年華會中華國貨陳列室文典先生陳列之時攝影




小呂宋美國官商歡迎中國政府代表伍廷芳王典文先生攝影




國民四年陰曆元旦呂宋華僑晏公王典文先生於小呂宋紐西班牙之攝影



影攝之學大業農宋呂小察考生先典文王芳廷伍



影攝之市街宋呂小察考生先典文王芳廷伍



影攝之政路宋呂小察考生先典文王芳廷伍


民國四年元旦日王文典先生在斐律濱紀念塔之攝影




民國四年元旦日王文典先生在嘉年華會內之攝影



民國四年元旦日王文典先生遊於小呂宋京城城門之攝影






影攝之時會出會華年嘉遊往生先典文王




影攝之室臥店飯里比英住生先典文王




影攝之室臥店飯拉屁馬住生先典文王






國民三年小呂宋京城嘉年華會大場之攝影



民國四年陰歷元旦於小呂宋京城之上攝影



小呂宋鬪雞場之攝影



小呂宋人結婚之攝影



伍芳文先生考察鄉路之攝影



小呂宋人犯罪受刑之攝影

## 緒言

復堂有言古之學者皆洞天地之幾鏡興亡之原非若後世空言無事實使人曠蕩於上隔塞於下又曰古者學以爲治陳言朝右聲榮大者貫五德之連通萬國之情其次因事納忠一簡有一簡之益一篇有一篇之用如日月之燭幽著龜之決事誠哉斯言爲學之道治之道亦爲人之道也廷芳數歷中外數十年接物主於實而以有明效大驗爲婦比者伏處滬濱養真觀世時有所究達之著述放驗與否暨所弗計要亦程諸无妄而已客歲之冬僑居菲律濱之鉅紳薛君敏老言歸祖國述及菲島有嘉年華會之舉其性質與賽會同甚盼我國貨物廣集富聚咸往與賽由是滬海道尹楊公忻然而興謀及廷芳以爲發揚國光推拓天產甚盛事也母何國貨維持會亦數四開議卒決定推舉廷芳及王君文典共賈百貨戒期征行乃者政府亦有命令請託廷芳文典二人任外商兩部代表赴菲與茲盛會廷芳等無固辭理遂於民國四年一月二十一日偕同王文典君於黃歇浦畔與濟濟諸公握手言別鼓輪而前先抵香港紳商咸集備罄歡棕茶話連縣暢申旨緒三日之集匆促放洋以距會期邇也抵菲而還泊返滬之際中間期日雖短而經過事項及攷營所得與余往還醞酢默論各愛國君子之心理僑中營業

之狀況有慊然而喜者亦有怒焉而憂紛然觸於懷私欲有所貢獻者數事國貨本甚暢銷以自來運往者少此次所往百貨爭先購求幾於盡數銷售一也無我國自辦之輪船必須假手外人利權損失且各貨不能由滬直達菲埠中途轉載廢時失事勞民傷財二也卽此二端已不能不急謀成立者一事則吾華當迅速組織還滬港廈菲之輪船公司是矣抑以吾儕是役負荷綦重自達菲埠不自暇逸所有代賚貨賄交易之事均會同王君文典躬任之不敢少有旁假除赴會演講及一二酬應而外則從事攷查諮詢事竣仍與王君作買遷籌算之舉是固吾儕分內應爾本無所容其侈陳而合埠僑商乃謬加贊誦謂前此所未有是亦可爲自媿者矣茲歸國已月餘積愆欲宣未敢自閤乃條第始末罄告國人有所敷陳咸存是策伏冀

大雅指而政之則復堂又有云應人事於無窮志遺聞以不墜亦比物此志云爾  
民國四年五月新會伍廷芳

## 序

嘗謂立國之要。首重民生。殖富之圖。端資實業。吾國地大物庶。誇視寰瀛。而自建國以來。生計日艱。民生益窘。毋亦豐於天然。而拙於人事歟。連年政爭。軍事迭起。匪亂頻興。水旱疫癘。流行幾遍。商業澀滯。金融不靈。社會多數困促。日甚。實業之不能展發。民生之憔悴。既深。亟望政府之援助益急。端賴維護。提倡有方。庶幾成者奮興。繼者勃起乎。竊念之餘。更不得不追思。吾鄉先達。新會伍公秩庸。懷柔遠族。聲著強鄰。束帶立朝。躒貢輸敬。折衝敦槃之餘。又時以國計民生爲念。自改革政體之初。卽以提倡國貨。規劃航政。發展實業。愛護同胞。唯一之職志。對於加稅裁釐之籌議。及庚子賠款懇讓之宣傳。創議之早。卓識之高。此時莫不驚佩叫絕。令人企敬也。詎知當年宣傳之理想。今日居然皆得收成之效果矣。惜乎伍公謝世已久。未能樂觀厥成。書云。言之匪艱。行之維艱。當伍公籌議之頃。苟無宣傳。亦等空論耳。乃幸遂安王君文典。奮敢勇任。出國宣傳。經列各邦。誠懇致辭。莫不相

感是迨歸國報告。國人方始覺悟。冀有以挽回也。華府會議。依案提交。始承照准。然庚子賠款之退還。加稅裁釐之動機。雖皆出伍公王君之創議。而在王君文典。宣傳之力居多。慨然作伍公之後盾。而成偉大之勳業。誠可佩也已。年前法統重光。黃陂復位。蓋秉實業救國之策。特派王君爲考查南洋暹羅商務。宣慰華僑。道。率軍艦。裝載國貨。前往宣慰。考查之餘。復以推廣國貨。以揚國光爲職責。嗣以黃陂去職。事以終止。唯望繼起有成。期以實現。亦國家對於南洋等處及暹羅關注之意耳。紹楨相契較久。知之甚深。今以斐律濱小呂宋嘉年會賽會紀。重刊在邇。屬綴序言。唯將夙素企仰伍公王君之鄙意。聊以誌實。而示不朽。邦人君子。尙冀垂察焉。

民國十四年二月徐紹楨撰

序

竊讀伍秩庸先生斐律濱賽會記。鑒于斐島僑胞。提創國貨之熱忱。不禁爲之嚮往。他日復詢諸王友老專使文典。王專使固同時與伍公被推赴賽與會者。爲不佞述斐島僑胞提創國貨之熱忱綦詳。更不禁爲之嚮往也。吾國自海通以還。洋貨輸入。利權外溢。馴使國計民生。日益凋敝。有志之士。大聲疾呼。發爲振興國貨之論。邇年上海一隅。已成立之國貨工廠爲數不少。製成出品亦不在洋貨下。將來進境。正未有艾。惜年來內爭不息。政綱不振。工商實業諸端。不能乘時發展。不佞竊不自諒。生平同志。組織上海游民工廠于滬北江灣。收容失業游民。分科教授工藝。復附設上海模範工廠內分鐵工廠。翻砂廠。橡皮廠。玩具廠。造燈廠。車鏡廠。毛刷廠。印刷廠。地毯廠。洋鐵印花廠。溯兩廠設立于今三年。所出各品早已運銷海內。所望國內人士。海外僑胞。鼎力扶植。匡教不逮。此不佞所馨香頌禱者。伍秩庸先生王專使文典以熱心實業聞海內。當時賈貨遠征。有造我國實匪淺。鈔

不幸伍公于前年遽歸道山。此後應如何振興實業。繼伍公未竟之志。正我人應盡之責也。賽會記重付剞劂。爲綴數言。以告讀者。

民國十四年八月日上海模範民工廠總理徐乾麟



斐律濱小呂宋嘉年賽會記續刊補綴弁言

按小呂宋。斐律濱羣島之一耳。處印度洋之間。氣候煥暖。蓄殖繁榮。農墾至宜。物產豐富。梯航輻輳。交通稱捷。輪泊交駛。互通各島。蓋卽由該島爲轉運之要口。更爲彙集之樞紐耳。奈何國人昧于世界大勢。罔知擴張振作。悉被白種。佔爲東方殖民之地。或爲商港之庫藏矣。縱觀歷史之由來。吾國該處交通之特早。苟有對外經營之力。豈待白種代謀哉。國人嬾替。數千年來。咸以保守爲美德。故遞至今日。遂因此而相形見拙矣。夫處此二十世紀。不競難存之時代。概以製造商業。輸出之多寡。判別國際商業。競爭之勢力。輸出之勢力強。則不甯可以裕民富國。亦且爲抑止他國之利器。是以欲圖強國。當振興製造國貨始。首宜供給國民之日需。繼則運輸國外。而獲經濟之實力。吾國富於天產。惜製造未精。缺乏改革。致多數原料。轉輸國外。復由國外製成商品。運回國中。往返相尋。利權外溢。年甚一年。自棄權利。莫甚於此矣。當民國初建之初。怵國用需贍。念民生之是亟。迺承

伍公使秩庸先生。

王專使文典先生。具先覺之卓識。富世界之眼光。組織中華國貨維持會於上海。復于五年春間。小呂宋特開宋嘉年會。星軺前往。載貨與俱。彼邦傳爲美談。至今莫不盛稱焉。一時風湧雲從。國貨聲價爲之震起。然國人漸起愛用國貨之盛心。亦未始非由此而感覺耳。海外僑胞。亦未始非由是興起。愛國之觀念。羣相偕來。聯絡購售也。當年曾編有宋嘉年會記。該處風土習慣商業交通詳載無遺。可作遊南之枕秘。繼往之南針。訂印萬冊。分銷早罄。現由全國商業團體及旅歐僑胞。函電紛來。咸相索詢。苦無以應。今檢該冊。重刊付梓。以響同志。出版有期。徵言於予。濟追隨十載。久所景從。謹綴數言。以誌欽崇。而表鄙意云爾。

乙丑人日識春申草廬

# 斐律濱賽會記

新會伍廷芳秩庸輯

## 斐律濱與華僑

斐律濱有嘉年華會之舉。由是於中華民國四年正月。滬上工商公舉廷芳與王文典君。赴斐與會。同時承政府亦請託廷芳文典代表外交農商二部。宣慰吾僑。是役也。以推拓土產。連結僑情。調查真象。演論要義爲主旨。故凡關於赴會始末。及赴賽出品之暢銷。或呆滯退回之原因。並得斐島之習慣風俗沿革。華僑同胞之能力學識商業。據所聞見。縷陳下方。俾我國明達。得資攷鏡。而有所措手。爲改善增進擴張條第之預焉。則此行差無負爾。

小呂宋卽名斐律濱。地居赤道。屬亞細亞洲。島嶼林立。故號羣島。一歲四時。咸若夏令。其最大埠曰岷呢拉。水陸交通。商旅雲萃。大凡島嶼海岸線長。商業必盛。雖半屬天然。亦多恃人爲也。卽以英割我國之香港論。清廷視爲石田。自歸英後。至

於今茲。幾成全球一大商埠。亦其例也。斐律濱羣島。原隸西班牙。已三百餘年矣。十六年前。美與西班牙戰。其領土遂隸美版圖。開拓殖民地。以爲遠東海軍根據。其人以習處炎方。出產蕃薯。夙昔又鮮與外界接觸。故飲食居處外。無他營求。因之文化不進。禮教欠缺。人羣庸魯。亦坐此故。狂獠未易。有太古混沌之風。其宗教崇信天主。多是教徒。顧徒尙儀式。鮮究精理。食飲之事。無男女。咸重飫飽。米糧多運自越南。百物多舶來品。形式上無關經濟的優美。頗爭仿西洋。至精神上能力的教育實業。則研究者希。每視爲生活以外之事。其居處架木爲屋。結草爲廬。學術不昌。工業未修。視圭華若華廈。誠以智識幼稚。尙未入農業時代也。藉曰不然。何以主權已改隸他人。尙酣嬉如是耶。

斐地數百年前。土地荒蕪。榛莽而已。陵谷之中。飛走盤踞。人跡闕如。吾華人某氏者。航海抵此。篳路藍縷。烈山澤。驅蟲獸。與種植之事。手足胼胝。不遺餘力。嗣招內地華人。相踵至。而今所謂土著者。亦於是時屨入。亡何人烟漸繁。商業銳發。鄰居

遂覬覦攘奪。某氏厚其備而防之。垣墉溝壘。若我中夏。今則僑胞居岷。五萬有奇。而散處羣島者。爲數尤倍。比戶而居。面市而商。華人觸目皆是。數幾占其七八。嗟乎。某氏者。直我華之哥倫布。而斐島亦可稱中國殖民地矣。惜我國前此執政。未能遠謀。失懷柔之道。不知獎勵保護。致其結果。盡爲他人之物。能不恫心。然回思祖國。亦有日蹙之勢。况其他耶。國人有心。其可不急起直追。從事工商。以挽救之耶。

斐地華人之衆。商業之盛。幾全握之吾僑之手。既如上述。但曠觀闌肆。華貨少。洋貨多。什一孳孳。僅爲他人作嫁。是皆中國土產無踴躍運往之故。但亦不能一概而論也。請以此次所赴嘉年華會之情證之。

### 嘉年華會之盛況

嘉年華會。英名爲 Carnival。起源於羅馬。斐埠之有此會。自西歷一千九百零八年始。每歲首擇旬日行之。近今歐洲各大城市。率有此等年會。美之紐約連城。

亦有之。吾國雖乏其例。然城鄉市鎮。若元宵燈節及其他之賽會。亦彷彿之。但彼純屬於遊戲娛樂之性質。稍爲區異耳。我僑斐商人。以前此商業。多販運外貨。欲爲祖國貨物闢一銷場。蓄志非一日矣。故利用本年華會機緣。先與斐律濱之政府。訂定優待辦法。次遣薛君敏老返國。請政界派代表蒞會。勸商界運貨物赴賽。又於會場。預定地點。搭蓋棚廠。以爲羅列國貨之備。嘉年華會之會場。係借窩利士之地段爲之。面積廣四十噏克。故會內分設各種遊戲場所。綽然有餘。場內外電燈如晝。陳列品及遊戲品。雜遝畢陳。入場券人二角。孩童一角。會場內最足供人娛觀者。爲跳舞臺。臺平圓式。中矗鼓樂亭。粉白黛綠。裙屐少年。古裝時服。隨樂舞蹈。亦有戴假面具者。有花面者。奇形怪狀。儀態萬方。同時登臺。不下二三千人。此可謂嘉年華會唯一之鉅觀矣。跳舞會。每夕不間。而別其名。第一夕爲魔鬼跳舞會。二爲同樂。三爲海陸軍人。四爲平民。五爲加冕。六爲慈善。七爲會員。八爲白人。九爲斐律濱。每夕售入臺券。一男購券。例攜二女。各跳舞會。以加冕一夕。最稱

盛會。是夕嘉年華會之皇后。登跳舞臺。舉行加冕禮。皇后由市民普通選舉。此次獲選者。爲一西班牙半種。年甫十四。名美德娜。得票四萬餘。時人以爲絕色。后戴冕臨場。儀衛甚盛。管樂於前。扈騎於後。從者銅冠鐵甲。手銳戟。儼然古裝。氣象肅穆。令人想見羅馬時代。皇后加冕之盛況。

會場內新奇景物。不一而足。茲列舉之如下。

一並頭兒。兩兒孿生。臀後有肉。彼此相連。行坐與俱。年方五歲。有云兩兒脈絡相通。呼吸相應。一兒飲酒。他兒面頰。一兒病風。他兒感冒。恐是故神。其說不敢遽信。看資二角。

二大頭兒。一兒年約十歲。頭如斗。身材短小。看資二角。

三大手人。一人年約卅歲。右手重四十磅。看資二角。

四矮婦人。一婦年約卅歲。身軀長二尺四寸。言語舉動。與常人無異。看資二角。

五胎兒。玻璃瓶內。盛胎兒。浸以藥水。使不腐變。博物院及醫學校皆有。本不足

奇看資二角。

六野人。一野人裸體。手足嵌有銅片鐵絲甚多。手持木棍。常作擊人狀。看資二角。

七生番。一非洲生番。皮厚而韌。用玻璃碎遍擦其體。皮肉不傷。看資二角。

八井底神仙。井底一仙女跳舞。有玻璃返照。看資二角。

九土耳其跳舞。土耳其女子跳舞。看資二角。

十弄蛇。一少女抱巨蛇。弄諸股掌之上。看資二角。

十一蛇睡。一巨蛇會食一兔。過飽酣睡。擊之不動。看資二角。

十二一足雞。

十三三足狗。

十四三足豬。以上三種。同置一處。看資二角。

十五鱷魚。鱷魚一尾。從南美洲運來。水族院皆有此物。本不足奇。而門外大書



特書人食鱷魚。引人入看。看資二角。及入內則祇見鱷魚。不見人。

十六幻變術。一土耳其人演種種幻變術。左右上下。自無而有。自有而無。看資二角。

十七空中解衣。空中橫一鐵線。長可數丈。懸索其上。美女嚙之。沿鐵線而走。且走且解裙衣。從高擲下。數齒之力。能挽全身。可謂難能。每夕公開演藝兩次。不收看資。

十八空中泅水。一美女工泅水術。從高處一百一十尺。倒躍桶中。桶中水深僅四尺。每夕公開演藝一次。不收看資。

十九空中御車。一美女御自行車。從百尺梯中。奔赴板上。復遇彈力。躍起丈餘。落於網中。每夕公開演藝一次。不收看資。

二十風洞。洞內曲折紆迴。地板簸動。如波浪然。行之者且却且前。徘徊數四。始能前進。忽昂然大風起。凡戴帽者。俱爲吹去。行至盡處。有一甬道。僅可容膝。順

溜而下。衣服冠履偏其反而。收費二角。

二十一西洋景。全球名勝皆備。看資二角。

二十二武戲。日本健兒數人。演各種武藝。看資二角。

二十三走馬環遊。旋轉機一架。配木馬搖床吊椅數十座。隨機旋轉。作走馬狀。

機中附有樂譜。機動則樂自奏。婦人孩子爭趨之。每登座五分鐘。納資一角。

二十四木頭戲。木頭戲由廈門往。爲關員所阻。不得登岸。僑商許姓代延律師

訴之於法庭。暫准取保登岸。關員又扣留戲箱。涉訟多日。始將運入會場。距嘉

年華會閉幕之期。僅兩日耳。看資五角。

二十五中國戲。女伶七十名。由上海往。僑商陳君而鏗。親自返國定戲。以爲嘉

年華會助興。華人而外。西人土人。觀者甚衆。戲座分等。看資多則兩元。少亦五

角。

二十六西國戲。所演之劇。係一西班牙著名戲曲家所撰。布置全是真景。有村

落。有山林。有營寨。第一齣爲村落。外集場。第二齣爲海盜踞山。第三齣爲海盜行劫放火。義勇隊出禦。槍林彈雨。如臨大敵。可稱巨觀。場內坐位可容三千人。看資一等五角。二等二角。

會場游戲事件而外。另有各種競球會。在大球場行之。球戲中最足動社會觀聽者。爲棒球。從美國所尙也。競球者。學生軍人居多數。每日午後開會。作壁上觀者。動逾數千人。可謂盛矣。此外足爲嘉年華會生色者。尙有三大出遊。一假裝出遊。

嘉年華會開幕之日。舉行假裝出遊式。舉國若狂。觀者塞途。有鑑閱臺以待上客。出遊景物評判員。亦列坐於此。游行人物。過此者。俱欲大爲展揚。以邀賞識。故是日所見。極有趣味。極可發噱之事甚多。

出遊人數。達一萬五千人。學生居其大半。游過臺前。閱一旬鐘之久。出遊人物。或扮古裝。或衣綵衣。或作野服。或狀獸形。時而列隊整齊。時而參伍。

錯綜。有奏西樂者。有作土樂者。有吹紙筒者。有演口技者。若則執戈。若則持職。若則跨馬。若則乘軒。男女老少。爭相炫耀。形形色色。無奇不有。殆非筆墨所能形容。

### 二 兵隊出游。

嘉年華會開幕後二日。舉行軍隊出游式。先陸軍。後海軍。陸軍數達四千餘人。海軍僅數百人。陸軍先步隊。次輜重隊。殿以騎隊。步隊中有斐律濱士兵約千人。上體穿軍衣。下體不穿褲。蔽以紅布。實爲見所未見。

### 三 花車出游。

嘉年華會開幕前一日。舉行花車出游式。出游之車。有兩種。一爲汽車。一爲腳踏車。其比賽不在速率。而在裝飾。車上以花卉爲裝飾。有作古戲台景者。有作山林景者。有砌成船艦者。有高疊樓閣者。有摹古人像者。有狀鳥獸體者。形形色色。鬪巧爭妍。有美皆臻。無奇不備。其結構佳妙。裝飾新異者。錦標褒之。

會場內游觀之人。作假裝者居其大半。後生小子。競相戲樂。本不足怪。惟見有五六十歲之老嫗。亦復爲之。其尤奇者。人人手攜一布袋。中滿貯雜色紙碎。互相投擲。有惡作劇者。乘人不覺。撒入眼中。或口中。少年女子。及異服游客。受侮最多。習慣上不許忤人。惟有逆來順受。付之一笑而已。其女子髮上無碎紙者。且有愧媿顏。以爲不足博男子之一擲也。

溯斐律濱嘉年華會。每歲首一舉行。以旬日爲期。其目的在引起人民之活潑心。故會場設備。多屬供人娛樂之具。然往歲開會。是內國賽會。資游客之覽觀。作實業之研究。甚盛事也。自有嘉年華會以來。以一千九百十四年之賽會爲最大。今年以籌備不易。未能另闢賽場。其有陳列貨物者。祇令自蓋棚廠。雜處於游戲場中。故會場賽品。除我中華國貨外。幾如鳳毛麟角。不可多覩。

### 赴賽之緣起

我中華民國。自得嘉年華會勸運國貨之信。薛敏老先生蒞滬而後。乘 滬海道

尹楊筱川先生贊助卽轉知本埠及內地工商徵集出品。附設事務所於寧波路中旺街。錢江會館國貨維持會內。徵到品物計共四千二百餘件。編製中西說明書。分別陳說於政界。請免出口稅。得邀核准。廷芳及王文典君遂於民國四年一月二十日啓程。所有賽品均載太古公司輪船至香港。轉船運斐。吾儕乃偕白蘋州蘇鳳笙顧少也三君。搭日本郵船。名曰日本丸者。往香港。是日下午五時。於黃浦灘登駁輪。朋從無數。臨河握手。極致歡意。殊可感也。吾儕到港。少住三日。轉乘太古公司輪船。名曰德安。逕達斐律濱。

王文典君曰。我國文化。非窳敗於他人也。智識非拙劣於他人也。天時則氣候和煥。地利則質壤膏腴。交通便利。物產豐富。經商外國者。足跡徧於全球。願乃一經航行。則必託庇他人。汪洋巨浸中。無一中國旗影。卽本國江海自辦商輪。爲之王者。亦無一我國人之位置。嗚呼。傷矣。此次附搭日本丸。亦得以借觀其情狀。然受一番之感觸。亦頓添無限驚怖。蓋船中自上船主。下及火夫。一切隸

役及日用物品。曾未見有我中華之一人一物者。嗚呼。可謂能矣。嗣豈太古公  
司之船。則僱用寧波人頗多。

沿海之台灣香港。故主伊誰。吾人當尙知之。而今奚若者。蓋一則生產富饒。一  
則商業繁縟。小國得以漸強。大國得而愈盛。興懷及此。能毋慄然。

二十九日抵斐登岸。我僑商同胞。傾誠歡迎。音樂高張。握手殷拳。至爲忭躍。嗣復  
燕飲樂聚。盛筵肆陳。酬酢無間。異鄉骨肉。絮語一堂。祖國情懷。僑居况味。話言交  
互。幾有應接不暇之勢。甚盛甚盛。

### 國貨維持會致嘉年華會頌詞

國以與商而能強。商以務遠爲可貴。我華當閉關時代。卽精於貨殖者。不過在國  
中貿易而已。自與各國通商以來。華人默觀時局。不憚跋涉重洋。競爭商戰。我  
僑菲諸同胞。熱忱毅力。歷久不渝。一心謀祖國光。於貴埠嘉年華會中。邀 菲督  
美意。附設中國商品協會。陳列物產。今當賽會之期。特請 薛敏老先生代表回

華徵求國內商品。荷臨敝會演說經商之略。並國外種種情形。同人聽之。不覺神游其間。咸深仰企。特公推敝會會長。伍廷芳。王文典兩先生。專來與會。兼代費中國商品若干種以備貴會并諸來賓之參觀焉。此後我華商業振興。共叨榮譽。實皆貴會諸公提倡之力也。爰摛詞以頌之曰。

環海交通。華洋互市。遠道梯航。倦懷桑梓。荷叨勉勵。喚醒愚蒙。吾曹何幸。盛會恭逢。濟濟一堂。歡聯中外。愧我遠人。望風瞻拜。商業薈起。造福中原。國基鞏固。億萬斯年。

中華國貨維持會會長

王文典  
伍廷芳  
王介安

議長暨議員

王鳳儀  
席嘉蓀  
潘峻夫  
徐春榮  
婁鳳韶  
朱謙甫  
舒蕙楨

等公頌



### 赴賽之品物及狀況

吾等此行所攜貨物均係上海中華國貨維持會代表。王文典君悉心徵集。分別部居妥善運載。除花邊由美藝公司顧少也君。罐頭由泰豐公司蘇鳳笙君。隨國貨維持會運往外。餘均廷芳及王文典君所賚送。而白君蘋洲等五君亦時幫君照料得人而理。最爲此次賞心樂事也。

至會內華貨陳列場。係由該埠中華商品協會設備。此協會之組織專爲廣銷祖國貨物起見。所有賽品自起貨報關。以至轉運陳設發售。均由王文典君親在會場佈置。及上海各商界竭力籌維外。該埠協會我國總領事劉少彭君及巨商蔡克寬君亦力任其勞。僑商之熱心國貨誠爲不可多得者。

此次運往國貨之種類分類枚舉於後。

一布帛之屬 布疋 花邊 綢緞 紗羅 顧繡

二服用之屬 蟒袍 線衫 線襪 草帽 伍公愛國帽 靴鞋 絲帶 絲

巾

三用物之屬 漆 鏡奩 漆盒 膝籃 漆架 漆箱 漆梳 漆箸 漆碟

紙扇 磁器 銅器 肥皂 棉繩 中國自來墨水筆 文房用具 時

辰鐘

四食品之屬 金華火腿 罐頭食品 福州欖 糖果

五飲料之屬 茶葉 藥酒 醬油 各種花露

六玩物之屬 象牙彫刻玩器 繡花屏聯 漆玩具 紙玩具 玻璃花罩

公仔 假面具 獸首 紙花

七珠寶之屬 珍珠 玉器 鑽石 各種寶石

八圖籍之屬 商務印書館圖籍

九傢具之屬 酸枝傢具 漆傢具

閩商劉秀巖吳贊聿二君。自帶漆器茶葉玩物等赴賽。同行有陳君吳君。幫同照

料間有沈李二商家豫備大宗漆茶赴賽。格於眼疾不果行。廈門淘化公司總理陳君天思亦往觀會。未帶物去。因淘化在小呂宋。本有代理之店。其罐頭物樣。由代理取出。陳列會場。

滬閩運去之貨。約共值數十萬兩。在會場售出者。以花邊、罐頭、草帽、紙扇爲最多。漆器次之。玩物又次之。存貨尙有百分之六七。閉會後。由商品協會代覓一空屋。將各物遷入。再行陳列。以圖銷售。故王文典君尙須小作勾留。檢點餘貨。僑商擬備價躉買。緩緩分銷。以免將貨運回。并研究以何種物品投合該島僑商及土著之心理。以備經後推銷國貨云。

華貨陳於會場。游人志在娛樂。無意購物。然銷行亦不少。閉會後遷於市場。則購者盡擁。不數日間。銷售略盡。今將王文典君對於國貨脫售狀況。及滯銷退回各原由。其親在會場及市場以經驗研究所得者。一一轉述於後。俾我工商有所從違。則幸甚矣。

一罐頭食物。罐頭食物乃食物之熟藏者。自理化學發明。凡屬飛禽走獸。菜果。鱗介。靡不可罐而藏之。轉運各地。歷久不壞。我國貨物動植各類。孳生甚盛。邊圉荒蕪。尤宜墾牧。國人對此大好疆宇。巨利所在。斷不宜敝屣之也。上海泰豐公司。有先見之明。從事罐頭食物。設廠製造。風行海內。而國外大宗行銷。於今爲始。竊思原料出口。多有製造成貨回國。權利日削。惟此食物則否。此正生財之最大道也。初恐物仿洋式。不能銷。不知帶往出品。頃刻立盡。僑胞訂購。數以萬計。其暢銷之理。緣該地生活程度甚高。食物生產。不足供給。而百物昂貴。兼以天氣酷暑。物品難藏。而泰豐出品。則裝潢優美。不虞酸敗。價格低廉。滋味腴潤。一經醫生簽字。人皆食之不疑。苟能精益求精。斐島銷數。年在數百萬圓也。

二綢緞。吾國食蠶桑之利。已四千餘年矣。自與外國通商。常爲出口貨物大宗。近則意絲日絲。相繼而起。後來居上。而我國蠶絲之利。反落人後。雖然。苟能一旦刷新。恢復舊業。力圖改良。出口自能增多。所謂出口者。不若出口原料。進口

成貨轉移之間。利盡外溢。如外國緞與東洋綢。果能質良經久。猶可說也。但其  
中往往攙雜棉麻。與我國綢緞較。其堅固柔弱。不可同日而語。故此大攜往綢  
緞。大受海外歡迎。惟尺寸過長。尙不合地方情形。社會心理。殊堪惜也。此次綢  
緞之出口者。爲謙益、馬興和、王瑞潤、永興洽、萬豐載、裕豐仁、正記、悅昌文、春源  
馥、廣昌仁、裕豐祥、春記、正、宏興、載福祿、裕豐泰、廣順源、石恆茂、趙慶記、永興昌、  
義豐和、協記、鼎泰、鼎豐、瑞生和、謙裕等。而盛澤蘇杭綢類。銷路最廣。惟該地溫  
度常在八十以上。故以色白質輕爲宜。而玄色、摹本緞。絕無處銷行。物品以盛  
澤綢、白六串紡、杭紡、熟羅、官紗、春紗、景星紗、芙蓉紗及義豐和之絲呢爲最。攜  
往之者。十銷八九。而盛澤綢紡綢等。均適用於婦女。餘如蘇杭綢絲呢等。均足  
爲男子西裝衣料。自後凡有運往貨物。幅面闊當二尺二寸。長當七碼、十四碼、  
二十一碼。不等。均當因以七碼也。花樣取大花糾紋。顏色婦女用者。以粉紅、月  
白、湖色等。男子用者。則戒黑。而前往之綢面。不能十分光潤。當用軋機壓抑。則

盡善盡美。各商家。必須合購一架也。

三茶葉。茶葉亦我國出口之大宗。與絲並駕齊驅。雖得天時上之種植。但培養失宜。炙焙不良。裝潢不合。廣告不注意。銷路呆滯。而印度日本出產之茶。遂奪我國權利。雖然。吾國天時地理。可稱獨占。所產之茶。如能栽培改良。熏蒸完善。必能雄視世界之茶業。猶北美密細西祕流域棉花之絲。世莫能匹也。惟吾國業茶者。尙不知自保。去年復自相傾軋拋盤。而內地通行。困於釐金。出口困於關稅。無直接運銷之棧。而致一敗塗地。出口之權。與價格操之外人。故欲云推廣。亦難矣。而此次之攜往南洋各品。就茶一項。可謂爲直接海外貿易之發端也。其賽會品。係茶業會館。及忠信昌。陳翊周二家。銷售殆盡。惟該處所用。非上品。卽下品。中等不宜。且向用福建武彝。故必廉價之貨。消行方易也。

四棉布。棉布爲吾國所產。足以自給。而凡產棉之地。無不有布。婦女以紡織爲業。資以生計者。何下千萬。無如國人之心理。卑視土產之樸魯。崇尙洋貨之華

麗。故凡商家陳列。士女御服。鮮非外洋物品。故棉花出口。不知凡幾。織成布疋。復入國境。所失之利。等乎蠶絲。今幸我國設廠彈紡。日有增加。但布廠所用之紗線。半多取自外人。是亦喪失權利之道也。至於紗廠雖漸見進步。然每自相傾陷。但求近利。不圖遠謀。可爲浩歎。故欲振興中國布業。當先振興紗廠。則布之成本自輕。獲利自厚。查日本國內。棉花生產甚少。花絲又短。故其原料。多採自北美及我國。我國近時所購之雙紗線。均購自日本。而紗廠布疋之利。甚爲宏溥。然則我國致富之道。不須遠求矣。且我國產棉之區。據實業家調查。面積約七千八百萬畝。如改良種植。年可得一百五十二萬九千五百噸。則棉業大王。中國必可自居也。此次攜往之布。以華新、蘇新二廠最多。惟該地美貨通過入口均無稅。而我布則取稅極重。成本既昂。獲利自難。雖受歡迎過半。然用者斷不肯盡舍外而用內。寧購昂價。而不求賤。以表其個人經濟。斯實大可憂也。至該地習用之布。攜有布樣多種。以資參攷。二家之布。華新較宜。故銷售獨多。

雖然吾國內居民所用之布如能盡代以國貨於願亦已足矣。

五花邊。花邊仿自外洋者也。曩時我國宮帶製造精美。改事花邊則其成貨之優。自不待言。美藝公司之花邊貨物精良。固已婦孺皆知。有目共賞。初恐花邊效法外洋。斐島又爲美人屬地。消行之難。不言可知。詎料以我價值低廉。成本輕微。遂能於國外競爭。最可奇者。有二西女。爭購一種花邊。以貨不能各足其欲。致生齟齬。力勸始解。是一我國美術工業發達之兆也。

六線襪。俗呼洋襪。原自外洋故也。我國需用甚多。利權外溢。不爲不多。近日有人購機外洋。自行製造。而原料多非國品。得利亦非易事。曾憶上海捷足襪機公司開辦之後。國人競買。從事織襪。振興實業之心甚富。然公司初則操縱原料。繼則破產。遂致熱心企業家。志意灰餒。竊謂吾國機器工廠。急宜仿造織襪機器。而紗廠又宜紡織線襪原料。庶免外人操縱。成本既輕。消行自易。然此次攜往履和廠。泰和廠。利華公司之綫襪。雖不盡如初願。亦已銷盡。設實行前



開各節。我國綫襪。必能推行海外。至於絲襪。定價過昂。未易一時銷罄也。

七草帽。草帽原料。所謂草帽瓣者。我山東之一大宗出產也。自剪髮以來。國人

夏帽。每購自外洋。而國貨製出。既不雅觀。定價又昂。銷路略滯。然近已見進步

蓋原料既採自本國。興廠自造。較之外人。既減運費。成本自輕。銷行不難。此次

斐島賽會。上海道尹楊小川先生。囑山東大東公司草帽。亦往與賽。以貨物優

美。製造精良。價格適宜。均已售罄。設再擴充改良。何患不能戰勝他國。握海外

之商權耶。敬告草帽製造家。勿懈進行。勿貪近利。精益求精。以答楊交涉使提

倡之苦心。則獲利未可限量也。又廣東新會鴻發公司。所製軟邊草帽。以本地

被襪洋貨之上。

八紙扇。紙扇之於我國為特產。近有日貨。乘機躡入。不可不注意也。且國內用

扇。每逐時尚。扇面務小。質地尚滑。扇柄求緊。僅為士女之裝飾。其使用之目的。

不甚慮及。至於南洋氣候炎熱。需扇自煩。此次攜往者。係公和來。蓋日公司之

出品來自紹興。比較舊時。進步極多。而質地堅固。非日本貨物所及。故已銷盡。惟尺寸太短。多遭挑剔。今特攜回該地通用扇樣。俾資參攷。總之扇以多風爲貴。尺寸宜長。開闔以便利爲宜。柄釘宜寬。扇面繪畫。宜五彩花卉翎毛。俾便一觀。卽曉。易生愉快。苟能如是。則盡善盡美矣。

九顧繡。顧繡乃我國之特別工藝。山水草木人物翎毛。靡不可繡。而畢肖也。前俞女士繡意大利君后二像。大得外人贊美。此次攜往裕泰成、萬利源、天成、永、愈植權女士各項顧繡。見者亦無不歎絕。緣工藝之精。顏色之美。引起快愉所致也。無如南洋起居。異乎中邦。捐稅又重。值百抽六十。銷行甚非易事。售去雖已十之二三。究難視爲正當貿易。惟屏之方者。如繡以五彩動物。尙可行銷。清時補服。土人作爲錢袋。購者甚多。亦廢物利用之一也。繡花絲巾。顏色當爲湖色。妃色。以淡爲宜。花宜簡單清秀爲上。價值宜廉。質地宜輕。當能合用。至於屏條。斷不能銷。蓋斐地土人。無高屋大廈也。

十帽鞋。斐地炎熱。多用草帽。暖帽固無銷路。此次攜往之老裕大馬敦和帽業公所愛華女子公司之女帽。華僑某君勸不必陳出。余以爲既已運來。苟不陳出。於心不安。此來原爲競爭及試售起見也。不料竟有人購買。必成對心甚異之。求其故不得。後因研究繡貨改良方法。參觀土人住宅。見壁間所懸之女帽。詢之則知其形似鳥。懸爲飾也。則此後製作原料不必過良。施工不必過精。直視爲裝飾品之銷路可也。唯廷芳當年自定式樣。教人創製之帽。俗呼爲伍帽。人人稱妙。購求極多。又老裕大之鞋。銷路殊鮮。惟拖鞋銷場甚廣。年約十萬。今攜回拖鞋之式。以資仿造。

十一肥皂。肥皂爲日用必須之品。來自外洋。吾國亦仿造之。近則此項工業。已有蒸蒸日上之勢。而此次攜往南陽廠信成永之出品。均已售去。苟所含水分較少。加以香斜。銷行愈易。惜此次香料肥皂未之攜去。遂致供不給求。考察再三。香皂銷路。且較優於他種也。

十二藥品。羅威藥房之藥品。依照定價。盡行脫售。牙粉銷路爲最。該地通行之藥。日本居多。幸羅威藥品。裝潢適宜。內容優良。故甚歡迎。現已設分銷處。以圖推廣。惟裝運當考究。支方侯君之喉痧藥。本極靈驗。惜未詳西文名稱。遂致無人過問。而有未達不敢嘗之歎矣。

十三汗衫。景綸汗衫之良。早已膾炙人口。然南洋與內地。風俗習慣氣候。各不相同。因其身太短。出手又過長。以致銷路不旺。自後身長須二尺二寸。出手照前須短一寸五分。腋下萬不可補接。斯便銷行矣。

十四剪髮刀。銳利公司之剪髮刀。製作甚良。惟該處美貨進口無稅。成本甚輕。斷不能與之頡頏。故未銷去。

十五酒。康成之酒。極能博售者之歡。價值雖貴。亦願一試。然加以十倍之稅。成本過昂。斷不能銷。故盡退回。設在該處製造。當可獲利。酒取重稅。固各國通例也。

十六罐瓶食品。鼎陽觀之罐瓶食品。悉數脫售。而以火腿牛肉鬆等。銷路尤旺。十七鐘表。美華利之大鐘。以不能與美之免稅物品競爭。無法行銷。十八皮蛋。張裕昌之皮蛋。悉數脫售。如能改裝木箱。裝運自易。獲利必豐。十九烟袋。惠濟生之烟袋。馮修甲之改良烟筒。緣該處盛行呂宋煙。煙袋雖好。無煙可購。不切實用。故止售去十分之一。餘盡退回。

二十夏布。夏布爲我國之特產。亦僅江蘇之崑常。江西之萬載。著名於世也。產地婦女。賴此以資生活。爲數甚多。南洋氣候。四季常夏。夏布之能銷行。不待智者已決。惟此次僅攜馮義泰樣本一疋。致不能供應。誠屬大憾。愚謂春間收買產地出品。專運南洋。必可獲利。而特此以爲生者。亦得經濟裕如矣。

二十一火腿。火腿爲我國金華雲南之特產。卽國內各地。亦不能仿製。畢肖。而况海外乎。故帶往之協成火腿。味佳質美。盡行銷罄。蓋美國所製之貨。斷不能如吾國之美。故人多歡迎我國貨也。

二十二改良綢緞。杭州振新公司之改良綢緞。極蒙歡迎。惜有樣無貨。不得試售。自後運往。銷行不難。

二十三綢製國旗。鼎泰新之綢製國旗。懸掛會場。鼓掌歡呼。而過者甚衆。非特顏色鮮美奪目。且可大增國家光榮。頗慰華僑之望。

二十四翻沙模樣。翻沙業之翻沙模樣。經評議後。質地甚良。得優等獎憑。

二十五洋燈心。三友實業社之洋燈心。物質甚佳。惜非售品。此雖小物。統計則大矣。

二十六漆畫。沈思儉君之漆畫。筆法結構。佈置合宜。惜多屏條。不切實用。然亦售去其半。如改方塊。繪以五彩動物。富得銷行也。

二十七雜類。老萬春之麻綫。以該處土產甚多。定無銷路。而華昌之絲光布樣。頗蒙嘉許。如有運往。當可行銷。

至該地之進口稅率。較之中國之進口稅。相差甚大。大約繡貨值百抽六十。綢緞

值百抽五十。布疋扇子。抽值百三十五。食物均數約值百抽二十。酒值百抽千。此其大略也。

以上皆經王君文典悉心攷驗所得。用力劬。見事確。與鄙意無一不符。故特全載於右。

### 國貨推銷之研究

對於國貨推銷之方法。廷芳及王君文典偕赴茲會。咸從事實地研究。事無大小繁簡。一一躬同體察。積事多端。而終以推行土產。發展經濟。爲唯一之主旨。茲分列於後。俾資愛國者取鏡焉。

#### 甲 關於政治者

一 政府對於商業。當取保護政策。吾國與人通商。稅則協定。名云設關權征。實同自由貿易。日後稅釐。或竟全免。出口宜輕。入口務重。如事關約章。不能實行。可設獎勵金。用間接易名之法。以避外人據約詰難。

二政府對於各國通商約章稅則。當按約變更修正。按各約章。均有修改手續之規定。且各國已允我國裁釐加稅之政策（見條約）宜即裁去貽害商民徒肥私橐之釐金。實行進口稅值百抽十二五。則國貨便宜多多。亦保護政策之一法也。

乙 關於人民者

一設海外航路。日本赴各國之貨。以本國船直載至目的地。我國不然。故裝運換輪。所費甚鉅。不利孰甚。宜竭力鼓吹。蚤與觀成。

一設懋遷公司。收集商品。以赴外洋各地。則源委兩處。當設總機關。熟於人情風俗。價格性質。免商品折閱之虞。則懋遷公司尙也。例如上海與小呂宋各設一所。則消息傳達。商貨轉運。皆惟此是賴。便莫大焉。

一中國各銀行。推設國外分行。我國前無國外銀行。故物品出口。匯兌事務。常爲外人操縱。匯兌之類甚多。押匯最要。押匯者。發貨人以提貨單向銀行押兌。



現金而受貨。於貨到後。必依匯票面價付清。方得取提單以支取貨物。如是則金融活動。利不虛失矣。中國近年。雖有渣打銀行設立。專法意國外押匯。而扶助振興焉。

一 設立外國貿易工業學校。外國對於一事業。必有一學校。以免學非所用。用非所學之弊。况海外貿易。我國尙在幼稚。焉得不專設學校。以立其基乎。其科目注重國語。及通用外國語。商業通論。道德。地理。廣告術。陳列術。社會心理。打字機。匯兌。金融。商品。織染。提花。及其他關於商業必須之知識。苟能實行。獲益自宏矣。

### 丙 關於工商者

一 裝箱之改良。吾國之裝箱方法。不可不於物理學上大加注意也。如箱內易破碎之品。當雜以有彈性之軟物。務求不致破碎爲宜。其易著潮濕之品。當先以馬口鐵保護。如能真空最妙。木箱之配置。能如紙煙之裝釘。且外束以籐索最佳。緣轉輾移動。非如此不足以免損壞故也。再箱口封條。不宜過大。否則或將所

編號。盡行掩蔽。或則易於墜落。此不可不改良也。

一提貨單與領事簽定單。則面價當同。按我國商品出口。必須所赴地之所有國駐華領事之簽字。設提貨單與領事簽字之價值不同。頗費周折。不可不留意也。

一賽會之佈置及物品之排列。賽會之佈置。不可不推陳出新。務求盡善。而物品之陳列。尤宜一無隱蔽。表裏畢露。綢緞。布疋。茶葉。最當如是。致於代表賽會之責職。須以經驗熱心相輔而爲之。始可盡善盡美。如假手於人。能盡善者鮮矣。故此賽會能得完善之結果。皆代表經驗熱心親在會場之力焉。

上述各節。僅舉其大要。我海內外同胞。匡其不及。尤欣幸焉。

## 歡迎會雜錄

緒論

廷芳偕王文典君。此次爲斐律濱羣島之行。實爲盡國民義務。結僑胞感情起見。所有各地歡迎歡送大會。本不敢赴。然卻之再三。每不獲許可。祇有勉從。藉盛會之場。發抒素抱。綜計前後各會。咸有演講。借紀於後。所有事實。均轉錄各地報章之登載。或會場臨時速記之言。不加點竄。合併記之。

### (甲)南洋之歡迎

赴斐島後。到處歡迎。席不暇暖。無任欣忭。祇領之餘。莫名感綴。謹誌以謝。間有舛錯。並希指正。

### 廣東會館歡迎會

二月三日三時許。廣東會館開會歡迎。會場陳設輝煌。有軍樂及中國音樂助興。閩粵人士到者逾數千人。美國到者亦數人。開會時。由王君燦三主席。李君輝普

宣布開會理由。次請伍君廷芳演說。伍君起言曰。兄弟荷蒙歡迎。慚愧不敢當。今兄弟偕王文典君甫到岷。蒙中西人士優待。已是過意不去。又蒙衆同鄉歡迎。感激不敢忘。兄弟到此。知貴會爲廣東會館。使兄弟生無限感情。何則。蓋在他人境地。有會館。則有團結力。有團結力。則地方如有不甚重大之交涉事件。可以排難解紛。雖有領事。亦不必勞動之。至善也。惟有一層。會館對於商務。大有關係。以一省之會館。可稱之爲商務會。故會館之宗旨。應推廣商務。不知貴會館是否持此宗旨耳。且會館不必多。多則散漫。時起爭競。兄弟曾到美兩任公使。見乎金山之中國人。粵人居多。別省人則除使館之隨員外。爲工爲商者極少。然粵人之在金山者。前雖數萬。今不過數千。乃因互分界限。四邑有會館。肇慶有會館。三邑有會館。其外又另有一廣東總會館。夫會館多。則人心分散。不能大團結。種種弊害。由此生出。兄弟粵人也。不妨一論粵之弊病。粵人之風氣不好。多立一會館。則多一黨派。如四邑每與三邑爲仇。爾攻我。我攻爾。彼此相攻。不成大體。須知華人遠走

他方欲爲商耳。欲生財耳。何爲立會尋仇。但從前之工人。則每每如是。例如新寧人。則待香山人若仇。新會人。又視開平人如仇。以華人殺華人之案。時有所聞。兄弟在公使任內。辦理此種案。不知凡幾。第居留他人境地。案事應歸外人治理。此種案一入外人手。足令外人輕視我中國人。自殘同類。辱國最甚。故兄弟常勸令各會館合併。共組織一廣東總會館。較爲有益。奈彼不我聽。無如之何也。雖然。華人亦有好處。勤勞耐苦。是其特質。惟性太執拗。乃其通病。夫過而能改。善莫大焉。華人則明知其過。而不肯改。試舉一可笑之事以喻之。如美國之光陰。與中國總差一日。故月份牌每有不對。不特與中國之月份牌不對。卽金山各埠所出之月份牌。亦有互相不對者。兄弟居美八年。見各日曆不對。有此方今日慶賀新年。而彼方除夕者。煞是可笑。華盛頓京城之華人。僅一百數十名。兄弟於是以最準之日曆勸之遵行。則無分岐之病。問改正有難否。曰無難。因之有一年則照行耳。而翌年復不改正。詢其故。答曰。因去年改正。生意便不好。故不如仍舊貫。錯則任其

錯而已。至今仍如是。此頑固之極點也。毋怪外人欺華人。有時華人亦是爭不上者也。世事不知其錯而不改。此無怪也。知其錯而不改。可恥之事也。費埠與中國鄰近。與金山不同。較金山爲好。兄弟所經歷之國。是華人有許多好處。惟有錯則不改。是其唯一之弊病。卽如清朝亦知錯不改。竟至亡國。同鄉諸君。試思嘗人有錯而不改。誠是也。自己已有錯。亦應要改。方得其平。卽如有辮者。本最污最辱之事。要改矣。兄弟於清時。會上書條陳剪辮。奈清廷不聽。彼非不知辮之應剪。兄弟所上之書。彼亦曰好。奈彼束之高閣。不提不問。惟在滿清時。猶可言也。今已改爲民國矣。則不應有辮。夫辮非華人本來面目。清人入關。始逼我留辮。試觀歷史上。因不留辮而死者甚多。此蓄辮之痛史也。今之有辮者。兄弟不知彼是何居心。或思復做清朝人耶。（大鼓掌）惟現滿人亦多有剪辮者。蓋辮最污俗。最不美。最羞辱之物也。外國人稱之爲豬尾。狗尾。故居留外地。尤應注意。大加改良。（大鼓掌）兄弟來此。見貴埠雖閩粵雜居。類能和衷共濟。與金山差得遠。最爲欽佩。惟我華人

從前最輕視商。不知商富則國富。商貧國焉能得富。是以國家應鼓勵華人出外經商。與內地之商人互相提攜。推廣商務。國乃得富。而國富即強。兄弟與王君文典來此。即欲推廣商務。以中國國大人多。日本國小。而中國出口之貨。遠不如日本。此亦可愧之事。近數年。兄弟等在上海。見商務不振。因組織國貨維持會。欲把國貨推廣於外洋。今被舉來此。亦抱此宗旨。帶有貨式同來。與我僑斐華商討論。何者合用。何者不合用。以求我華人幫助。前數日偕王君文典。沿門查問各華店之商况。見消流中國貨者甚少。僅得百分之二。大都是美日英德等貨。此亦是要改良之點也。美人精於理財。鼓勵商務。出口無稅。是以貨平。今兄弟亦欲設法推廣國貨至此間消流。務望諸君熱心維持。以中國人幫助中國人。尤要常時不分畛域。不論何省。均是同鄉。華人來此者。應如兄弟姊妹。同胞相待。則中國自然發達矣。兄弟或不能久住。不日當拜別。現又出言不文。惟其中有至理。望諸君於兄弟去後。當取而味之。竊有後望焉。(大鼓掌)次由王君文典演說。乃由劉領事

傳譯。王君云。今天蒙各位歡迎。鄙人實不敢當。而鄙人又言語不大清楚。故於演說一途。不甚方便。鄙人在滬時。與粵人接洽多。知粵人甚開通。滬上所有一切事件。多由粵人發起。故鄙人甚仰慕粵人。鄙人初來時。有一外國人展地圖與鄙人參觀。指點山川。得知小呂宋之形勢。該外人有一言。足使鄙人駭異也。其言維何。卽謂小呂宋。乃閩粵人之小呂宋也。諸君驟聆此。得勿詫異乎。惟該外國人。謂從前之小呂宋。乃一荒蕪之小呂宋。得閩粵人來此開墾。始有今日景象。故曰。閩粵人之小呂宋。〔大鼓掌〕鄙人浙人也。得見貴省人士在此種下偉業。而敝省無一人附驥尾。深滋慚愧。然亦甚高興。蓋閩粵人中國人也。閩粵人創此偉業。中國之光。亦卽各省之光也。鄙懷因又滋適。今閩粵人在此之生意。如是其發達。鄙人因特偕伍先生來此一觀。藉以調查商况。以爲推廣我國商務之入手功夫。伍君在滬。交遊極廣。無論中外人士。均崇拜之。第伍君非有功名。可以使人震驚也。非有勢位。可以使人崇拜也。人之慕之者。慕其有道德心。慕其有公理心耳。中國有伍



君亦中國之光。而民國成立未久。內外事甚多。若欲強國。務要戮力同心。始能有濟。我國四萬萬人。散處於各地。不特望內地之同膺盡力已也。尤當望海外同胞幫助。前者薛君敏老至上海。曾對鄙人談及斐島華人。不下五六萬之多。而商務則佔千分之五。試思以上海一地。外國之居留者不多。而商務則佔百分之六十。兩相比較。誠有天淵之隔。故鄙人在滬。卽被公舉來此。以考查商務。而來時穿著長衣。表明鄙人實因推廣國貨。從中國來。以鼓舞諸君樂用國貨之興趣。抑有一事。鄙人沿途未得一見中國之商船。此亦實業不振之明證。是以深望各位大振興實業。更創造輪船。使國旗飄揚於海外。而各貨尤應研究。大加改良。將來商務發達。深有賴於諸位。次由朱君兆莘演說。其言曰。鄙人從福建來。代表福建參觀嘉年華會。值貴會館歡迎。伍王兩君。鄙人適逢其盛。曷勝欣幸。鄙人粵人也。曾僑美八年。對於美洲粵人之弊病。知之極深。惟伍君既已言之。不俟鄙人贅言矣。鄙人既從祖國來。卽將祖國消息帶來。供諸清聽。今請得一論中國。中國近來一年

進步一年。已由破壞而入於建設。不容再破壞。如再破壞。前程不堪問。蓋激烈之愛國心。用於破壞時代則可。用於推到滿洲政府時代則可。用於今日則不當也。滿洲政府之推倒。粵人居多數。粵人自應以國家爲前提。不應以人爲前提。中國者。中國人之中國。當設法爲國。不可限於一人。鄙人恐海外諸君。不知實在情形。因略表而出之。夫愛國心。不患其無。而患其太多。太多則國淪於亡矣。須知有國勝於無國。譬諸一屋。有屋勝於無屋。然屋不可以屢次破壞也。如屋屢破壞重建。則無屋可住。國亦然。若屢破壞重建。則無國可居。此非鄙人偏於一方面之言。鄙人不怕國人無愛國心。怕過於激烈耳。民國四年後。入於建設問題。非破壞問題。政府如不善。責備毋怪責備。但不應破壞。諸君去國日久。每有見他人政治優美者。遂怨懟祖國。而忘祖國。此最惡之事也。鄙人今有一言曰。毋忘祖國。末由史君家麟演說。史君所論亦均關於勸勉國人振興實業之詞。衆皆鼓掌贊善。最後由宣佈員致謝各位指導。復請各人拍照留紀念影後。遂開公讌。直至六句半鐘始

散。伍君瀕行時。有商人陳達君。面訴以斐政府新出西文簿記例。最礙華人商務。伍君乃詳詢該例內容。陳君告之。伍君隨聽隨稱不便。又問劉領事究竟該例如何。領事答以現時商人起訴於法庭。暫時不發生效力。將來結局如何。尙未可知。時王君文典向民報記者曰。伍先生事忙。君等如欲伍先生助力。請將該例之內容。開列清楚。交與鄙人。鄙人當敦促伍先生助力也。遂握手如儀而別。

#### 民號報譯西文時報斐島獨立問題之演說

二月四日。斐人假座法蘭西旅館。開歡迎會。是日斐人及來賓等。有二百餘人。會中斐人。皆曾留學美國。受有高等教育者。時伍先生對之演說。斐島獨立問題。該埠各西文報。多有記載。伍先生之演詞者。惟英文時報。紀述是日之盛會。獨詳。茲節譯如下。

(上略)伍博士謂自治政府成立。宜經進化之程序。此於他民族。然於斐人亦無不然也。故建設自治政府。非預備歷有年所不可。世界未有民族。能收自治政府

之功效。而不循民族進化所必經之階級者（中略）此老成諳練之外交家（指伍先生）乃引其本國。以爲斐人之鑑。謂中國名爲共和國也。然非至民國人人知共和國之政體。與其政事。則終未能收共和之功效也。中國人欲建共和國。而不知共和國之意義。並不識建設此共和政體之艱難也。然今中國人已覺中國尙未能成完全共和政體之國矣。伍博士又對斐人。謂當緩圖急進。君等斐人於此事爲之過速。則適足以破敗歷年之所夢想者也。吾知此邦有識之士。當無不信斐人足以獨立時。美國定與之以獨立也。夫美國固未嘗明許何時。與斐人以獨立。然美國爲世界一大國。且爲有名譽之國。斷不至自墜其信用。十五年來。美人於此邦。與東方一民族謀進化。此歷史上所未有之事也。予固非精通古今之史學者。惟以寡陋之學識所及。則未見有以戰勝之國。乃用代價購買喪敗之民族。而又爲謀振興。循序以進。使之成爲獨立之國也。故予望君等斐人。且信美人之言。君等未得何種成文之約。擔保美人。何時與君等以獨立。君等所得者。卽美

人前此十五年。於此邦所建設之偉大事業也。君等能信美人。尙有爲他國人費此大工乎。固無有也。君等勿猜疑美國人。美國人從事於此。固已悉心盡力矣。其所用之金錢。無非爲斐人謀利益。堅忍艱辛。竭其智慮。爲斐人設施。篤信之美人。皆知彼爲榮譽所繫。將來必將政府歸還斐人。惟有遲速之問題耳。美人使君等脫離暴虐之政治。而又使得見自由之光。然美人固善於經營者。今日未卽與斐人以獨立。此非彼自爲謀。與君等謀也。吾華立國。較斐島則先數千年。吾國之民。不知自由爲何物。而強之自治。君可以鑒。不知自治而忽得自主者之前車也。斐人之將來。且置之美政府掌握之中。此偉大尊榮之國。必知所當由之路。循級而進。君等毋自破壞也。勿急進。當緩圖之。（下略）

### 華僑公讌各代表歡迎會

二月六日夜六時許。東方俱樂部。開歡迎讌會。到者逾千數百人。秩序井然。雍雍熙熙。甚可觀也。入席後。酒數行。席間主席劉毅君起言曰。自歐戰以來。商務大受

影響。今忽如大雨淋漓。得覩一綫之陽光。此一綫之陽光。何自而來。卽伍王諸君所帶來者也。鄙人聞之。昔之言天文者。謂世有非常之人。必上應星宿。其人駕蒞何方。則天上之星。必移指何方。事之確否。雖不敢必然。今伍先生我國之非常人也。伍先生來此。天上之星。亦必移照此方。惜昔之談天文者。不在此間。否則彼必能爲我輩告指以何星便是。惟以鄙人意忖而得者。此間已有數點明朗之星矣。此明朗之星。爲何種星宿乎。卽壽星與財星是矣。有此大星照臨。故吾人必得康寧騰達之幸福。而斐島爲之一光。若久雨之現太陽。吾人因戰事發生。耳聞目見。無非戰訊。久已厭煩。何幸伍先生來此。中外報紙。筆有記。記伍先生。中外人士。口有道。道伍先生。於是人人津津樂道。遂將戰事之煩惱。渾然盡忘。此非可喜事乎。微伍先生不至此。故伍先生大有造於斐島人士也。伍先生之聲價。夫人皆知。不俟言矣。人皆目伍先生爲大政治家。大法律家。大外交家。大演說家。大文學家。以鄙人觀之。伍先生無所不知。無所不能。實不能以一家之人物限之。今伍先生之

來。爲調查商品。推廣商務而來也。吾人所以得一瞻丰采者。則因華僑愛國心。日高一。日。故是年有商品協會之組織。第事乃創始。不知從何著手。因舉薛君回中國運來與會品物。乃薛君不特運到品物。卽各大人物。亦由薛君運到。是誠薛君之功。至商品協會之設。非爲金錢也。其宗旨有四。一聯絡內外感情。二推廣祖國商務。三振興祖國工業。四促進物質文明。抱此宗旨。實責艱任重。現幸得伍先生指導。俾知所從事。最爲大幸。鄙人昨在廣東會館。聞伍先生演說金山華人分黨派。此實中國人頭一弱點。夫四百兆人。一心一德。乃可圖強。四百兆人。而有四百兆心。不可爲矣。是以今夜之歡迎會。非尋常鄉情酬酢。乃各界全體。不分省界黨界。專心誠意。仰慕伍先生之良會也。鄙人於是欲請薛君敏老。代表各界致歡迎辭。薛君敏老云。今日全體僑胞。公宴伍王諸先生。委弟代表致歡迎詞。蓋伍先生等此次來游。其有益華僑方面者。有二。一聯絡中外感情。伍先生到埠纔兩日。斐人偶舉其名。無不竭誠致敬。兄弟會同裁判廳人員。侃嗚示云。伍先生此來。未帶

戰艦巨礮。而兩日來。已戰勝斐人之心。蓋中外人士。素重伍君。此行足爲僑界增光。將來中外感情。必大融洽。二固結內外團體。如今晚宴會。由僑胞各界團體集合而成。卽其明效大驗。况又可與內地聯絡。以求商務之發達乎。斐島商業。吾華人佔百分之七十。而商品多販自外洋。爲人作嫁。所得幾何。若皆賣國貨。則祖國之獲益。可勝言哉。然僑商亦非不欲售國貨。實不知果有何物可以銷行此地。而國內工商界。又不知製造合消此間之貨。兩面隔膜。遂至現象若此。各國殖民地。幾無不有華工足跡。吾華人豈必喜歡出洋作工。特以內地無工可作。遂至轉徙異域。因以受外人之苛待。至可痛也。苟能振興祖國之實業。則國內工場。可以容納工人。而華工可免出洋矣。故欲振興祖國工商業。當以購用國貨。推廣國貨。爲唯一之辦法。此次國貨出洋試銷。皆伍王諸先生提倡之力。此後消場暢旺。則功業偉大。爲何如哉。故鄙人代表僑胞全體。致意歡迎。演畢。主席劉領事起立。宣布王文典君歷史略云。王君爲吾國青年大實業家。對於國事。異常盡力。諸君知



各省商辦鐵路之歷史乎。滬杭甬一綫早已觀成。若粵漢路。則因辦事者未得相當人材。遂至延宕。粵人謂浙人辦路最好。欲延聘一浙人幫辦粵路。而王君亦極熱心。在滬上粵路股東維持會。被公舉爲會長。其信用昭著。爲何如哉。乃請王君文典演說。王君云。兄弟此行。承諸位格外優待。實不敢當。此次貴代表薛君到滬。各界異常歡迎。且有種種幸望。試略言之。一滬上各界。知此間華僑很多。若販賣國貨。則銷路必暢。二國貨得此絕大銷路。則國內工商界。自能活動。原來國貨亦非不好。而所以不能出口者。此中困難情形。請直陳之。國貨所以不能暢消者。雖有種種原因。而滿清時代。與各國協定關稅約。卽其一端。人之入我口貨。值百抽五。盡人皆知。而我則反是。且出口稅。又不能免。此次赴會物品。得以出口免稅者。此中情形。不妨略談一二。自貴埠代表薛君到滬。商界竭力提倡。交涉使楊筱川先生復電請政府免出口稅。以示贊助。政府亦欽佩華僑愛國之熱忱。覆電允許。經此兩層手續。而國貨乃運到此間。不可謂非貴埠代表到滬之功。中國國貨。雖

多爲手工品。本爲世界各國所稱許。既多爲手工品。而機械製造。雖甚發達。亦必賴人工補助。各位當曉得從前衣服。都爲樹葉做成。全是人工。上海某銀行有一位小呂宋人。嘗云。此間商務。都是華人振興。甚爲感激等語。鄙人此番南來。因言語不通。有言亦不能詳盡。惟此次運來貨物。何者可銷。何者當再改良。全望各位指教。恕不多談。謹願中華民國萬歲。中華國貨萬歲。小呂宋華僑精神萬歲。演畢。主席劉領事起立致詞。伍先生爲吾國大政治家。大學問家。大外交家。大道德家。無所不知。無所不能。實不能測其所至。惟當有一言爲諸君告者。先生爲民國第一有功人物。南京議和時。伍先生建議。兩方面均所樂從。故南北易於統一。而不至演成絕大流血的慘劇。伍先生功在民國。是吾人永遠不忘。卽今日宴會。亦當永遠作爲紀念。故鄙人請伍先生演說。伍先生略謂今日承各同鄉設宴歡迎。異常感激。兄弟雖未曾身履此地。然美國得斐律濱時。兄弟適在駐美公使任內。曾因遣派小呂宋領事官。與美政府交涉。西班牙管轄斐島時。此事不能辦到。故乘

美西戰後。與美國提議此事。居然成功。第一任領事記爲陳最良。後來他自卸任。政府派其子。第三人。又是一陳姓者。任領事。記是福建人。本來華僑所在地。政府應當派領事保護。因政府不能實行。故各埠尙未遍設。此間劉領事之兄。鄙人本與有舊。聞劉領事極能與華僑聯絡。甚爲可喜。公使領事欲實行保護華僑。須與聯絡。且又是他的職任。兄弟今日到此。無論何省人。均稱劉領事辦事甚好。惟望此後。更與華僑聯絡一氣。日來調查一切商務。頗知情形。屢與美斐各人士談話。知彼等待我情形。比前略好。惟有一言奉告者。吾等華僑。須與美斐各人聯絡。較爲有益。中國人出洋。每爲他人所輕視者。此何以故。如金山一埠。華僑辦事。異常勤慎。然公餘之暇。不能與外人聯絡。遂至感情不好。予在公使任內。曾痛駁禁工條約。且對美人云。華工入美。於貴國甚爲有益。彼云誠然。無如華工自爲風氣。與吾等不相往來。故另有中國街之稱。名雖雜居。實同異國。又云。華僑出洋。大都不挈帶眷屬。賺錢盡數寄回本國。無益於所在地方。吾以爲華僑錢項。本是辛苦得

來。非強搶的。吾們有自由支配之權。此等謬說。不足與辨。然而黃白兩種人。不能融洽。此是真的。美京華盛頓。有華僑三四十家。除作事外。輒與同事消遣。絕不與外人往來。此間華僑則反是。且娶有土婦。亦聯絡之一法。（衆拍掌大笑。）今日與內務司午餐。曾與言華工進口事。彼云。工禁尙未解除。復與言前日在西國商會午餐。鄙人演說斐島土地荒曠。若任二百萬華工入口。開發地利。兩方面俱爲有益。在座斐督。及各大員均贊成。彼云。此事須經本埠議院通過。又須美京認可。言時。亦謂吾輩華僑。不肯與外人往來。自成一類。不願互相聯絡。吾告以南斐及意大利人在美。豈個個與美人聯絡乎。渠謂彼等能與美人同化。華人則不然。予駁之曰。爾等不許華人入籍。是先分界限。故華人不能同化。否則吾華上等人。既入美籍。娶妻生子。照貴國國籍法。所生子女。皆爲美國人。何不同化之有。且中國人對於其妻。異常優待。彼云。有何證據。吾告之曰。予在駐美公使任內。貴國適選舉麥堅呢。再任總統時。有一華人挈一婦一女往見。婦爲美國人。予問此女是君所

生否。彼云爲予夫前妻所生。渠妻爲予之女友。吾夫待渠甚好。渠亡後。予願嫁之。此事其一證也。且黃白聯姻。生子異常聰穎。因兩種精華所聚。結果自是不同。如廣東人所云兩種子。此等子弟。在香港學堂考試。大都均列第一。不特此也。卽香港第一鉅富人。亦此等混合種子。第不便舉其名耳。若美國人與黑種人聯姻。其效果吾不敢知。與黃種人聯姻。則敢決其必佳。兄弟因彼白人。多不肯與吾國人聯姻。故言此耳。現在有兩種情形。(一)此間曠地甚多。出產甚少。卽米亦須在外埠運來。若得吾國來此耕種。將來出產必多。以彼有餘。補我不足。於兩方均有裨益。(二)中國人要賣中國貨。此是絕大題目。此次運到國貨。來此販賣。勸列位愛國同胞。設法推廣銷路。於祖國必大有益。須知華工入口。權在他人。推廣國貨。權在自己。若能做到一分。便爲祖國爭回一分利益。故望大家竭力做去。尤願兄弟回國以後。時常通信。互相勸勉。則大局幸甚。此間無中國輪船往來。而日本有之。若由中國遣派招商輪船。或組織一輪船公司。專走南洋祖國。此問題亦請各位

研究與上海商人函商辦理。若能做到。亦生財之一法。現在列位演說。各方面俱說到。兄弟亦不贅及。惟不日即須動身。遄回祖國。未克親到各商店道謝。請原諒。原諒。兄弟此次與王文典君當代表外交農商兩部。前來赴會。此後內外感情。必更融洽。惟望不分各界。時常往來。則鄉談可去。情愫易通。兄弟行有日矣。謹祝各界諸君幸福無量。演畢。盡歡而散。

書報社之演說大會

二月七日晚。普智閱書報社之演說大會。到者甚多。內外填塞幾無隙地。演說詞刊登如下。是夜。主席鄭君漢淇宣布畢。即由伍君廷芳演說云。由鄭君漢淇譯。閩語。今夜座中有廣東人。有福建人。而粵語不能與閩語通。此窒礙之事也。然不特閩粵語不能互通。即以粵省而論。此縣不能與彼縣土談相通。故中國之大弊。每由於語言不相通。而感情無從聯絡。煩惱之點。實無過於此。外國人則無此弊。一國之內。言語可以互通。不僅語言爲然。即語言可以成爲文字。文字可以成爲

語言。我國則不然。文字與語言。劃而爲二。有滔滔背誦文字。而在其旁者。不悉何所解義。卽文義又復艱澀。昔之古板學究。教育子弟。每有讀書十年。背誦滔滔。若叮解義。茫不能答。此教育之所以應改良矣。若當人束髮受書之時。每日授以若干字。明白解釋。使學童讀一字。識一字。作何解。則雖二三年後。當能自作書信。是一字得一字之用矣。惟古板教授。反是。專授以八股文章。致士子醉心八股文章。因而考究字法。廢有用之光陰。而爲此僅作圖畫觀之字法。終何益乎。外國則絕不講求字法。愈有學問者。字法愈劣。有若雞腸。兄弟嘗叩其故。彼答曰。吾非終身以記室之才自待。何爲以有價值之時刻。習此碌碌無奇之字法。且近來打字機盛行於世。直可代書寫之勞。習彼字法。更無所用。此外國通人博士。所以不習字法也。我國竟以字法而博取翰林狀元。而古板學究。尤好用古字。致人多不識。使我國之文字。亦幾幾乎不能相通矣。抑尤有進者。中國人對於至小之事。亦疏忽視之。如文字中不加句讀。每上下文可以連解。令人不能捉摸者。今人寫信。絕不

加句讀。不特本人不願加。且恐受信者謂其藐視渠讀不斷句。因不敢加也。故中國人之學問。往往有出乎人意外者。若一詢以時務。則瞠目莫對。學非所用。異日登仕版。一籌莫展。祇知刻剝百姓。欲得一良吏。誠不易矣。而若曹除做官外。卽亦別無所長。使其做生意。當掌櫃乎。則有不諳算盤銀兩之歎。無已。其學看相。或學熟一二湯頭。遂出而行醫。此世無所謂讀書不成。做醫生也。有懸壺問世。大書儒醫者。卽此輩也。夫儒醫卽讀書醫人之謂也。以讀書醫人。合爲一句。實不通之名詞。諸君當知上海爲各界雜處。九流三教。無所不有之地。而其間東洋車。馬車。自由車。極多。已毋庸如舊日之坐轎出街。蓋各種相較。遲速懸殊。言其速度。以自由車居首。馬車次之。東洋車又次之。轎則當在淘汰之列。不可復用矣。然在上海每日。必見二三乘轎往來。不知轎中人。卽所謂儒醫。因往診症而坐轎也。彼何以必坐轎。不坐車。蓋乘轎。則除酬謝之外。另有所謂轎金。故不恤遲緩。不顧病人之病症。是否危險。惟孜孜計較轎金。故堅要坐轎。此足見舊學中人之古板。食古不化。



有如是者。兄弟於是以爲教育固當提倡。而教育尤當改良。首先應以淺白易明之教育。施諸於人。使人皆開通。縱觀各國。無不開通之國民。國因之強。我國人亦當效法之。然效法亦有界限。善而存之。不善而去之。如人人開通。洞悉時務。此其善也。應學矣。至西人好吸烟飲酒。此其不善之點也。應勿學之。兄弟無他望。惟望人人開通。而致國家於強富耳。兄弟今夜來此。得與諸君相見。不勝欣慰。今兄弟言盡於此。謹祝諸君前程騰達。體魄康寧。(大鼓掌)

### 東方俱樂部演說

二月十一日夜。劉總領事。招請在俱樂部演說。僑胞各界。聽講演者。約百餘人。由劉領事宣布開會理由。略謂伍先生在各處演說。聞者均爲動容。今晚鄙人請伍先生演說衛生學。竊以吾國古時。有上壽、中壽、下壽等名目。必有調查證據。且衛生學。必有大昌明。故所云下壽。猶爲今人所不可幾及。現在各界衛生學。很發達。伍先生爲實行衛生之一人。精神矍鑠。宜享大年。故請伍先生演說。以爲諸君

講究衛生之一助。至一切學理。鄙人不能言。請伍先生訓示。說畢。伍先生登臺發言。略謂今日承劉總領事。請鄙人講演衛生學。請就經驗所得。爲諸君一言。鄙人從前身體。本不大結實。不時患頭痛。感冒。腰痛。風濕等症。記得在駐美公使任內。兩腿患風濕病。異常苦楚。行動不得自由。曾請中西醫士調治。迄無效驗。初起時。一二日。卽愈。嗣後或至一星期之久。鄙人因醫藥不效。付之無可如何。後來聞新學西醫。在美國演說衛生學。謂衛生當以慎食爲本。一切肉食。雖有資養質。然其所藏糞酸毒甚多。而以豬肉爲最。若植物則不然。且富有充分資養料。若能戒暈吃素。衛生上裨益必多。且須慎節飲食。若每星期能絕粒一日。則食物消化淨盡。於身體較爲有益。且烟酒等物。有礙衛生。亦以戒斷爲宜。鄙人當時聽此等演說。亦不甚注意。後來因風濕病歷久不愈。無法可治。始欲實行此說。本來鄙人亦喜歡三邊波打等酒。常不離口。牛雞兩種血食。爲三餐常品。自從實行戒暈戒酒主義。家人屢次規勸。謂血食斷不可缺。鄙人悍然不顧。且實行節食。早半日不食物。

祇飲開水。每日祇食二次。反不覺餓。精神更佳。記憶在北京當部差時。每天須到署辦公。不敢違行全日絕粒。恐或不驗。身體軟弱。致妨公事。吾等每日兩餐。早餐多在十一句鐘。晚餐下午六句鐘。鄙人自星期六晚餐後。星期日卽絕食。只飲檸檬水少許。至星期一早餐。方再進食。計絕食有三十九點鐘。不惟不見疲憊。而精神亦如常暢旺。從此吾就每逢星期。總是不吃飯。一連數月。現在已過十餘年。不但舊病已除。而身體精神亦好。絕無病痛。每飯均用素菜。烟酒從不入口。本來酒能傷腦。想爲諸君所素知。烟中所含毒質。西名尼古奠。吸之有損無益。故鄙人奉勸諸君。煙酒兩項。以不用爲妙。衛生之道。慎食尙已。通氣一層。亦須講究。本來吾國屋宇窗門甚少。空氣流通。甚爲窒滯。須知空氣不調換。經吾人呼吸作用。便易變濁。設有一小屋。空氣容積不多。將數人關閉室中。有所窗戶縫隙。用紙糊緊。不數小時。可以立斃。此空氣不調換。足以傷生之明證也。鄙人上海睡房。有窗門五。若在夏季睡時。窗門齊開。冬天寒冷。亦開三個。甯多蓋被單。不肯將窗戶盡關。

恐空氣不流通也。日間除讀書辦事外。常在屋外樹陰中散步。因植物中能吐出養氣。吸入炭氣。與生人所呼吸者相反。故時常在樹林中游動。於衛生最有益。所以鄙人每清早起來。精神異常滿足。比小孩子還好哩。（衆大笑）第三層就是明心。七情所激。皆能致病。人人皆知。設經年累月。都用機械巧詐。陷害他人。耗精神。傷腦力。他人未必被害。自己先已吃虧。若日日作惡。則憂懼叢集。身體亦傷。爲善縱他人不知。自己究理圓氣足。天君泰然。百體舒暢。本來血管中流行的血液迅速。則身體爽快。若凝滯者。則反是。紅血輪多。則色紅。其人必壯健。倘因喜怒過激。血色能起種種變動。或藍、或紫、或黑。均有的。昔美國有一婦人。婦夫極強壯。產一嬰孩。未數月。倏然無病而殤。醫生莫明其故。繼產一孩。亦如是。醫生詳詢其母。於孩死之前。曾食不時之物。及有毒質之物。否。曰無。復詢此孩。除哺乳外。曾食他物否。亦曰無。但云是夕。因夫醉歸。與之吵鬧。怒不可遏。及哺兒後。兒卽死。前次兒死。亦在與夫口角之後。醫生恍然曰。得其故矣。遂將孩剖驗。所食之乳。尙未化。惟帶

藍色。驗之果有毒。蓋乳卽血所成。盛怒之後。血變色。則乳亦變色。其危險可勝言哉。故人貴平心下氣也。次王文典君演說。略謂文典爲衛生家之子。衛生家之學生。家父旣不茹葷。並斷煙火。伍先生爲法家。而又善衛生。實吾國之第一大人物。且衛生家多爲道德家。衛生不茹葷。方得謂衛生。旣不茹葷。則殺生之慘可免。世人往往於婚喪喜慶。疾病祈禱。殺雞鴨宰牛豕。不知物類求生之心。怕死之念。亦與人同。但自知作樂舉哀。清夜良心。責備豈不痛苦。此所以佛法首重戒殺。夫佛之戒葷。旣本良心。又適衛生。眞道之大者也。演說畢散會時。已深夜矣。

### 民號報社懇親會

二月十三晚六時半。民號報特設懇親會。招請伍廷芳王正廷王文典李其數先生。謙敘。並請報界及有名望之來賓相陪。戴金華。鄭漢淇。暨公理報記者吳宗明。林籟餘諸君。共五十餘人列席。極一時之盛。開席後。酒數巡。主席李君思轅宣佈曰。今晚敝社特設粗饌。敬請伍王諸先生聚談。蒙諸先生惠然肯來。殊增光彩。今

晚之會。謂爲歡迎會可。謂爲祖餞會亦可。何則。蓋諸先生蒞岷以來。未曾一到敵社增光。現初次駕臨增光。因特設此會歡迎。故謂之歡迎會固可。第五王諸先生不日離岷。後會不知何期。故此會謂之祖餞會亦可。但兄弟現不作客套語。於此二名稱均不取。謹名此會曰懇親會。則較爲親切。諒亦諸先生所許者也。兄弟以爲諸先生與報界最有關係。故敵社應開此會懇親。何謂諸先生與報界有關係。因諸先生之來。有爲振興實業而來。有爲提倡教育而來。而實業與教育。本爲報界所時時提倡者也。但操新聞業者。雖提倡。惟祇有空言。而屈居斗室中。實無晷刻。親身實行。今伍王諸先生親身實行。報界竊慶有人實行。故喜而特設會懇親。與諸先生聚首一堂。求諸先生指導。俾操新聞業者。常常爲之鼓吹提倡。此兄弟所以謂伍王三位先生與報界有關係也。本晚秩序。原欲先請伍先生演說。現因伍君謂王君要往閱書報社演說。故欲其先演。茲特請王君勉勵幾句。王君正廷云。報紙之力。勝過兵隊。革命之成功。實由十餘年前報紙鼓盪而成。滿清之推倒。

報界之功。不減軍人。當是時。弟正在武昌。而滿政府之軍。何常劣於革軍。彼滿軍之心理。已被動於報紙。且報紙日日宣布。今日破某城。明日降某省。誠足以褫滿軍之魄。而碎其膽。故不戰而自潰也。夫真共和國。莫不注重輿論。然輿論何自而起。事之發生。此持一理由。彼持一理由。而將國民輿論爲評判。蓋凡正確之輿論。皆生於民國之公意也。若今日之中國。絕無輿論之可言。何則。蓋國民無判決輿論正確與否之能力也。今岷埠華僑。不甚多。能容三種報紙。可見熱心教育。愛國愛國。兄弟對此僑胞。能作開通事業。甚喜。今請列位起立。共祝真正共和之成功。主席乃請伍君廷芳演說。伍君先致謝設懇親會之盛意。中言華人商務。與斐島獨立之關係。所言與前在各界演說相同。姑不贅。終曰。兄弟今夜在報館讌會。擬略言報界事。但關於報紙之大題目。適纔王君已言之。兄弟不復言矣。然有一事。兄弟不得不言。卽報紙如有過失。應改正。是也。兄弟日前往普智閱書報社演說。卽王君現時所往之書報社。後來有中華報。謂兄弟之演說詞。帶有詼諧語。針鋒

不相對。因之譏誚兄弟。兄弟本絕不以爲意。惟報館如登載失實。有人函請更正。則應更正之。兄弟閱民號公理兩報。見登有該書社來函。始知該書報社。曾函請中華報更正。乃中華報闊佬懶理。該社不得已。轉由公理民號登出來。須知報紙記載。如有失實。從而更正。原不是失體面之事。若有人請更正。而竟不更正。則是小人矣。兄弟亦曾辦過報館。香港最初之報館。乃由家先兄主持。兄弟亦在其中。故頗知報館通例。大凡有人函請更正。若確是失實。則報館不獨將來函登出。且於函末附加數言。向來函人道歉。卽外國報館。雖最大如倫敦泰晤士報。亦莫不如是。蓋不更正。不獨損失價值。且照法可以控之。現兄弟又略言演說之道。外國之演說家。無不於演說中。雜以詼諧。非此。則不能引人入勝。而討人厭。譬如終日講道德。道德非不美。但多講。則討厭矣。况兄弟所到之會場。均是兄弟朋友。該報若欲兄弟不說詼諧於演說之間。如教訓子弟一般。豈不成笑話。且不特演說雜以詼諧。卽教授之間。亦要雜以詼諧。否則不能惹起兒童之興趣。兄弟前日往遊。



小學校。見該學校規則。一方面與兒童頑笑。一方面教兒童認字。可知教育亦要雜以詼諧。何況演說。中華報不明此理。遂任意譏誚人。雖然。兄弟不怪之。蓋該記者程度不足。不曉辦報。怪之何爲。現兄弟試說一可笑之事相。喻從前李鴻章派兄弟辦鐵路。兄弟將辦鐵路之法。奏之清帝。清帝不敢作主。乃徵集各省督撫意見。各省督撫。有謂鐵路可辦。但不應在沿海各省設立鐵路。蓋恐外人侵入。將佔據鐵路。是授利便交通之機關也。有謂當在沿海各省設立。切不可在京師設立。爲此言者。如張之洞等。是於是議論紛紛。莫衷一是。諸君試思舊日之請官。何嘗見過鐵路。清帝要辦便辦。問他們則甚。若要問彼輩。究不如問一小孩子之爲妙。雖然。彼等既未見過鐵路。亦不能怪其不識也。今日中華報之事。亦猶是耳。昔人云。知過必改。該報知過不改。古板執拗。亦不必說。總望諸君切不可知過不改。互相策勵。又多與美斐人士。往來聯絡。俾感情日深。免他人歧視我華人。至外人有好處。有不好處。好處則應學之。不好處如吸煙飲酒等弊病。切不可學。兄弟雖年

長於在座諸君幾歲。則精神則較諸君強健得多。因兄弟不吸煙。不飲酒。故有此體魄也。煙酒最有毒。切宜戒之。兄弟明日便返上海。甚望將來得與諸君相見。今夜甚感盛意。後會有期。（大鼓掌）伍君言時。口講指畫。眉髮皆張。若甚瀆激者。座中鼓掌聲迭發。恍如雷鳴。有互相私語者。此老真好火氣。毋怪人言。他做官時頗有氣骨也。王君文典演說云。今夜蒙貴報懇親。得與諸君暢敘。殊深欣慰。鄙人之來。爲國貨而來。諸君所知。且鄙人自來岷。終日在會場內之商品協會中。計有旬日矣。故當時罕與諸君結識。但在座諸君。多有在會場見過鄙人者。鄙人亦曾在會場見過諸君。今更復得於此相會。更爲愉快。鄙人此次。與伍先生來此。伍先生對外。而鄙人對內。故鄙人須在會場料理。第此次之來。均藉伍先生之力。鄙人與伍先生。蒙國貨維持會推舉。而川資各費。均係自備。並未動絲毫公款。無非爲國貨效力之苦心也。至鄙人今次帶來之國貨。銷行不旺。此其故有二。（一）所帶之國貨。或不適合於顧客心理。（二）此次初辦。布置或有未周。然鄙人自問。一實行

維持國貨之人也。亦一工人也。第有實行而無言論。則實行無用。有言論而無實行。亦無用。而報紙則言論鼓吹機關也。今欲實行一事。須藉報紙鼓吹之功。鄙人嘗遊行外埠。及國內各省。考求所以推廣國貨之法。乃國貨不能大流通。即使外地不能行銷。則內地應旺。詎內地亦然。此其故何在。鄙人請得言之。蓋我國從前與外人訂有條約。爲條約所束縛。外國貨消流出外無稅。我國貨消流出外。則有稅。外國貨照我國入口稅。竟值百抽五。我國貨至彼國。則值百抽六十。故爲稅則所限制。消流因以不一也。鄙人上年出國赴俄時所穿之長衣。外人亦要抽稅三十二元。鄙人乃詰之曰。我之長衣。不過值十餘元。何爲如是重收。外人謂我國之稅。與貴國之稅不同。我國是獨立之稅。貴國是協定之稅。我今估計君之長衣。值十六元。加十六元。則成爲三十二元。故要抽稅若是之重。諸君試思。有此重稅。國貨焉能消行於外哉。雖然。鄙人望諸君力振精神。提倡國貨。則國貨當有振興之日也。惜鄙人言語不通。今夜不獲暢達意見。惟望諸君鼎力協助。國貨中何者合

用何者不合用。幸隨時指教。則國貨前途。庶有豸乎。（大鼓掌）演說竟。主席致謝。並舉觴爲壽。遂宣佈散會。時已十句鐘。

西商商會午宴之歡迎

西商商會。請伍王兩君并美商多刺兩君午宴。赴宴者有岷總督、陸軍提督、高等裁判所法官、上議院議員、并商界等。合共五百五十餘人之多。先由裁判官贊臣演說。後則商會總理撤君。美商多刺相繼演說。伍君演說略稱。受教育於英國英倫。迨夫往美。與美人言交際。自是而後。雖遊歷外國。亦幾於無美人不歡迎也。迨談及商務。則又云。我國古代分人民爲四等。士居其首。農人次之。工列其三。商列最後。經商者人多鄙夷之。此中國之所以貧且弱者此也。英國號稱爲商國。英倫一島。故能既富且強。現中國已大變方針。予正欲起商人而列之於四民之首也。說至此。各商鼓掌。繼又談及華斐商務略云。商人原分兩等。一等專步人後塵。魚目混珠。售價甚賤。一等專考查商情。期於與人並駕齊驅。而謀交互利益。我輩經

營商務。仍採取後一說主義。專以謀交互利益爲宗旨也。予此次來斐。一口偶於船上得覩本埠出入口貨清冊。略一流覽。見夫進口之數。逾於出口之數。迨抵埠。華友僱汽車邀余出遊。埠上事物。無不盡美盡善。迨遊本城以外地方。見夫沃野千畝。盡皆荒蕪。得毋工人欠乏。不足敷耕種之用乎。今請將僱用外國工人之疑問。爲諸君解釋可乎。猶憶我中國往昔。有外人入我中土。開採礦產。其礦產附近之土人。慮外人之起爭端也。求外人棄礦別圖。卒至使中國賠款償彼損失。時予正在外交部受職也。倘美例准我華人來斐。我華人當能優爲之。雖待我中國人。或不能如中國人待外國人之優。惟中國人並非如別國之野心家。謀人土地可比也。我輩目的。固在商務。惟此間不察。有疑此行爲中美聯盟而來者。予對於聯盟一事。未見其可。不過以一紙空文。爲聯盟之代表耳。聯盟一事。除一紙之外。無餘事也。以信義爲聯盟。以友誼爲聯盟。尤勝於以約章爲聯盟也。迨後又復言及華工一事。略云。如准華工一二兆人來斐。使之助土人耕種。行見不獨不必辦米

入口。且能使本島有土產出口也。華人固善於耕。善於商之人。將來華斐之人。必能謀共同之利益也。云云在坐者均贊賞不置。

(乙)兩番過港之歡迎

華商歡迎茶會

伍君廷芳。王君文典。代表上海國貨維持會。及農商外交部。往小呂宋赴嘉年華大會。前日到港。昨經登報。日昨正午。港上華商。韋寶珊。招雨田諸君。及社團。如南海。番禺。順德。香山。四邑等商會代表。約九十七人。假座石塘咀陶園二樓。特設茶會。歡迎伍王兩君。當兩君駕臨時。陶園外懸放三萬頭串爆竹。由韋招兩君等。導伍君等入廳。賓主坐下。扳談片時。伍君攜有華民請求各債權國。允讓庚子賠款會宣言書多本。到廳分派各位。後由主席延伍王兩君上座茶會。席分三長檯。席上用生花點綴。主席請茶後。席間招君起說數言。恭維伍王兩君之熱心愛國。並上頌詞。讀畢。各人鼓掌。歡呼伍君福壽無疆。再上茶點。伍君旋起答謝各位盛

意謙說多言。略謂回憶少年在港讀書時。故不忘香港爲昔日服務之地。雖在香港未有幹得甚事。以滿諸君之意。惟仍耿耿於心。不忘我之故人招雨田君等。今日乘機得與諸君叙首一堂。誠爲暢快。然弟總未有忘記香港。香港非獨近家鄉。且爲弟初學時讀書之舊址。今日雖未能復認識老少故友。惟深望卅年後。再得與招雨田君等。重行相見。至韋君令尊。亦爲弟之舊交。今見韋君年紀。比弟更少。正所謂學無前後。達者爲師。弟（年已七十餘）近今復變少年。非伯爺公（闕堂）且不悅人。叫弟爲老先生。若叫弟爲少先生。則殊歡喜也。（闕堂）又喜與少年爲友。但今日弟非有意到港。本欲於赴會後。始到港與諸君敘話。適遇船期未就。故順道來此耳。弟之所以往小呂宋者。因中國太弱。而外國富強之故。中國固有四萬萬同胞。地廣人稠。出產亦多。本非爲弱。然何以不見強。是不振興所致。故欲中國富強。非營商業不能。昔者中國人。每說七農工商四字。以商字爲最後。似此說法。大爲不合。因先士字。而士非國家富強之根基。無人民何得有官。故弟意當以

官爲人民之最後。如外國重商。則國富民強。是以當改說商農工士（闕堂）弟在上海時。得華僑薛敏老君。回國之請。稱小呂宋羣島。商中華人。佔七成。吾聞說喜甚。惟彼等所營業者。多屬洋貨。土貨極少。此所以國弱也。故薛君請我商人。多攜貨品。前往比賽。今上海商人。特舉弟爲赴會貨品主席。王文典君副之。現弟與文典君之赴會。乃均自備資斧。行將查究該埠何貨合銷。回國時再與諸君磋商。多運貨品往售。或行改良。弟今日之往。非因個人而往。或一家而往。實爲同胞謀幸福者。弟聞人言。邇來商戰。以德國爲最。今乘戰事發生。我國應當振奮商品。使我國從此富強（衆鼓掌）是今日爲最合之時機也。弟赴會後。定當回國宣布大衆。然以弟一人之力有限。望諸君贊助。以匡不逮。又望華人商業。年加發達。商務繁興。中華民國商人萬萬歲（衆鼓掌）順此敬諸君一杯。各人起坐。舉觴一飲而盡。伍君再言。現恐時候不足。暫與諸君話別。後會有期。至是各人歡呼而散。各人送伍王兩君至遂億貨倉碼頭時。陶園外再燃串爆。當各人送伍王君到碼頭時。伍



王君與各人握手告別。始落有利小輪。往搭德安輪船。卽日赴小呂宋。沿途仍燒爆竹送行。望伍王兩君赴會。將有以振興國貨。且祝其一路福星也。

### 歡迎伍君秩庸頌詞

諸君今日會集於此。皆爲歡迎伍君秩庸。及王君文典。在座之人與伍君稔交者。當不乏人。然因景仰而來者。當亦不少。鄙人年老神倦。未暇與諸君一一介紹之。諸君但舉首一望。座中有精神清健。面貌癯秀。老而益壯。善氣迎人者。自然領會爲伍君矣。古語有云。天下之達尊三。爵一。齒一。德一。具此三長。自必到處歡迎。萬人欽仰。試數伍君歷史。足以當之無愧者。伍君自畢業英國回港後。蜚聲中外。大爲華人種族之光。其最令人不忘者。就鄙人記憶所及。伍君曾被任爲本港巡理府。勝任愈快。中外翕然。蓋華人中。旣莫爲之先。亦莫爲之後。此其一也。港定例局初無華員。有之則自伍君始。此其二也。東華醫院。爲華人在港之第一團體。所有公益諸事業。成就於此中者。指不勝屈。保良局。係保護華人婦孺之所。救助良懦。

不知凡幾。二者之成。皆賴伍君。蓋伍君爲二者之倡辦人。此其三也。本港華僑。曾膺中國使命。爲外國駐使者。至今數之。實得伍君一人。伍君蓋再任美國公使者。此其四也。其餘爲新舊政府効力。爲內外社會提倡。種種功勳。膾炙人口。未能枚舉。今政府任爲小呂宋商務調查特派員。伍君欣然就道。氣壯如虹。尤見伍君愛國愛人之心。無時或已。而伍君平生講求之衛生學。確有心得。又足見一斑。鄙人惟有請到會諸君。同聲頌伍君以萬歲。

#### 四邑商工總局歡迎會

伍廷芳先生。赴小呂宋嘉年會。攷查商務事竣。返滬過港。恩平開平台山新會四邑人士。與伍誼屬桑梓。特設公宴於澄天。并柬請張蔭棠。譚學衡。章寶山。何棣生。袁英山。陳春泉諸公。暨本港各大紳商到陪。當時赴席者。約一百餘人。冠蓋紛紜。名流畢集。氣象爲之煥然。誠盛舉也。伍君子是日一點鐘。先偕區澤民。吳兆芹。及該局代表伍學規。乘汽車直臨該局。由當年董事招待。談叙鄉情。并詢該局創辦

之緣由。同人詳答一切。兩點到澄天。先由主席伍耀廷。司理余斌臣等。請各來賓入座開茶。主席略言。鄙人才疎德薄。謬承同人推爲副主席。適正主席雷君蔭孫。因事赴省。未得在場招待。鄙人代承其乏。招待間有未週。當請諸君見諒。今廷芳先生。前往小呂宋。調查商務事竣。返滬過港。同人敬設薄筵。藉敦鄉誼。幸荷辱臨。復得諸君光陪。同人不勝榮幸。先請諸君與伍先生飲一杯。衆起飲畢。請余君斌臣宣讀頌詞。伍先生演說答詞。畢。主席請在座諸君發言。譚君學衡起言。略謂今日所應談話者。係在商務。兄弟素未講求。無從發揮。然諸公濟濟滿堂。亦當趁此機會。略述一二。遂將江門水角如何建築。粵省河道如何測勘。敘述各情。頗爲詳盡。韋寶山君起言。今四邑人士。歡待伍君。并邀弟等陪宴。藉聆伍先生偉論。商務甚爲有益。請來賓諸公。舉杯致謝。衆情歡洽。時已五點。興辭散會。

#### 四邑商工局同人上伍廷芳頌詞

民國四年二月二十號。伍先生秩庸。以攷查商務事竣。由岷島取道香江回滬。本

局同人。開會歡迎。與先生相接洽。謹爲文以頌之。曰。竊維國家之命脈。係乎商戰。商戰之盛衰。不在於箇人與箇人競生存。而在於合集全國人之大力。與外人爭贏絀。至於競爭要點。則又須調查外國。取彼之長。補我之短。然後知己知彼。可以操勝算。而登全球上之商界大舞臺。先生上維國脈。下顧民生。將欲舉吾民國之商政商權。而推廣之。澎漲之。慨然以興利源。塞漏卮爲己任。識者固知我先生。實爲吾國商界上決勝之拿破崙矣。今銜命出使岷島。駕返香江。夫岷島自昔爲闡闡繁盛之區。今爲美洲屬土。美人以商務立國。必更有煥然改觀者。可以充先生攷查輸入中國之資料。同人等既託隸于該塵市下。毫無遠識。視線所注。羣仰集於先生。是以望塵下拜。雀躍前趨。伏乞惠賜教言。力維大局。同人等當預爲民國之生計賀。復爲國家經濟上之前途賀矣。香港四邑商工總局同人伍耀廷雷蔭孫余斌臣等謹上

伍廷芳演說中國商務之關係

伍廷芳先生前偕同王文典君往小呂宋考查商務。昨方回港。月之二十號。四邑商工總局同人特假座澄天酒樓四樓開茶會。先在澄天樓門口遍佈生花并懸萬國旗幟。至兩點半鐘。各位始就座。計是日到者有百餘人。均香港有名譽之紳商。如韋寶珊、何棣生、何澤生、李保葵、葉蘭泉、陳春泉等。張蔭棠、譚學衡、曹善允等均到場。伍廷芳先生乃慎食衛生會會長。向戒酒肉。故是日款宴俱用清淡滋潤品。且以菩提子汁代酒。席間燃放大爆竹二串以示歡迎。既而宴罷。四邑商工總局副主席伍耀庭君起言。略云。前者伍君偕同王文典君前往小呂宋考查商務。今始回港。本局同人開會歡迎。特請伍君述說美洲之商務若何。以便吾國倣效改良。今日之會。實於吾國商務前途大有關係。實不可多得之盛會也。（衆鼓掌）至是由余斌臣起讀頌詞畢。伍先生即起立言曰。今日蒙各位到場。又蒙四邑商工局設此盛會。鄙人十分感激。回憶前月由上海動身。借香江戰船前往小呂宋。又蒙各位歡迎。當時已提及。兄弟不是辦理工務之人。不過承上海國貨維持會。

公舉弟偕同王文典君兩位同往小呂宋。考查商務。順便帶些中國貨物前往。因該埠有一嘉年華會也。該處亦以中國貨爲第一。（衆鼓掌）且小呂宋之政界。多往購買。惟是貨物係初辦前往外洋。不知外洋情形。思想不同。固未知外人以何等貨物爲合意。但忖測外人之意。極好中國絲綢。緣其質地厚而悅目。惟價錢略高。然其價高之原因。則以小呂宋之入口稅爲最重。每百加六十也。該埠之稅。固有高低。有四成者。有六成者。有四十成者。而以絲爲最貴。中國貨物之最暢消者有二。（一）顧繡花邊。此物上海有一商人運往該埠。現已沽楚。今尙行函促其再運。呂宋人且問何不設一鋪於該埠。以專售花邊者。消流自必暢旺等語。（二）罐頭食物。此等物本港亦有之。如罐頭鮑魚等類是也。該埠亦有一泰豐號。專造罐頭食物者。現聞已售去一半之多。其消流亦算最速。其餘有價錢不合者。則不甚暢消。但尙有一種中國緞帽。而加之以邊者。上海馬敦和字號。亦有運往該埠求售。各人亦爲之喝彩。喜用之者亦甚夥。以小呂宋地大人稀。土民不過八百萬。而

大小海島。共有千餘。許多未曾開通者。該埠在南洋地方。將來一定暢旺。爲商者須留意也。小呂宋現歸美國管轄。卽爲美之土地。向來出口無稅。入口有稅。抽稅之法。視夫物之貴賤。貴重者加重稅。倘運入美貨。則不必納稅。其餘各國貨物。一律徵收。兄弟在該埠。已有半月。曾偕王文典君往各同鄉商店。考查小呂宋之貿易。大都以中國爲巨擘（衆鼓掌）雖該處有中國人六萬餘。在大埠不過二萬人耳。而察視各街巷。幾於盡係中國鋪戶。中國人在小呂宋發財者亦不少。六萬中計有五萬係福建人。廣東人不過一萬而已。以商務而論。則有八成係屬於吾中國者。以六萬人而竟做至八成之生意。在座諸君亦敢推爲中國人善於經營者矣。（衆鼓掌）而中國人之經營商務。稱首屈一指。外人亦當佩服。須知中國許多貧民。在該埠撈至過百萬。在該埠購置物業者。可知中國人之善於經營者矣。但中國以運貨往該埠。而與美國爭競則極難。因稅項一門。每百抽至六十之多故也。弟亦曾見及此。實不必與之爭競。惟別樣可以加增。卽如日本意大利法國等。

亦有在該埠貿易者。或在各大行店轉賣。或轉由各大莊口買來零賣者。不一而足。且更有運入小呂宋各內地賣者。吾中國人亦可以做而效之。其造絲綢者。則改良薄些。如此則稅雖貴。而幸各國均同一律徵收。以此而論。則吾國商民。可效別國。以推廣其商務。弟曾與該埠商人議及。亦云甚願。吾同事王文典君。因在該處。有些貨物。尙未沽楚。須託該埠中國舖戶代賣。或打回上海。並將貨物運赴市場。與土著及華僑推敲該處心理。研究貨物品質。以期暢銷。以是擔擱日子。王君回家。必有外國貨樣帶回諸公一覽。可以仿而行之。今日廿世紀時代。中國是必要進步爲根本。若不發奮振起。斷不能立定根脚者也。(疾聲)(衆大鼓掌)倘吾等並無進步。如舊日一式。定必替他人爲奴才而已。(衆大鼓掌)故工人必要從事改良。看吾同胞可否知機。以挽回此類局耳。(衆鼓掌)弟亦曾在小呂宋某大牧師處駐足。他帶吾上北瑤山。此山約離小呂宋一百七十五英里。離地有五千尺之高。坐汽車亦須十一句鐘。方可抵山頂。少亦需十句鐘。但一上此山。倍覺涼爽。



聞小呂宋一埠。日間極熱。晚上則極涼。惟此瑤山則四時皆涼。且山頂上平闊地方極多。可以建屋宇。吾在山上住了一天。因當上山之日。業已天晚。斯時亦有廣東人一百五十名。在火車站歡迎。可知吾中國到處皆有人在。若肯從事圖強。必燦然可觀。不致如曩日之被人欺侮者。小呂宋一埠。地大人稀。吾到該處。每日均有人歡迎。一日有美國大商家。請吾午膳。當時小呂宋總督暨各官紳均在座。吾當時會上條陳。該條陳爲何。則該埠乃美國屬土。禁華工到埠者也。查小呂宋之土民。與華人亦甚融洽。彼此結婚。生下子女者。亦屬不少。但非獵賓人。性好懈怠。不理人生世務。計該埠有中國土生逾千逾萬之多。無論出身爲商爲宦。其資格實出人頭地者。做生意則必發大財。爲官宦則必辦事明白。聞該埠下議院某大員。其祖父亦係中國血脈。（衆大鼓掌）至於吾當時演說略云。貴埠土地。海島過千數。荒地極多。種植不敷日用。土貨遜過入口。因吾知呂宋一埠。專靠洋米。計有三份。一係外洋米輸入。故吾敢在總督前發言曰。此處土地極廣。胡不從事開墾。

以裕民生。否則千萬年。亦係廢地而已。寧不惜哉。若是不能開墾。但開墾必要上等工人。方有成效。然除華工人。能有勝於華工者乎。（衆大鼓掌）何不將前例取消。准華人到埠。於貴國實有絕大之利益焉。總督亦爲之點首至再。有贊成意。而翌日小呂宋各報。亦有言論。贊助吾言爲有理者。且有欲求政府。將前例取消之意。我當時又謂若貴督恐吾人侵奪土民生意。則可令吾華人專理開墾事宜。實於兩國均有利益者。翌日小呂宋大學堂。亦請吾演說與小呂宋土人。亦均贊成吾說。如是則上下一致。取消前禁例之目的。殆可有成。吾又向各土人解明中國人。未必如別國之貪心僭人土地者。（衆大鼓掌）今日弟招華工來。實欲助貴國富強而已。幸勿懷疑有不正当之題目也。於是有數紳士答應。謂若將二百萬華工。一概招來。恐啓人思疑。不若暫來五十萬。或可造到。如此則吾國生意不少矣。然弟尚有一主意。諸公贊成否。此事小呂宋商人。亦極端贊成。其事維何。則吾人若做買賣。船隻亦不可少者。欲造船專來往小呂宋內地各埠。可順搭南洋客商。

獲利實屬不可以預計。諸公想做買賣者。其細思之。有云先購戰船一艘。以爲暫時之需。徐圖別置一新船。吾意亦以爲可採。但不知諸公意見若何耳。凡事始初必難。後必極易。况吾華人。有貨有客。必用中國之船。乃一定之理者。今觀各國均有輪船。無地不可到。而吾國之大。反無一輪船往小呂宋者。能勿愧乎。此無他。但各位發奮爲雄。以圖商務日益進步。則國亦日益以堅固矣。（衆大鼓掌）倘各位或有鞭長莫及之處。弟若有棉力。定必幫助。至達目的而後已。吾願與諸公共勉之。（衆大鼓掌）至是濬河督辦譚學衡起言曰。弟昨日到港。今日適逢其會。特與諸君子略談兩句。今日係講求商務。以研究商務爲合格。但弟向來未經涉獵商務。前者在商會與各位談及江門水角關事。四邑地方。聞各位已撥款修築新會江門。各界亦均贊成。至疏河辦法。須請港工程師。又須偕同遮士林工程師到來。方議辦法。但如適間伍先生所云。船隻一事。江門乃中心點。地方有欄尾。時有被人佔奪。數年來已佔去十丈之多。據工程師云。最好築一長堤。將來各四邑人來

往亦屬便捷。弟在江門時。亦有提及。故來港再談幾句。翌日弟往見港督。彼云上海有一濬河工程師。就近請他幫忙。此人乃各國領事團之工程師。弟抵省則發電外交部。往商借用該工程師二月。現已達到目的。需逐一測量。方易辦法。云言畢。伍耀庭起立。代各同人致謝。盡歡而散。

(丙) 歸國之歡迎

廷芳等歸國後。承各界開會。歡迎者甚多。感領無已。茲就所紀錄者。轉載於後。餘有漏略。仍希諒之。幸甚。

張園歡迎會

會場之佈置

三月二十日。旅滬華商維持會。假靜安寺路張氏味莼園。開會歡迎伍廷芳與王文典二君。內外懸掛國旗。中間設立西點坐位五百餘席。並設特席。略仿演說臺式。爲同人及中外官商而設。由易季復莫福田諸君。分任布置招待。頗爲周到。

## 到會之人數

午後一時。園中即車馬盈門。至二時許。即坐爲之滿。樓上下約有千人。如滬海道尹楊小川君。鄭鎮守使代表該署秘書杜梅叔。道署科長鄭鋒生。卓璧如。省立商品陳列所杜靄蓀。美教士李佳白。奧國武員魯定格。及各幫領袖陳翊周。黃少岩。王介安。徐春榮。諸君。均到會。其餘海關監督公署。警廳工巡捐局。縣知事公署。英法兩會審公堂。均有代表。頗稱一時之盛。

## 報告之大略

二時三刻入座。先由華商維持會會長張樂君起立。報告云。本年斐律濱舉行嘉年華會。伍博士王文典君允代各商攜貨前往貿易。爲我華貨赴外推銷之創。伍君年已稀外。渠爲國謀富之熱心。令人欽佩。遂由上海各商界公舉伍王兩君爲代表。兩君皆自備資斧。同時政府亦電託二君宣慰華僑。今二君回滬。中外貿易機關已經成立。今日將開會歡迎。請二君報告盛況。繼由伍公報告。謂中國人民

四萬萬。所用之貨。大抵取諸外國。國內所稱商人。均不知世界貿易爲何物。商權旁落。日非一日。幾至不可終日之勢。余同王文典君此行實爲救貧起見。並謂中國商人。作出外貿易之先導。望今後凡我國人。合力作對外貿易之競爭。如英美之富強。因其商能戰勝各國。若中國之貨。逐漸進行。將來或能達轉弱爲強之目的。我華僑之在各國所營之商品。均係外貨。因國內無出品故。今我國人。應先競爭製造。調查各國應用之品。合力共謀。所有彼中詳細情形。由王君報告。繼王文典君報告（報告見前）次由楊道尹。李佳白君。並舒蕙楨女士。相繼演說而散。

翻砂業歡迎會

南市翻砂各廠。三月三十日。六時。在虹口翻砂公所開會。歡迎王君文典。王君爲該業董事。此次攜帶公所出品機關。得優等獎憑。是晚所中滿懸燈彩。並用音樂。各幫同業。到者數百人。七時入座。先由司年董事王義傑君報告。謂王文典先生。代表我工業。自備資斧。前往小呂宋。攜物與賽。今特開會歡迎。並請王先生報告。

南洋地方我工界之狀況。繼由王君起立演說。略謂南洋羣島。自被驅逐華工後。工人已經絕跡。我華人凡爲工人名義者。不得登岸。余與伍先生此行。其名義有五。先爲國貨維持會被舉。嗣由中央委託宣慰。後由工界同志及殖邊銀行務商中學先後委託。前往接洽。到彼處後。伍先生不但僑商所歡迎。而美國官商均來接見。開會請先生演說數次。聽講券每紙售美金五枚。其聲譽之隆。不言而喻。斐律濱有中國古城。知此係我華人首得之殖民地者。近十年來。因被禁止華工。故農工均不發達。駐菲美總督。邀伍公赴宴。伍卽忠告於美督。謂觀貴屬各領土。自取締華工以來。土地荒蕪。百工俱廢。以目前而論。已險象環生。余居美年久。與美士大夫往來。感情甚篤。極望將取締華工一事。卽日打銷。俾兩國工藝。日有進步。刻美督已允爲專文呈請開議云云。文典君又謂現我中國工商。甫有萌芽。華僑此次嘉年會。熱心祖國。又得楊道尹之提倡。中外交通。我國工商發旺之時機已到。諸君子當勉力圖之。繼由各同業討論最近之工作。散會已十時矣。

中華國貨維持會歡謝會

四月三號下午。中華國貨維持會。假中旺弄錢江會館。開歡謝伍秩庸王文典二先生大會。到者滬海道尹楊小川君。上海縣知事沈蘊石君。警廳廳長徐輔洲君代表。張桂榮君。道署科長曹有成君。不吸捲煙會王志公君。務商中學代表黃惠任君。杭綢業總董席嘉孫君。蘇綢業董事徐枝春君。盛綢業代表陸鏡湖君。泰豐公司代表蘇鳳笙君。美藝公司代表顧少也君。及戈朋雲。嚴忱熱。平文鏞諸君。計四百餘人之多。二時搖鈴開會。由議長徐春榮君報告開會宗旨畢。由王文典君報告在小呂宋賽會售賣各貨情形。並言此外尙有二事足賀者。小呂宋僑商。現擬遣派子弟來申。入務商中學肄業。華工禁止入境案。經伍廷芳先生。向小呂宋總督提議廢棄。我國僑民。受惠匪淺。並謂中國商界。不能察體人情風俗。投人所好。祇知偏執己見。牢不可破。以致各業無不失敗。幸望諸君全力注意。奮力爲之。以副僑人之望。伍廷芳先生到會。全體起立。鼓掌歡迎。由主席徐春榮宣告。略謂



此次伍廷芳王文典二先生代表商界攜帶國貨往小呂宋賽會。荷二公熱心公益。自備資斧。帶去各貨。銷去十之八九。殊見二公平時懷抱之誠。得達國利民福之目的。請會員全體起立。行一鞠躬禮。致謝伍王二君。繼謂此次賽會。承滬海道尹楊小川君。江海關監督施理卿君。竭力提倡贊助。並承上海縣知事沈蘊石君。警察廳長徐輔洲君。與會。足見政界諸公。關懷商業。請會員全體起立。行致謝禮。一鞠躬。繼謂此次賽會。徵求貨物。籌備諸務。概由副會長王介安君。暨籌備諸君。均犧牲其寶貴光陰。力襄義務。均屬社會上所難得。請會員全體起立。行一鞠躬禮。致謝。旋請伍廷芳與王文典二君。發給小呂宋商品協會所給此次賽會各種出品人之獎憑。其得獎者如下

(最優等) 泰豐公司 美藝公司 大東公司 愈植權女士

(優等) 鼎泰景 義豐和 謙益祥 裕豐祥 悅昌文 春源馥 謙豫 瑞  
生和 石恆茂 趙慶記 石恆興 萬豐載 春記正 廣順源 萬利源

天成永正記 永興昌 王國臣 廣昌成 裕泰成 裕泰豐 宏興載 裕  
豐仁 馬興和 王瑞潤 永興洽 協記 雲錦公所 鼎豐 老彩文 馬  
敦和 冠五洲冠華 老裕大 彩文齋 老升和 泰和齋 公和來 康成  
酒廠 三友社 南陽廠 愛華公司 利華襪廠 信成永 羅威藥房 沈  
思儉 陳天一啓成玉 老泰源 張裕昌 華新布廠 中信昌 無錫勸工  
廠 利華織造公司 翻砂公所 履和襪廠 茶業會館 老福泰和  
(中等) 鼎陽觀 協成 惠濟堂 銳利公司 公和來

次伍廷芳先生演說謂賽會貿易狀況已由王文典君報告然而吾國商業之不  
振其一在不肯改良其二在不能務遠我今日以苦心奉勸工商界諸君製造貨  
物務適社會之用經商賣買務求國外之銷路我此次偕王文典先生代表商界  
赴小呂宋開闢商路者達數分之目的此乃吾良心上之事業即國人應盡之義  
務惟帶往各貨既有如此銷路吾人應當竭力爲之推廣即南洋羣島均可前往

開闢商路。現在小呂宋。已有帶來組織國貨公司之草約。定基本金五萬元。上海中華國貨維持會。籌股二萬五千元。小呂宋商品協會。籌股二萬五千元。專辦各種國貨。運往斐埠銷售。此乃極好機會。幸望諸君趕爲設法。組織成立。至通商最關緊要者。莫若航路。吾國無直達小呂宋之船。凡有運往之貨。必須至香港轉船。非但稽延時日。而運費甚大。鄙意辦一輪船公司。集股二三十萬元。先行購船一只。裝貨運往小呂宋、南洋羣島、新嘉坡等處。以利進行。而便輸運。於商業前途。必有裨益。俟辦有成效。再行推廣。衆皆鼓掌。繼由道尹楊小川君演說。謂伍王二先生。攜帶國貨。代表政府。與商界赴小呂宋賽會貿易。得此佳果。開國家富強之路。事業豐偉。令人敬佩。中華國貨維持會辦事諸君。造福社會。誠非淺鮮。鄙人謹代表政府致謝。伍王二公。及中華國貨維持會諸君。行一鞠躬禮。并謂國體共和。官民一體。無分彼此。將來商界諸君。如關乎商業各事。署中特設專科。專司其事。諸君儘可到署接洽。如果政府力所能爲者。莫不盡力爲之。諸君幸勿疑慮。總之處

今日之時代。無論爲官爲民。萬事總須從良心上著想。繼由上海縣知事沈蘊石君演說。謂伍王二公。熱心公益。辦此盛舉。實爲吾國家之幸。望商界諸君。仰體二公苦心。竭力改良。以達最後之目的。惟社會日用需品。狃於習慣。不易改良。凡百製造。必須體察人情。投人所好。方可推行無阻。若閉門造車。所見太近。而前途自阻矣。道尹所說官民一體。此乃從良心上所發生。蓋今日之民。卽明日之官。本無分別。貴會熱心。謹此致謝。繼由副會長王介安君。謂中國賽會事。已屢見。皆無良好結果。以致商界視賽會爲畏途。近更作應酬勸導員一種情面而已。實則國外貿易之推廣。均在賽會之效力。此次伍王二公帶往之貨。費一月時間。而推銷有如此之多。足見辦事貴乎得人。至於國外貿易。或謂外國進口稅太重。然則外國進口稅。如甲乙丙丁。國際待遇。均是平等。則無甚妨礙。諸君可請放心。盡力推廣。黃攜生君演說。以星期三晚八時。在事務所組織調查科。繼由戈朋雲。梁天柱。馮勳。黃少岩諸君。相繼演說。語極痛快。掌聲如雷。直至鐘鳴六下。由主席鞠躬致謝。

來賓。搖鈴散會。是日會場陳列者。有義豐和之絲呢樣本。漢口造紙廠之印報用紙。及五色厚紙。大東公司之草帽樣。羅威藥房之牙粉。華新廠之布樣。德成肥皂廠之自製香皂。及小呂宋帶回之綢。布。草帽。拖鞋。欄杆。畫片。風景照相。各種小樣。并由美藝公司願少也君。贈送伍廷芳王文典二公對聯一付。文曰。以振勵工商實業爲己任。是推廣中華國貨之導師。

(丁)當時上海瀕行之歡送

華商旅滬維持會歡送會

伍廷芳王文典二君。爲小呂宋博覽會開幕。代表各商。攜帶國貨赴賽。並調查貿易狀況。由楊道尹電告中央。核准。一月三日六時。華商旅滬維持會。聯合茶業會館。泉漳會館。山東會館。廣肇公所。仁穀志成公所。國貨維持會。旅滬商幫協會。湖州會館。油蔴公所。南北報關公所。集義公所。轉運公所。麵粉公所。十四團體領袖。陳翊周。黃少岩。陳可良。許奏雲。周清泉。梁綸卿等。百五十餘人。在廣肇公所開會。

設西宴餞行。滬道尹楊小川君。特派實業科長卓璧如君到會。入坐後。席間由易季復君宣讀祝詞。(文詳後)繼由伍廷芳先生演說。謂今日承十四團體送余同文典君赴小呂宋之行。然此行非爲個人計。實爲中國商業計。今歐洲各國。其商人均有出外貿易之能力。故其出產十分八九。均銷國外。商富而國自裕。况其製造之原料內。有得之於中國者。今中國膏血有限。若不急圖奮勇。作國外貿易之舉。不久生計殆盡。曠臍莫及。所以余得該處代表薛君之邀。爲各省攜帶國產標本。察其何者可銷。何者非改良不可。將來回國。尤須報告於諸君之前。合力進行。得此機會。我華商命運。或有萬一之希望。亦全仗諸君及全國商人之銳意奮進耳。繼由王文典君演說。謂中國商業。已入外人掌握。推其原因。由於故步自封。不知改良。國人無世界貿易之觀念。以故非但國貨不能推銷國外。且日用品而購諸外貨。利權喪失。恬不知恥。今余同伍先生赴美屬斐律濱。應博覽會之請。實爲中華國貨之廣告。將來在該處。必能設立國貨運銷機關。該處人民。以全數計之。

華僑爲數不少。一方面先請華僑改用國貨。一方面設法推廣。如登梯然。由下而上。我四萬萬同胞。咸具世界貿易之觀念。將國貨設法研究改良。於歐戰期內。擴張其勢力。全在人爲也。繼由國貨維持會副會長王介安。大陸報記者周錫三。華商旅滬維持會副會長黃少岩諸君。相繼演說。均以一面由同人考察推廣國貨之法。一面由各幫商先事準備。將貨運銷國外。分頭進行。時不可失。末由周清泉君起立大聲曰。今日爲伍王兩先生赴小呂宋。我中國商業。轉移在此一舉。到會諸君。及全國同胞。注意。並舉杯爲同人及全國人祝福。周君爲粵幫商界鉅子。出言爽快。一時在坐。鼓掌如雷。鐘鳴十下。始行散會。祝詞錄后。

### 祝詞

小呂宋比者有嘉年華會之舉。徵吾國商工農產各物。赴會競賽。我僑斐商人。以伍秩庸王文典兩先生。爲提倡國貨之泰斗。熱力宏願。洋溢寰宇。特專達誠誼。以事歡迎。增國光植實業。甚盛事也。同時滬上國貨維持會。亦全體推請兩先生。選

擇土產。挈往與賽。以碩學者宿。愛國明達。肩茲鉅業。云胡不隆。本會同人。獲此千載一時之會。禮備杯罍。爲諸先生壽。仍摛不文之辭。爲餞歡之頌。曰。煌煌宙合。商綱工紀。扶弊起廢。先覺是倚。猗歟伍公。南服崛起。精神洞契。究厥終始。富國以勤。仁民爲軌。四海聞風。頸延踵跂。翳我王公。太原名系。博愛爲公。道德爲勵。閱觀模稜。世方卑翳。子獨跼越。塵馳馳曳。煦此萎枯。調彼踈盪。具曰子在。金湯奠麗。周官任民。阜通貨賄。蠹蠹二公。我調我劑。展我康莊。厚我埤垆。瞻望斯役。海天汪洋。旭日東升。大道旣濟。融融一觥。千秋萬歲。

(戊)伍廷芳先生赴各處歡迎會之筆記

一月二十一日。同王文典君。在上海啓行。蒙送行者甚衆。攜帶貨物。並與蘇鳳笙。顧少也。白蘋洲。三君。搭日本丸至香港。

一月二十六日。在港蒙華商敦請同文典君演說。後搭德安船赴小呂宋。

一月二十九日。到小呂宋。各界華商。在碼頭歡迎。并有音樂。卽赴東方俱樂部茶



會。余徇教會總監督布連之請。遂寓其家。王文典君等住眠裏那大酒店。是晚青年會事務所建成開幕。邀余演說。到場聽者有千餘人。

一月三十日。同王文典君。至眠督署晤談。又青年會畢業生房舍建成。邀演說。

二月一日。同王文典君。到嘉年華會會場。

二月二日。同王文典君往各華商店鋪。調查各貨品。晚間華僑全體。開大茶會歡迎。到者千餘人。

二月三日。美總商會。公請午餐。偕王文典君同往。美督及各官商在座者數百人。聽余等演說。是晚。美總督及其夫人請筵。

二月四日。斐土官員請午飯。余演說。是晚美教會監督請筵。王文典君等亦在座。二月五日。同王君往各華鋪調查貨品。午後。廣東會館開大會歡迎。余等并王君演說。

二月六日。在斐大學校演說。到者數百人。是晚俱樂部華僑全體請筵。在座數百

人。余演說。王君等均到。

二月七日。在華僑教堂演說。是晚在中國青年會演說。

二月八日。斐人青年會。請午飯。飯後演說。王文典君亦在座演說。

二月九日。余往碧瑤高山。離大埠一百七十五英里。此山高五百丈。天氣清涼。到時已傍晚。是處有華僑百餘人做生意。聞余到。均來歡迎。

二月十日。同文典君應華商茶會歡迎演說。該處官商。是晚在客店請筵演說。在座百餘人。

二月十一日。同小呂宋。是晚應劉領事之請。在東方俱樂部演說衛生道理。與王君同往。

二月十二日晚。余同姓公請余與王文典君在廣東會館宴飲。在座中國總領事。及同來各友。

二月十三日。民號報館請筵演說。王文典君亦在座。

二月十四日。余動身。搭船往香港。承華商各友送行。

二月二十日。在香港承四邑商工總局設筵於澄天酒樓。在座華商等百餘人。囑

余演說。報告小呂宋商務情形。

伍廷芳王文典先生等發起懇讓庚子賠款會之宣言

中華民國對於鄰邦感情。至近時乃愈富。鄰邦字華之念。亦於斯而益摯。此誠地球萬國。競尙人道。扶攜進化之始期也。吾華民幸而屆此運會。宜如何惕勵。祇競以副諸鄰邦殷殷扶攜之雅誼。此爲我四萬萬華民所不容或忽者焉。雖然庚子野行之遺跡未消。際茲多難之秋。又無財力以了清賠款。俾得早日謝去惡紀念。吾曹華民益將何以對彼債權各國乎。言念及此。嘗竊追恨清季諸王大臣。載勛載漪。毓賢。徐桐等。妄釀滔天大禍。貽害於齊民。而又開罪於鄰邦也。前清庚子之歲。諸王大臣。好自作怪。唆成拳匪之亂。無故攻打公使館。殺戮外國民。以致鄰邦震怒。聯軍深入。京津爲之動盪。賴各鄰邦雅念華民無疚。不忍無罪受刑。又因少

數爲禍首之諸王大臣懲儆計。於是訂定賠款四百五十兆兩。每歲攤償一千五百萬兩。構成和局。在鄰邦字華之意。固已厚矣。然自華民方面思之。當時反抗拳亂甚力。且有因諫爭而舍却生命者。卒因諫爭失效。釀茲奇禍。築成高大債臺。而負擔債務之仔肩。悉付齊民。按期輸將。迄未清了。是華民不啻無罪而受罰也。爵己以益鄰。義有所安。况係賠損之資。詎容自却。但推原致罰之案由。非發生於鄰邦之公意。又非華民之罪過。純屬少數諸王大臣愚妄之結果。此則吾華民之得以表白於各債權國者也。蓋國家以人民爲主體。前清專制時代。人民幽居閹葫蘆之中。無從與政界通聲氣。政界人物。實不足以爲人民之代表。少數諸王大臣。又不足以爲政治上之代表。代表肇禍。人民無從救正。亦一無可奈何之事也。而爲國家主體之華民。至民國始得稍露其頭角。少數權貴。既肇奇禍於前。而爲主體的全體華民。出而向各鄰邦認過禮之正也。少數權貴肇禍。而嫁罪於全體華民。而全體華民出而向各債權國訴明衷曲。償清賠款。亦分之宜也。但今日中華

財源。困涸艱窘萬狀。人民走險。或流而爲盜賊。其影響波及於租界。國家不得已。以借款還債。仍是挖肉補瘡之圖。際此艱危之運。華民縱能出頭露面。思有以償清賠款。其如願宏而力不及。不得已而向各債權國懇讓庚子賠款。冀輕負擔。俾資進化。又情理上之所有事也。然內外人民。於感情上雖無何種關礙。而於名義上則各以國界爲前提。人民既以國家名義爲梗阻。故華民對於法理上無要求鄰邦解脫債權之理由。惟對於鄰邦之道德上感情上。則勢不得不請求鄰邦之允讓庚子賠款也。計中國庚子賠款攤償期限。凡三十有六載。自辛丑以至於今。所償約抵四分之一。於鄰邦之歲入。僅如毛髮之益。而在中國觀之。則分流浩大。窮困險象。因以成立。以致人民顛連流離。醞成亂胎。爲講求人道者。所不忍觀。美先進國也。最富於人道觀念。憫華民之窮。讓棄庚子賠款。殆已數載。英之文明。實與美埒。對於庚子賠款之棄取。正在提議之間。其字華之實效於茲顯著。其他文明諸國。對於華民之觀感。諒具同情。讓棄賠款之動機。想能由人道上。如旭日

朝升。燦爛而出。然而未敢必者。或由國家意見爲之梗阻也。今者吾華民處於倒懸地位。鄰邦所共知。不得已以歉仄之心腸。向各債權國。而爲人道上之請求。或亦諒此情而不此拒乎。賠款之肯讓與否。聽憑乎各債權國。國家道德上之處置。若果有效。華之福也。民之幸也。鄰之德也。而地球人類兢求人道之紀念。亦於是乎在。同人等本此意念。不禁掬誠致敬。聯情向各債權國懇讓。今後繼續的庚子賠款。敢敬告人羣中之道德家。求同聲之相應。冀贊助之殷勤。進行手續。當另詳之。

附王文典代表該會赴海牙和平會請願出發時中西各報摘要之登載

英京各報云。上海之懇讓庚子賠款會。由王文典等發起。早已成立。各國人士。深望其能如願以償。蓋中國財政之艱窘。實由於各國之賤削。庚子賠款。其尤著也。此款一日未清。則重負一日難釋。照條約規定。今後此項賠款。且逐年增加。蓋去年及本年應解賠款之數。爲一千九百八十九萬九千三百兩。至明年則應解二

千三百二十八萬三千三百兩。自一千九百十六年至一千九百三十二年爲第四期。自此至一千九百四十年爲第五期。每年應解三千五百萬兩。故賠款總數雖儘四萬萬五千萬兩。而本利相加。則爲七萬萬三千三百十七萬五千四百五十兩。英相格雷曾謂各國之賠款。無異爲中國將來添一擾亂之種子。各國所以要求巨額之賠款者。固欲以示懲創。然將來設有他故。則又將若何。就賠償言。固有相當之額。若過爲需索。是使中國永無回復之日。而其改良之機會。亦從此息矣。同時太晤士報亦言各國聯合要求之賠款。不但阻礙中國之進步。并其用意亦失矣。蓋拳匪之擾亂。不過國內之小部分。而主其事者。不過政府一二之親貴。今負擔此賠款者。則非政府與其一二權貴。而爲全國之人民也。

又就賠款之額觀之。英國損失最鉅。聯軍到華。亦以英國最爲多數。然以賠款論。則英國固在第四。並不及俄國三分之一焉。蓋俄國所得者爲一千九百五十七萬五千磅。德國一千三百五十萬磅。法國一千零六十萬磅。英國七百四十二萬

五千磅。日本五百四十萬磅。美國四百七十二萬五千磅。義國四百零四萬磅。

美國於一千九百零八年退還之額。爲二百十五萬七千磅。幾及原額之半。當時美公使在北京宣言。美政府要求賠款之初意。本無若是之巨。徒以賠款分配時。不力爭。必爲他國攘奪。今請以多餘之款。還諸中國。是美政府所退之款。爲其所約賠償中多餘者。以美國之例而論。英國賠款之中。如有浮濫之數。亦必歸還中國。而不待中國之懇請。中國所宜懇請查者。惟俄德法等國耳。又拳匪之亂。本與人民無與。然因政府之失。而令國民負此賠款。歷史上固非絕無之事。惟就賠款論之。難保無浮濫之處。其中以俄德法爲最甚。故以吾人觀之。各國能以公平之道對付中國。理之當然。并不必侈言高義也。但各國態度。以中國革命。欲緩期賠償。不惟不見允許。而革命損失。又要求如彼之苛。中國而欲達此目的。頗似未易。然美國既倡始於前。吾知必有一二國繼之於後者。今中國既自行發起。則各國更宜贊成其事也。其時駐京各國公使各得該國政府訓令。對於庚子賠款。有主



全免者。有主減若干成或免利息者。有主緩期者。有以已列預算不能減免者。主張頗歧。而酌減及退還或緩期已得多數。

### 王文典先生對於中國國際地位永守中立之宣言

民國成立以來。上下昌言建設。大難之端既銷。圖治之策宜審。國家受世界潮流之支配。根本改造。首注意於國際地位問題。兵禍有數省區之蔓延。解除武力。宜預謀有相當之消納。政治歷經幾度之試驗。集權分治。應詳慎爲澈底之更張。爰本所見。貢於羣衆之前。

中國民族。具有特殊性質之民族。酷愛和平之民族。無爭無奪之民族也。有服勞作苦之力。無攘權謀利之私。雖羣路籃縷。爲人大啓山林。絕不利其土地。雖炎天雪海。自行開拓榛莽。絕不私其利權。故世界各地。咸有華人之足跡。洪荒壘闢。無不賴華人以經營。遠則如朝鮮之於周。安南之於漢。雖納其貢而不併其國也。近則明代之於馬來半島。清世之於緬甸。雖威其境而不屬其民也。次則如菲律賓

如檳榔嶼。以及南洋各屬。皆華人爲剪草萊驅除豺虎。及英荷收作殖民領土。遂長爲不侵不叛之客籍順民。尤奇者衣斯扣莫之入西半球。先於哥倫布者千餘載。並不居探得新洲之功。僧侶教徒之通五印度。早於東亞公司者數百年。並未干與政權之想。此固事業之所昭示。亦列強所共知。蓋華人力拓榛蕪。爰啓山澤。純以開發地利。服務盡職爲主。不存非分。與人無爭。設有他族荐居。則讓而遠徙。設無人覬覦。則仍授之土人。閒嘗遍歷南荒各島。深山窮谷。窟穴林壑。皆有華僑與土人雜處。黑裸紅夷。均樂與華人相交。接此種謙和美德。不惟歐美友邦所共交推。卽生番野人。亦無不相信。在政府傳統政策。原鄙視啓疆拓土之野心。在人民根本思潮。素無爾詐我虞之觀念。故真正和平民族。華人實有此特等資格。雅不願與友邦爭雄海上。尤不願爲人類角逐權謀。今謹誠懇向我國際友邦而請求。祈我國際團體承認中國爲世界永久中立國。如比利時之例。各友邦正謀國際聯盟。縮減軍備。中國此項和平之運動。務懇爲人道正義。錫予贊同。比國以地

利關係。猶能許其中立。中國以和平主張。更宜扶助其中立也。從此世界和平之保障。多一確行負責之國家。即國際爭端。亦免除一部份之危險。况裁兵節餉。所負友邦外債。尤可早日償清。更望中國政府及全體人民。各發正式之宣言。爭此國際之地位。國際地位既定。全國國防軍隊。儘可大加汰廢。裁兵主義。方有辦法可言。現在國內各省區。正式非正式軍隊。不下百萬。一旦裁減。安能全體歸農。縮兵符者。既有地位關係。爲官佐者。亦涉生活問題。武力之壓迫。先例已屬絕不能。軍備之裁廢。方針又爲刻不容緩。權衡重輕。消納計劃。亟須妥爲商酌。竊謂以和平之手續裁兵。以墾殖之政策偃武。各方兼顧。易於實施。各省區軍隊先卸去其武裝。不解散其部伍。士兵編作墾殖工兵。督軍卽爲墾殖督辦。督理仍作墾殖督理。師旅團營等官佐。依舊服務。祇易一墾殖名稱。薪餉照常支給。不過移戰爭消耗之費。爲墾殖生利之需。而已。墾殖不必遽行實邊。以省安土重遷之繫戀。查各省區官荒至多。內地則荒山荒原。連疆比邑。沿海則荒沙荒島。碁布星羅。卽以

本省區之人。先墾本省區之地。氣候相宜。水土調協。因利乘便。不感困難。二三年後。荒地漸熟。收穫已有幾成。餉精擔負。即可漸減。成效既著。願留者計口授田。願去者給賞回籍。士兵官佐。因無移調往返之勞費。辛餉皆有積存。從此解職還鄉。生計不患無着。長官得數年休養。正俸儘可贍家。從此歸作遊釣之人。亦屬成全。終始。想我愛國之軍界同胞。對此當能滿意也。省內官荒墾盡。再行簡揀精壯。移墾邊荒。蒙藏青新。儘多開田沃壤。不惟收固圉靖邊之效。并符農業立國之精神。至各省區治安。責成團練警察維持。其有盜匪較盛之區。酌留精銳數千。或一二萬。編作遊巡隊。其編制至大。以營爲率。撥歸行政官廳節制。或分別併納於團練之中。兵被裁而不感苦痛。地可闢而民無繹騷。區區愚忱。似覺稍優於空談裁兵之高調耳。

王文典先生代國貨維持會商界聯合會擬上政府修改稅則請願書

爲請願事。竊以國產之發達與否。實爲國家之盛衰存亡所攸賴。而稅則之均平。

與否。又與商業之進退消長爲因緣。二十世紀。爲商戰激烈之秋。不由斯道無以圖存。此商等從事於維持國貨之苦心。而亦欲藉以聊盡國民之天職於萬一者也。民國肇建。後進者流。心醉歐風。徒飾外表。服裝改變。百具煥然。因之國貨銷場大蒙影響。舶來品物日見增加。商等曾抱杞人之憂。抒一得之見。請願明文規定禮制服裝。均用國產。乃蒙洞鑒。卽允施行。斯匪特惠及於商界同胞。宜大有裨於國家全局。而政府維持國貨之苦心。亦不難因此而印入一般普通國民之腦髓中矣。獨是商等今日。尙有不能已於言者。則政府雖有維護之用心。而國家或一時無良善之制度以濟之。斯亦一最大之缺憾也。國家制度。與商業有最密切之關係者。莫如稅法。中國稅制之不良。足以逼國貨於委靡之途。已成事實。其間接之影響。能使國勢式微。百業俱趨於失敗之悲運。此其弊害寧可勝言。溯厥原因。又不能不歸咎於前清政府。因外交失敗。而單一協定稅率以成。自是而還。洋貨運入。有加無已。而國內金錢。則如篋籃盛水。滔滔外漏。迄無止期。洪楊之役。又創

抽釐助餉之例於揚州。繼乃仿行於各省。是不啻網罟徧布。其病民實無底止。加以因條約效力。輕征進口稅。招商戰失敗之禍。於是外貨日多。內財日困。浸淫至今。遂演成民窮財盡之現象。而他國既抱定制限輸入主義。則對於我國熟貨加重征稅。百端阻抑。不遺餘力。吁嗟傷哉。吾民痛苦日益增多。國難之來。方未有止。此甯可曲爲之諱者。茲商民平日所希望修改稅則之時期已屆。勢不能不舉一切爲國貨之障礙者。刪削而廓清之。而毅然執行之責。尤我商民所切望於政府者也。但修改稅則問題。一方面爲國際關係。非切實根據條約。恐效力不易發生。一方面爲內政關係。修改方針。必須通盤籌劃。下以的當之見解。施以穩健之政策。而後國利民福。或不難得其門徑。此亦商等一得之愚。不敢不條縷上陳。以爲政府之採擇者也。謹將意見條述如下。

一曰進口稅之宜增加也。自馬坎爾鐵爾政策出現以後。各國皆以獎勵輸出。限制輸入。爲保護貿易主義之原則。他國對於進口貨征稅率。或有超過原貨價

值者。出口稅則多取免除主義。吾中國獨受條約上之限制。進口稅僅抽百分之五。除新加坡一二無稅口岸外。萬國俱無此輕微之稅率。至於出口貨物。苟非主權殘缺之國家。咸有自由操縱之權。而中國則又受制於條約。據光緒二十八年馬凱條約第八款內載。

中英兩國彼此訂明。所有釐卡及征抽行貨他捐各關卡局所裁撤後。不得改名或藉詞將此項關卡復行設立。進口洋貨所加抽之稅。不得過於中國與各國光緒二十七年七月二十五日。即西歷一千九百零一年九月七號。簽押之。和議條約所定之進口正稅一倍半之數。此項進口正稅及添加之稅。一經完清。其洋貨無論在華商之手。或在洋商之手。亦無論原件或分裝。均得全免重征各項稅捐。以及查驗或留難情事。至出口土貨所納之總數。不得逾值百抽七五之數。

按此則加稅。爲條約中明文所贊成。而又加以限額。與附以要挾之條件者也。欲

加稅必以裁撤內地釐卡爲前提。釐卡裁撤後。所加之進口稅。又以值百抽十二五爲極額。卽所謂不得超過一倍半之數是也。披閱各國條約。對於增加稅率之限額。均是相符。然則吾國亦何樂而不爲。照十年前關冊計算。每年收入不過二千萬。彼時著手裁釐。恐加稅不敵裁釐之數。誘爲出入不敷。亦有正當之理由。然現在物價較前大爲增長。此時果能實行加稅免釐之策。則政府歲入既豐。而民間因免去苛稅。流通機括。自此發端。國貨亦必能日漸振興。有斷然者。商等本此意念。以爲裁釐加稅。實爲目前之要舉。進口稅宜以值百抽十二五爲標的。至出口稅爲獎勵輸出起見。本應減免。惟目前正國家財政支絀之秋。商等亦何能請求及此。惟請減少稅率徵收。以恤商艱而紓國難。

一曰。國內通運稅之宜一律免除也。釐卡制度。各國無之。中國獨有。世界皆目之爲惡稅。二十里一卡。三十里一局。一貨通行。有征數十稅者。千牽萬制。層層敲剝。丁役婪索。權吏咆哮。留難苛虐。無惡不出。人民懾於官威。免罪爲幸。悉索脂膏。



以供私囊。經過數百里地。而稅金之數。或有超過原價者。是殆罰國貨之遠行。而迫其近售也。遠行則因成本加重。而爲虧折之基。商民以獲利爲目的。利不可獲。反受其害。誰能堪此。職是之故。國內貨物非留滯於東。則偏虛於西。洋貨則僅納子口半稅。以後便可徧運內地。無復阻礙。此種情形。是使國貨不行於內地。適足爲洋貨卸售之預備場也。洋貨銷售愈廣。國貨愈益不振。相因而往。國貨實有天然淘汰之虞。是皆釐卡之爲害也。按光緒二十九年。中美續議通商條約第四款內載。

中國認悉。現在於轉運時。紛紛征收貨物之稅捐。其中以釐金爲甚。難免阻滯貨物不能流通。勢必傷害貿易之利。是以允願將通國轉運向抽之釐金。以及各項行貨稅捐。一概裁去。並將向有征收此項行貨稅捐之局卡。一併裁撤。不得另行設立局卡。以征收行貨稅捐。中美兩國彼此訂明。所有征收行貨稅捐之局卡裁撤後。不得改名或藉詞將此項局卡復行設立。

美國允許美商運進之洋貨。及運出外洋。或運往通商他口之土貨。除照當時稅則應納正稅外。加完一稅。以爲補償。中美兩國彼此訂明進口洋貨所加抽之稅。不得過於中國與各國光緒二十七年七月二十五日（略）簽押之和議條約所定之進口正稅一倍半之數。又云進口稅增至切實值百抽五外。再加一額外稅。照和約所定一倍半之數。以抵裁撤釐金云云。

此外中英續議條約第八款。中日續約第一款。以及他訂約各國對於釐卡之條文。大意相同。是知釐卡之存在於條約。商業各方面均有重大之阻礙。可無復言。近並有倡整理關稅之邪說。以保存釐卡者。使其說果行。則中國將自此而亡矣。商等爲國貨前途計。願政府趁此機會。將內地釐卡速即裁撤。并將窒礙貨物通運各稅一律免除。

一曰進口貨宜規定從價稅以昭切實也。從量稅失其平允之道。爲現世所不採用。現世所採用者。惟從價稅而已。中國與各國所締結各項條約中。對於從價

從量兩稅法。爲夾雜之規定。取巧條文。使我受無形之損失。已有恆河沙數。而不可紀極。查光緒二十八年七月二十六日。續修稅則善後章程。列載貨目。計共十有七類。其中物類納稅之標準。或以觔。或以值。或以箱。或碼。或尺等不一。參錯糅雜。羅列成章。此乃從量從價之夾雜制度。今試按諸十七類中。凡從值訂者。價皆平平。凡從觔碼等訂定者。價皆高漲。或有越過當時之價數倍者。貨價趨漲。而稅率仍如故。則是值百抽五之規定。有名無實也。照稅率與時價計算。實際上不過收四分左右。甚且有僅抽三分者。他不必論。卽從煤油一物言之。當時訂定之稅率。每一木箱（拾加倫）抽稅七分。照此計算。則當時煤油之價。每木箱僅值一兩四錢而已。今日市價。每箱價值。已漲到二兩四五錢。若照從價稅計算。當納稅一錢二分以上。舉此一端。則值百僅抽二七而已。他項貨物。亦與煤油大概相同。蓋世界生活程度日高。貨價有加無已。乃爲必然之趨勢。然則吾國稅款。暗喪於從量稅法。不可紀極矣。商等竊願此次改訂條約。應將十七類中之稅數一律刪去。

改爲上列下貨名。列前三年稅價。不例收稅數。再下注值百抽十二五字樣。凡舊式担數。噸數。加倫數。碼數。箱數。各羅斯數等等。均宜一律刪除。定爲隨時估價之法。以伸從價稅之妙用。

一曰幣制度量衡之宜劃一也。改良幣制。爲今日政治上之要舉。而條約上則無必要之關係。查中英續議通商航船條約第二條。

中國允願設法立定國家一律之國幣。卽以此定爲合例之國幣。將來中英兩國人民。應在中國境內遵用。以完納各項稅課。及付一切用款。

又查中日通商行船條約第六款載。

中國國家。允願自行從速改定一律通用之國幣。將全國貨幣俱歸劃一。卽以此爲合例之國幣。將來中日兩國人民。卽在中國境內遵用。以完納各項稅課。及別項往來用款等語。

又查中美續議通商航船條約第十三款載。

中國允願設法立定國家一律之國幣。卽以此定爲合例之國幣。將來中美兩國人民。應在中國境內遵用。以完納各項稅課。及付一切用款等語。

披閱各國條約。並無強制之意義。限定的文言。祇可作爲藉口之詞。而不能作爲要挾之條件。但中國以商業關係。幣制總須改革。則趁此理論之際。竭力成之。亦要務也。幣制爲百貨之代表。代表不良。貨物必受其損害。代表貨物幣制。宜酌定單位。單位之重量。須合乎時尙。而不可偏重理論。按幣制草案。有國幣單位之重量。合關平五錢五分之成議。以其採用十進法爲比。加價便利起見也。然其流弊。必較現時通用之墨西哥銀幣爲尤甚。蓋今日市面通用七錢二分之銀圓。在社會上信用最大。一旦易以五錢五分之國幣。必受墨西哥銀圓勢力之浸薄。而減削價額。所謂合銅元百枚制錢千文者。其數難以確立。蓋銀元代價之高下。因各地生活程度而異。勢不能以成文規定也。今日所通用庫平七錢二分之墨銀。在通商大埠。其代價有達至銅元一百九十枚。錢一千三四百文者。若在交通不便

之處。每墨銀僅換銅元百十餘枚。錢八九百文者。觀是則比價便利之目的。仍是子虛之談。商等對於國幣之願望。略言如下。第一重量須與墨銀相等。第二銀色須一律。免市面耗水之幣端。第三統一鑄造機關。免彼疆此界之歧視。第四通飭各省國稅廳。先自行用。以引起民間之信仰。如此則華銀之信用自著。商工各業受其便利。至於度量衡。請酌定程式。以資信守而已。無甚何之煩難。請速定出。以免歧異之弊。

一曰對於海關監督一職宜循名核實也。海關監督之設。名爲監督。實與木偶人無異。畏稅司如虎。劃諾且不暇。烏能監督。虐華商如蟻。不罪爲幸。烏能扶助海關下級人員。多方舞弊。監督往往明知而默認。可惟其如是。故海關驗貨人員。益驕且橫。華商經過海關。則任意抽取貴重貨物。藉口打樣。以圖中飽。不遂。則苛擾更甚。而華商從無有出而計較者。殆因監督無靈。一與驗貨人爲難。恐後來苛擾無窮。無方以爲救止也。至於監督失職。其事甚多。例如漢口一埠。俄商所設茶磚

公司所謂茶磚者。卽印錫茶末。與華茶各半和勻。牽聯製成。印錫茶沫。每年入口。約十餘萬擔之多。到漢後。卽購華茶一倍。合製成磚。運出海外。海關從未收稅。運進時。亦不納進口稅。蓋作爲借地寄頓。原貨免稅之例也。此中漏卮。歲不勝計。而監督竟對鏡相忘。從未有與之糾正者。稅可旣以袒外情長。姑予免稅。監督又不致質問。此弊竇所以永永存立也。商等願政府簡放海關監督。宜嚴定資格。必須慎選富有世界知識。及五年以上。富有商界之經驗者。克當其任。其下級人員。亦應有理化學識。及熟悉中外市面者充當。并請嚴定規章。以杜絕下級人員之舞弊。以便被害商等之伸訴。

按右稿民國二年十二月十二日。在伍秩庸先生處。爲第九次討論修改稅則。當承伍秩庸先生。及諸先生。公推文典擔任請願書起稿者。

民國十年太平洋華府會議時。王文典君提出中華國民對於列國永守中

### 立宣言（一）

嗚呼。處弱國而言和平者。人之心理以爲屈辱遷就而謀求存之道也。然則環顧今日世界之潮流。人民心理之趨向。較之往昔。乃截然兩途者也。古者立國之道。不尚仁義和平。乃以軍隊武力。而今則不然。擁兵而黷武者。適足自取國亡民奴之絕域也。蓋古之君王侯伯。不識武力之酷害。而好玩弄兵力。以爲立國者。非賴兵力之威。不可能。拓地侵掠。非仗兵威之兇悍。不可得。嗚呼愚矣。

懲諸古代歷史。如亞述。巴比倫。波斯。希拉。羅馬等國。胥賴兵力興國者。亦因兵力而亡其國。稽察史記。乃斑斑可考。如近代之拿破崙。兵力徧全歐。擁兵不可謂不衆。兵力不可謂不厚。然則尙有滑鐵鑪之一敗。既使法蘭西遭殄滅之慘禍。更如德意志威廉第二。欲以黷武勢力。擴張大日耳曼帝國主義者。搆成空前之歐戰。亦既陷國家之滅亡。人心趨向和平。兵力之不足恃。已爲試驗之鐵證。在二十世紀。民權擴張之秋。和平進化之際。誰欲以黷武勢力而嘗試者。無不遭國亡民奴之一日也。



我國今日尙擁百萬之兵。中央時憂軍費之支絀。國民日畏軍隊之騷亂。外人亦觀兵衆而懷疑忌。獨操兵柄者。尙醉夢未醒。欲藉兵力而固自己之地盤。欲樹私黨而不顧民意之渙散。只思勢力膨漲。左右中央之行政。不知經濟涸竭。國家之破產轉瞬卽屆。噫。堂堂神州。蒸蒸黎民。豈必至國亡民奴之絕途哉。文典怒焉憂之。疑未敢信也。

因今日我國操兵權殃民禍國者。非人民之旨。乃少數之軍閥爲地盤爲私黨而然也。夫國民者。夙抱仁義和平之意旨。早承列國所公認。卽今之軍閥。擁兵自居者。亦并無侵掠異國之志。祇在國內私鬪自擾也。惟向日之國民。未知其爲害之烈。故逞軍閥之私慾。挺其暗鬪而明戰也。今南北政府。旣無裁兵廢督之能力。兩方軍閥。亦無覺悟之心跡。遠東局勢。惟恐一髮牽連。痛動全身。不得已文典慮國民第三者之地位。對內請願。各省省會。與國會。一致提出裁撤全國軍隊。與廢除潛艇炸彈。巨礮等戰時殺人利器之議案。以輕國民之負擔。而除國內紛亂。對外

乃代表人民和平之意旨。發表中華國民對於列國永守中立之宣言。因我國土地肥饒。興農耕植。不啻糧食足以自給。抑亦可餘而供給列國。礦產豐富。興工開採。又不啻自足應需。更亦可供給列國。據礦師調查。山西一省煤礦。足供地球上二千載之用。况乎更有其他礦山乎。更就現有之出產論。棉絲羊毛之供給列國者。爲數尙不在少。苟能興發工業。加意製造。亦卽良好大宗之商品也。故中國乃生產之國家。素無抱侵掠之政策。在農林工商之生產上。足以建國而致富饒也。以故敢告列國曰。中國對於列國永守中立也。惟中國今日之所以國弱民貧者。溯厥原因。乃困於軍閥而累於兵費也。今旣兵裁而督廢。國家之和平可期。國民之蘇醒有日矣。

若以治安論。決非軍隊所可保中國之治安也。惟有農工商各屬人民。設立民團。習練地方軍。以盡國民衛國保安之義務。此外責成警察維持地方治安。揆諸世界趨勢。與和平素志。大都如此辦理。豈我國而獨不然哉。且向之所有海陸軍部。

可從事撤消。而改設農部。工部。以專興實業也。更可將裁撤之兵。以移爲開礦興農工之工人。易其軍費而爲開礦興農工之資本。如此。不第國中財源開發。經濟可裕。抑且游手好閑滋擾人民之匪類。亦可不剿而自絕。遠東局勢。於是甯矣。而中華民國之精神。亦可表現于列國。今尙須賴于列國之援助者。則中國裁兵之後。友邦皆能一致以和平待我國。則中國可保遠東之安甯耳。假若列國間。偶有兵戎相見之會。苟無妨中國之領土。領海。權利者。則中國決抱永守中立之旨。必不參列從戰也。文典以竭誠之心。代表中華同胞。向列國發表。永守中立之宣言。懇各國朝野人士。皆以竭誠之友誼援助。敝國永守中立之旨。願民意機關之省會。國會。以及全國同胞。均能一致傾向和平而進取。則不勝馨香禱祝矣。

民國十年太平洋華府會議時王文典君提出中華國民對於列國永守中

### 立宣言（二）

寰海交通。天下猶似一家。向之同仇敵愾之心理。今已爲人不齒矣。我國全國人

民對於美總統召集太平洋會議。謀圖縮減軍備。防止未來之戰端。乃異常歡心。而深表同情也。文典緣是不揣冒昧。謹發表中華國民對於列國永守中立之宣言。請願本國民意機關之省會。國會。皆能取決廢除武備之議案。以實行遠東和平之善政。而使國民與僑華人士。可享和平安甯之幸福。更希望各國在太平洋會議時。一致以和平之旨。毅然決然。縮減軍備。廢除戰時之利器。而獲世界和平之保證。則不勝翹企而切禱焉。

### 遠東太平洋問題研究會宣言書

掀天動地。波浪洶湧之歐戰。已告結束。世界各國人民之心理。已漸注目於遠東太平洋之安危也。故美總統哈定氏。發起限制軍備會議。以謀沿太平洋各國之安甯。而使各國人民可以安居樂業也。惟我國南北分裂。國基未固。兼養百萬以上之軍隊。時作變亂。擾民之惡劇。日處南北之戰爭。致使國內經濟困乏。將兆破產之虞。南北政府諸公。政柄在手。猶尙執迷不悟。況今太平洋會議在卽。關於我

國有切身之利害。烏得漠然視之耶。爲攸久之立國計。宜於太平洋會議之前。南北實行統一。軍隊從事裁減。庶可取信於列國。爲代表留發言之餘地。免去陰謀國之挑撥。以杜人之藉口也。如我南北政府。醉心軍閥。不肯統一。而除國內之紛糾。則會議席上必受人之箝制也。本會以國民之資格。對於遠東太平洋問題。深加研究之工。以求徹底之明瞭。孰凶孰吉。宜取宜舍。而爲國民代表之後盾。於今我國存亡危急之秋。竭國民之全力。以解國家之倒懸。藉謀信用於列國。以故本會一舉一動。志在援助政府代表之行事。苟遇政府代表對於國家之利害。而輕易交涉者。則本會自當以國民之資格。監督而糾正之。凡我國民。皆當齊心興起。合力謀圖。對內樹攸久立國之基礎。對外爭國際上之地位。千載一時。良機莫失。危亟存亡。惟繫此舉。庸敢宣言。共抒國難。願我同胞。盍興乎來。

王文典先生請派海軍保護華僑

日前特派考察南洋暹羅菲律賓濱等處商務事宜專使王文典。因事晉見黃陂。談

及海軍獨立事。黃陂甚爲嘆惜。謂時局實無辦法。王當卽獻議。謂海軍在政局上。素持安靜態度。現因軍餉不發。故不得利用南北問題。其實情有可原。今欲維持海軍。減少內亂。第一善法。莫若使海軍出洋游弋。其利有數點。(一)可以保護華僑。(二)可以練習路線。(三)可以增高海軍智識。并謂近法艦到滬。其艦上設有貨品陳列所。中國商務幼稚。上下正在圖謀發展時代。利用海軍發展國貨。尤爲一絕大之好機會。海軍出洋。可在艦上設一流動國貨陳列所。就仿法艦辦法。(一)可以興起友邦之觀感。(二)可以引起華僑之愛國心。并且此項海軍出洋。可多帶工商人。出洋游歷。幫同管理陳設各事。不但海軍智識。因實習上得以增高。卽工商人因游歷上。亦得增高智識。海軍既有事可做。有政治目標。自然不在國內搗亂。黃陂甚以爲然。并謂本人亦海軍出身。久有使海軍在海外發展思想。此種辦法。實爲國爲民。俱得其利。故對之甚爲嘉許。王君復於日昨。將關於此事。呈明府院及海農兩部。條舉尤爲明晰。茲照錄如下。呈爲請撥軍艦作爲流動國

貨陳列所。以發揚國產。綏撫僑商事。竊本年三月三十一日。上海浦江到有法國巡洋艦兩艘。該艦係自上年奉該國政府命令。環游全球。宣慰僑民。於該日駛到上海。業經海軍官長。電呈在案。查該艦等奉令出發之際。并由該國政府。組織游歷團。團員中有外交部部員。工商部部員暨商人等。隨同到處調查。俾作實施之準備。艦內陳列該國及各殖民地之貴重工藝。暨優美國產。環游全球。任人縱覽。誠一浮海博覽會也。列強自經歐戰。劫餘。金融枯竭。商業凋零。亟謀工商之發達。國貨之推行。改鐵甲爲商航。化兵爭爲商戰。其法至良。其計至巧。誠富國之良規。亦裕民之妙策。吾國僑民。五洲散處。因國力之未充。受外人之凌虐。時有所聞。近乃益甚。如秘魯沒收華僑財產。勒充苦工。巴西違約立章。禁我入境。僑荷代表。聞被扣留。旅俄華商。慘遭槍斃。斐律濱則勒令用西文簿記。剝奪文字自由。國人聞此消息。莫不悲憤填胸。雖經僑胞之痛哭陳詞。號呼求救。僅博得政府文電之援助。於實際無補毫釐。民國三年。伍廷芳先生借文典奉政府之請托。至該島宣慰。

僑民時。西文簿記亦於是時正在勒令施行。當經伍廷芳先生及文典提出抗議。與該島菲督取消苛令。故未實行。今已八年矣。况南洋暹羅斐律濱各屬。在昔稱臣納貢。自改革以來。對彼國際地位。尙未敘明。或通商條約。亦未議訂。僑民岌岌堪危。朝不保夕。查海軍艦隊。本爲保護僑民而設。若每歲有一二次之巡遊。仿此次法艦辦法。藉艦隊之尊嚴。拓海外之商業。既引起僑民之愛戴。又樹異域之聲威。保護僑商。發揚國產。航海人員。且資練習。一舉而數善備。爲此呈請令海軍部。委派艦隊。并令農商部。籌備工商國貨陳列流動團。俾航海人員。及工商實業團。攜載國貨。隨同前往。以資擴充國外貿易。保護僑民。而揚國威。及懷遠之至意。

王文典先生對於全國國貨博覽會之意見

全國國貨展覽會。前經政府任命王文典爲會長。王曾一度謙辭。并經政府指令慰留。現在該會正着手籌備。茲據該會人談。謂該會之發起。王文典在數年前。卽與伍秩庸先生嘗有此計劃。因政治上蔽障。致未能實行。本年因商聯會與政府



接洽之事甚多。又復舊事重提。政府頗贊成其議。於是遂以明令發表王爲會長。并希望其從速進行。至王之計劃。分爲三步辦法。全國國貨展覽會。僅爲其第一步。尚有第二步第三步之國內博覽會。與萬國博覽會。俱當依次進行。至全國國貨展覽經費。聞皆由工商界自籌。現已定有辦法數種。及預算需款若干。已皆定有把握。俟到時機。即可宣布。至國內博覽及萬國博覽會經費。則非少數所能成事。國內博覽會經費。至少須得二百萬元。而萬國博覽會經費。則非一千五百萬至二千萬元不可。籌劃方法。刻亦正在擬議。但是此種巨款。極爲不易籌措。現在裁釐加稅。及懇讓還庚子賠款兩事。俱在進行。國內博覽會經費。欲於爭得加稅裁釐。俟厘金裁撤。加至抽十二五稅後。卽於關稅項下。請撥二百萬元爲經費。至萬國博覽會經費。則非着眼於懇讓庚子賠款。捨此別無辦法。因此項賠款。本爲拳匪戕害外人之賠款。并非國際間戰爭之賠款。在我納之爲無名。在外人亦受之有愧。所以外人講公理之學者。近多主張將此款拋棄。但外人又以我國不統

一。恐將此款拋棄之後。復助長我國內爭。因變用名詞爲退還。并限定用途。如美退還之款。則限定用於教育。可見外人與中國親善。於此尤足見其真正之好意。萬國博覽會爲發達中外各國工商之舉。各國既注意遠東商務。亦無不願中國之有此舉。所以要求以退還庚子賠款之一部。充作萬國博覽會經費。曾與多數西商討論。俱得各個人之贊成。可見此事。只要有成效可觀。外人亦且樂於贊助也。至於開會時期。全國國貨展覽會。現定本年秋間。或於明年春間。以何時爲適宜。尚須全國商會公同決定。但至遲不得逾明年春季時期。至國內博覽會。現計在民國十六年。可以開成。因加稅問題。至彼時已完全可告成功。而萬國博覽會開會時期。預計在民國二十年。亦有開會希望。至各會地點。全國國貨展覽會。已定在京師北海。而似嫌於商務上。尚不適中。故國內博覽會。及萬國博覽會。規模則較全國國貨展覽會爲益大。不可不取適中之地點。將來吳淞漢口。皆爲適宜之地。但此時不能預定耳。又全國國貨展覽會開成之後。尚擬設一大規模之國

貨陳列所。以爲全國國貨展覽會。留永久之成績。此項陳列所。擬卽名爲買賣國貨陳列所。其內容卽（一）賣品。（二）非賣品。（三）陳列品。賣品者卽出品人。願將出品交所出賣者。非賣品者卽出品人。願將出品寄存所中。任人研究者。陳列品者卽爲有關歷史。及爲所中貯藏希罕之物品。永久陳列。而但任人參觀者。此項陳列所名稱。或亦可名爲全國國貨徵集場。亦須由全國商會開會決定。故名稱或仍有變更。亦未可知。至買賣陳列所名稱之由來。因民國五年。王文典同伍廷芳先生。卽有在新嘉坡設買賣國貨陳列之計劃。其時黎任總統。而伍氏長外交。已在籌備之中。因忽遇張勳復辟之政變。黎伍同時下野。故籌備在新嘉坡設立買賣國貨陳列所。亦驟然停頓。全國國貨展覽會開會之後。設立此項陳列所。實更爲大好時機。并不但擬設北京一處。國內國外各大埠。皆有籌設之必要。但爲另一事。當隨察時機。另謀進行方法焉。此爲最近全國國貨展覽會籌備進行之概況也。

王文典先生再請速執行裁釐加稅并預計每年增收之數目

竊查我國內地厘金爲工商之勁敵久矣。文典代表商民竭其能力請願政府者亦久矣。且十年來論列厘金之害與裁撤之利刊之報紙見之公牘宣之演說著之書冊蓋已言之又長言之矣。卽外人之關懷中國時局者亦莫不具同情之論調。文典代表吾商民爲熱誠之呼籲向政府七次之請願承前國務總理李根源先生呈請黎大總統命令公佈在案。是則厘金之宜裁撤而不可再使之生存者其理由固已千真萬確毫無疑義矣。顧十數年來前政府何以不毅然允吾商民之請求而決然裁撤之。現政府而不執行之而必使此摧殘工商扼吾人生命致國家於貧弱之惡稅日復一日依然健在者其用意固在重視目前之收入而不惜爲飲鴆自甘之計耳。推當局之意蓋一則因國家收入方視厘稅爲一大宗若撤廢之則無所抵補。二則因裁厘必須加稅外人若不認加稅而裁撤厘金則國用更將窮困。二種理由平情論之實然充分。然在前日猶或可藉詞時至今日則

更無研究餘地。華府議決外人概允吾國修正關稅以實行值百抽五。今已實行矣。候特別會議後。可再增抽二五之附加稅。奢侈品則抽至百分之十。據吾人詳細調查前之關稅。雖曰值百抽五。其實以估價之不確（即以前年之估價表行於後十年之今日）徵收之舞弊。所抽不過值百之三又二七。苟從前委員會修改之後。文典承全國聯合會公舉  
為估價修正委員會出席代表實驗實抽。則所增收。幾為原額五分之二五六。加奢侈品之值百抽十。合而計之。則實抽溢額收入當為將近一千萬元之譜。（內有進口子口半稅溢額約一百五十萬元）加附加稅後。可增收入約為二千六七百萬元上下。奢侈品收入約為六七百萬元。三項併計。一年約可增加達五千萬元上下。查全國厘銀收入。清末清廷預算厘金總數為三千五百萬兩。民國初年。民國預算厘金總數。僅為二千四百萬兩。約合銀幣三千六百萬兩。年來實際收入。充量不過四千萬元左右。然則以上項溢收六千六百萬兩之稅額。抵補此四千萬元之厘金。實已多出二千萬元左右。是裁厘抵補之憂慮。

不成問題矣。况此次修改稅則。即係加稅之準備。華會已有決定。外人亦屢宣言。以吾國實行裁厘。則允增加進口稅率。準英美日葡各約。已訂有值百抽二十五之明文。是我自不裁厘。固難強其承認加稅。若我將厘金裁撤。則加稅目的。必可根據條約完全實行。值百抽十二五之時。則所收稅額。應於六千萬元左右（未裁厘以前所收之數）之上。增出約六千餘萬元。（即增真正百分之五）合之爲一萬二千萬元左右。再按馬凱條約第八款第九節內載。洋貨在華設機器製造廠者。須完納出廠稅。其數倍於進口稅云云。今者關於此項設廠製造種類。及出品確數。雖不明悉。然以臆測之。亦非在少數。計其稅額。至少當不減於前述。總額外尙可增收。夫僅以修正稅則之收入。抵補厘金。已過半數。若達到增抽十二五時。則其溢額實可超過厘金倍半之外而有餘。是裁厘不獨無害。且大有裨益於國家之收入。蓋關稅增加後。外貨舶來。成本自高。國貨不受厘金之摧殘。其值自較今日而尤廉。人民避重就輕。國貨之購買力。自必澎漲。是不必日言提倡國

貨而國貨自發達矣。國貨發達。國家稅源必益增。加稅裁厘之利。不僅專利吾民。今商民希望裁厘之實現。有如大旱之望雲霓。際此確可裁釐之時機。又無其他之窒礙。若猶不早確定辦法。特別大會開會將近。應示以決心籌備。確定辦法。所以增加之二五附加稅。收入作爲裁厘抵補之的款。候裁厘後。所餘之款。可抵還外債之需。五年後所有外債。均可還清矣。務使舉國咸知政府有執行裁厘決心。加稅至十二五。當然不成問題。以後工商各業。庶有昭蘇之望。國家幸甚。商民幸甚。

### 關於加稅裁釐暨免出口稅最要之條約

竊以關稅制度。與商業有密切之關係。今吾國以稅制之不良。逼國貨于委靡不振之途。百業俱趨於失敗之境。以致國勢日微。民生日感。此其弊害。甯可勝言。加以因條約之束縛。釐金之苛細。招商戰失敗之禍。吁嗟傷哉。此次承全國商會聯合會電召來京。參與討論。用敢將關於加稅裁釐最要條件及說明臚陳於左。以

冀一得之愚。供獻我工商界同人之研究。吾國古無國際貿易之關稅制度。海通以前。互市閩粵。有所謂粵海關閩海關者。隸於內務府。以其收入供滿清宮禁之用。而由內務府派員掌之。內務府之司員。以得關差爲最大慾望。而官吏侵蝕。浮收以外。又益以關吏之婪索。洋行（廣東所謂十三洋行者皆國際貿易之仲介人）之抑勒。故雖性質近於國定稅率。而實無關稅制度之可言。此在前清乾隆中所屢經洋商陳訴而見之。清帝之上諭者也。外人知滿清之爲無法國也。故爲自己之利益計。乘鴉片戰役之制勝。以關稅一項定之條約中。而清吏之在是時。既迫於城下之盟。畏外如虎。不敢一與爭論。而於國貨之貿易。稅關之行政。當何如。經濟之學。稅率之關係於工商業者。爲何如。茫焉昧焉。一無所知。一任外人之定立草約。袖手書諾。而單一協定稅率成矣。吾國之稅關係約。蓋自清道光二十二年江甯條約而已亡也。茲舉最要條約如下。

江寧條約第十款曰



言明開關。俾英國商民居住通商之廣州等五處。應納進口出口貨稅餉費。均宜秉公議定則例。由部頒發曉示。以便英商按例交納。今又議定英國貨物。自在某港按例納稅後。即准由中國商人徧運天下。而路所經過稅關。不得加重重稅例。只可照估價則例若干。每兩加稅不過分。

此條云云。中國成爲單一協定稅率之禍胎也。蓋秉公議定則例一語。則協定之局已隱隱焉訂之。約中納稅後。徧運天下。經過稅關。不得加重稅例。又爲子口半稅開其漸。我國之關稅權。自此墮地以盡矣。是年之冬。耆英與訂通商善後章程於羊城。咸豐八年。英法聯軍入津。立天津約。英約第二十六款曰。

前在江甯立約第十條內。定進出口各貨稅。彼時欲綜算稅餉多寡。均以價值爲率。每價百兩。征稅五兩。大概核計。以爲當公。旋因條內載列各種貨式。多有價值漸減。而稅餉定額不改。以致原定公平稅則。今已較重。擬將舊則重修。允定。此次立約。如有印信之後。奏明請派戶部大員。即日前赴上海會同英員。迅

速商奪。

其第二十八款曰

前據江甯定約第十條內載。各貨納稅後。即准由中國商人。遍運天下。而路所經過稅關。不得加重稅則。只可按估價則例若干。每兩加稅不過分等語在案。迄今子口課稅。實爲若干。未得確數。英商每稱貨物。或自某內地赴某口。或自某口進某內地不等。各子口恆設新章。任其征稅。名爲抽課。實於貿易有損。現定立約之後。或在現通商各口。或在日後新開口岸。限四個月爲期。各領事官備文移各關監督。務以路所經處。應納稅銀。實數明晰照復。彼此出示曉諭。漢英商民。均得通悉。惟有英商已在內地買貨欲運赴口下。載或在口有洋貨欲進售內地。倘願一次納稅。免各子口征收紛繁。則統照行。此一次之課。其內地貨在內地首經之子口。輸交洋貨。則在海關完納給票。爲他子口毫不另征之據。所征若干。經算貨價爲率。每百兩征銀二兩五錢。俟在上海彼此派員商酌。

重修稅則時亦可將各貨分別種式應納之數議定此僅免各子口零星抽課之法。海口關稅仍照例完納。兩例並無交礙。

### 法約第二十七款曰

大法國人在通商各口貿易。凡入口出口。均照兩國欽差大臣所定印押而附章程之稅則。輸納鈔餉（中略）大法國人凡有鈔餉輸納其貨物。經此次畫押載在則例。並非禁止。並無限制者。不拘從本國及別國帶進。及無論帶往何國。均聽其便。中國不得於例載各貨物。別增禁止限制之條。如將來改變則例。應與大法國會同議允後。方可酌改。至稅則與章程。現定與將來所定者。大法國人每處每時。悉照遵行。一如厚愛之國無異。

自上述各條定於和約。而單一協定稅率於是告成矣。蓋道光二十二年之約。爲吾國關稅制度之形所由成。而其形成之初。卽在戰敗以後。受外人之迫脅而定。毫無自主權也。專利便於外人之貿易。絕國貨之貿易也。而咸豐八年之約。又成

於攻陷大沽以後。歐美各國。援例通商。從重立約。而條約之藍本。則率以英法約爲根源。試一披覽通商數十年來之約章。其關於關稅問題者。其孰不與上述各條。若合符節哉。先之以壬寅。申之以戊午。而單一協定稅率成矣。關稅國貨。直有滔滔不返之觀。加之甲午以後。每次借款。以關稅爲抵押。加之癸丑大借款。以鹽稅爲抵押品。而鹽政之整頓。外人得設策。此則財權損失之一篇傷心史。爲國民者。不可一日忘也。且當咸豐八年時。以英法第二十六款。法約第二十七款之規定。稅則章程。一律重訂。特派桂良。花沙納。與英法美三國專使。定通商章程於上海。章程十條。稅則一冊。於以成立。此協定稅率一事。於條約以外。又有正式之會議。而有稅貨物以外。又加以無稅貨物。於稅率協定以外。又以稅關用人權界之外人。則以最失敗之單一協定稅率。既不完全。抽收又歸外人管理。中國之關稅。尙有何政策之可言哉。尙有何種主權之可言哉。是又不止以值百抽五。著爲定率。而成莫大損失之原因也。

一曰稅則之確定。經時既久。物價變更。受無量之損失也。前清咸豐八年之稅則。直行至光緒二十八年有效。期間之延長。無四十餘年之久。其間毫無物價之變更者。而馬凱條約訂立以後。至今又十四年矣。考關稅之法。不外從稅價從量稅兩種。從量稅既爲現世所不採用。則從稅價者。直爲通行之法。而從稅價之妙用。則隨時估價之說也。據英法德各條約。無不訂立一條。謂於海關驗貨人與商人不能平定其價時。請第三者之客商鑑定之。亦似仍有隨時估價之規則。然則稅則一冊中。所列二十六類之貨物。有註明每百觔稅銀若干者。有註明每若干件稅銀若干者。又何說乎。值百抽五之言。訂於耆英。其輸入品稅則之輕。除有特別原因之各國。或各殖民地外。殆無其比。（各殖民地中。且有爲無稅口岸者。）已爲不可塞之漏卮。不可救之痼疾。而又就當時物價協定一稅則。定其輸納之數。物價而漸廉也。我猶無大損失。如其昂貴。又限制於有效期間之說。不能更章是名。雖值百抽五。其實值百僅抽二五也。卽如布疋類中之斜白布。長四十八碼者。每

正額徵銀一錢之稅。今日洋貨盛行。銷路旺而市價亦貴。試問今日之價。與原定稅則時比較如何。每一正之稅爲銀一錢。以值百抽五核算之。則每正之價。當爲二兩。今之價格已漲二三倍者。銅鐵類之日本銅。每百斤額稅六錢。依值百抽五例核算。每百斤之價。當爲十二兩。然今日之價。又豈止二三倍。是尙謂之值百抽五乎。一物如此。而他物又何如。加之出口熱貨日減。卽以茶論。在前清光緒十四年以前。出口之數恆值三千萬兩以上。至二十七年乃減至值一千八百萬兩。次年乃以茶業之呼籲。減爲出口。僅收半稅。然在二十八年以前。其納逾於定額之稅者。商茶之受損失大矣。况出口之大宗貨物。無不日益減色。而得半稅之利益。僅一茶業。雖前年稅務處。受上海國貨維持會之痛陳。有敷衍一二國貨出口半稅。但何能補救耳。則其他華商經營輸出之國貨者。其納逾於定額之稅又多矣。是則不及額之稅。收之於輸入品。使外人蒙其利。逾額之稅。收之於輸出品。惟華商受其害。所益者洋貨。所損者國貨。卽使海關得此逾額之稅。亦大非國家之福。

國貨之利也。況不及額則稅輕。稅輕則成本亦輕。有利於銷行。易於推廣之效。稅逾額則稅重。稅重則成本亦重。有大爲銷售之阻礙。中國協定稅率之結果。至於如此。則直獎勵輸入。引外人以腴吾之利。而力求外貨流行。使奪我國貨之銷路也。且制限輸出。唯恐國貨之能暢銷於國外。而收其萌芽。以害本國之國貨。卽絕本國人之生路也。嗚呼。各國言保護貿易政策。獎勵輸出。制限輸入。我乃反是。姑無論今之實業無財力以振興之。卽使其能振興也。而有此惡稅率在國貨則亦不能與洋貨爭利。是吾國貨之生機。實由不履行馬凱條約加稅裁釐是也。加之戊午英約第二十六款。法約第二十七款作之俑者。又在壬寅英約第十款訂約者。不解經濟之原理。而聽客所爲。後人蒙其禍。乃無窮盡。此可痛哭者也。一日子口半稅之規定。華商洋商土貨洋貨失其平均也。

查英約第二十八款曰（各要口恆設新章名爲抽課實與貿易有損）

夫當咸豐時代。所設子口新章者。釐金是也。查釐卡制度。各國無之。中國特有。世

界皆目之爲惡稅。二十里一卡。三十里一局。一貨通行。有征數十稅者。千牽萬制。層層敲剝。丁役婪索。權吏咆哮。留難苛虐。無惡不出。人民懾於官威。免罪爲幸。悉索脂膏。以供私囊。經過數百里地。而稅金之數。或有超過原價者。是殆罰國貨之遠行。而迫其近售也。遠行則因成本加重。而爲虧折之基。商民以獲利爲目的。利不可獲。反受其害。誰能堪此。職是之故。國內貨物非留滯於東。則偏虛於西。洋貨則僅納子口半稅。以後便可徧運內地。無復阻礙。此種情形。是使國貨不行於內地。失其平均。適足爲洋貨卸售之預備場也。洋貨銷售愈廣。國貨愈益不振。相因而往。國貨實有天然淘汰之虞。是皆釐卡阻國貨之爲害也。雖言維持國貨。然尋常之人。愛國之心。常不敵其惜財力之心。以重價而購國貨。何如廉價而用洋貨。此爲不易實行之事。受弊之源。實在國貨有釐金。洋貨則僅有子口半稅也。又不唯此而已。商人以謀利爲唯一目的。則有可以減輕其成本者。無不爲之。晚近以來。有掛洋旗之事。其不愛國。責無可逃。而一考其掛洋旗之實則。大率經行內地。



之貨。或洋貨輸入。或土貨輸出。鑒於釐卡之留難需索。而慕外人之一稅不再。稅乃以貨託之素通往來之洋行爲之代運。或裝運出口而復進口。如四川之藥材。裝運赴香港而後進上海口往內地者。釐卡見其爲洋行之運輸船舶也。懾於外人之威。亦莫敢過問。此非商人之棄其國籍。以爲他國之人民。乃以貨託之洋商求沾子口半稅之利益。所謂知不得已而爲之者耳。不道之滿廷。旣與外人協定一子口半稅。又以遇卡抽釐。迫華商不得已而掛洋旗者。不平則鳴。孰有甚於此者乎。準此以談。則旣導洋商以奪華商之利。使本國之貨物不能暢銷於本國。又迫華商以乞靈於洋商。使本國之商人行本國之境內。而不得不求助於他國之勢力。損國權而害民生。皆此協定之子口半稅階之厲也。然此又非自戊午約始也。壬寅英約第十款所謂（路所經過各關不得加重稅則每兩收稅不過分）者。已開其例。在當時釐金未創。彼其所指蓋在常關。是已並常關而免除之。何況釐金之惡稅。積重難返。即使熱心維持國貨。保獲貿易政策。言之者舌敝唇焦。而實

效猶不易見。則協定稅率之爲禍烈也。

一曰最惠條款之訂定。各國皆得援例。損失無窮也。協定稅率之成。有以兩國之互惠條款者。第三國不得援據。此卽中村氏所謂融和國交之道。蓋卽謂此。我國不然。既有協定稅率。更附以最惠國條款。前所舉法約第二十七款所謂（與厚愛之國無異）者。卽明言之。而戊午英約第二十四款曰（不能較他國有彼免此輸之別以昭平允而免偏枯）美約第三十款亦有優待利益一體均沾之說。自是以後。凡訂條約。無不有此一條。今專以稅率言之。如英人所謂不能彼免此輸者。原以歐人東來。商戰於中土者。方興未艾。而防他國之獨占特別利益。然而連難之勢成矣。觀馬凱條約裁釐加第八稅款第十三節。謂必凡應享優待均沾之國。一律允納加稅。方能照辦。可見最惠條款之流弊。查吾國現在司農仰屋。民生凋敝。日益加甚。亟應根據條約加稅裁釐。以期限制洋貨。輔助土貨。爲根本之救濟。其入手辦法。當先由全國工商界。公推聲望素孚。道德高尚。爲外人素所崇

拜者主持其事。請願國會設立討論加稅裁釐機關。聯絡感情。籌議進行。然後以公理提出。邀請有約各國贊助實行。或由政府援照壬寅修改進口稅則之辦法。邀齊有約各國特派聲望道德爲外人敬仰及工商界信服大員。在滬會議。再由工商界公舉全國領袖及聯絡各國僑商與議。爲政府之後盾。總以完全達到目的爲止。按前據上海稅務司戴樂爾君對於此事非常贊助。並曾屢次討論。籌議進行方法。並曾著有裁釐加稅意見書。及理財節略。足資參攷。茲據馬凱條約第八款其文曰。

中英兩國彼此訂明。所有釐卡及征抽行貨他捐各關卡局所裁撤後。不得改名。或藉詞將此項關卡復行設立。進口洋貨所加抽之稅。不得過於中國與各國光緒二十七年七月二十五日即西歷一千九百零一年九月七號簽押之和議條約所定之進口正稅一倍半之數。此項進口正稅及添加之稅。一經完清。其洋貨無論在華商之手。或在洋商之手。亦無論原件或分裝。均得全免重

征各項稅捐。以及查驗或留難情事。至出口土貨所納之總數。不得逾值百抽七五之數。

按此則加稅爲條約中明文所贊成。其增加稅率之限額。則各國條約均屬相符。查十年前關冊收入總數。每年不過二千萬。彼時著手裁釐。恐加稅不敵裁釐之數。誘爲出入不敷。亦有不得意之苦衷。然現在物價較前。大爲增長。此時果能實行加稅免釐之策。則政府歲入既豐。而民間因免去苛稅。轉運流通。從此國貨之發達。工商業之振興。有斷然者也。裁釐加稅。實足限制洋貨輔助土貨。福國利民。在此一舉。至於進口稅。宜以值百抽十二五爲標的。其出口稅爲獎勵輸出起見。本應減免。惟目前正國家財政支絀之秋。或全免或仍照舊率徵收。以恤商艱。而維國計。

一曰宜加足洋商在華製造稅。以符約章。一面宜減輕仿造外貨稅。以利國貨也。中國各商埠製造物工廠。多係外人經辦。外人購買中國生貨。一經製造。勻淨光

潔。花樣奇出。用力簡而成貨多。外人以轉手之勞。皆母半子倍。華商虧折。洋商壟斷。蓋由於此。苟不寓抑於征。國貨將愈形荒落之象矣。按馬凱條約第八款第九節內載。

洋貨在華設機器製造廠者。須完納出廠稅。其數倍於進口稅云云。

此次進口稅率。增加既定。則外人在華製造稅。亦須照倍數加足。已爲條約所明定。照進口稅值百抽十二五計算。則製造稅應值百抽念五矣。至於中國人所創辦各項工廠。其中所出仿造品。納稅若干。中國政府本有自由之權。外人不得干涉。按各國皆有銷場稅之規定。稅率特重。其意殆欲使本國自造之貨。輸售於外國。不欲本國人自購其貨。故同一貨物。出產國購買則甚昂。在他國購買則反廉。其銷路亦在他國爲最廣。此實銷場稅有以左右之。而亦出口無稅有以助成之耳。然察之吾國現狀。行用此例。適足以阻國貨之進步。而爲洋貨暢銷之預備也。凡係華製出產物品。宜酌量減輕稅捐。以輕成本而利國貨。

一曰進口洋貨稅之宜於未加稅之前。先從切實征收也。各國稅率莫不重征進口稅。免除出口稅。故其工商業之發達。金融界之雄厚。民生寬裕。府庫充足。而國家遂致於富強。我國以條約之限制。進口僅先抽百分之五。然其實際上以從量之流弊。不及抽五者。比比皆是。若以時價計之。尚不及百分之三。致使洋貨成本愈輕。銷路愈廣。土貨之利。故為國家計。為稅源計。均宜速切實從價征收也。明矣。按辛丑和約第六款戊項曰。

進口貨稅。增至切實值百抽五。將所增之數。加之所有向例之進口免稅。各貨除外國運來之米及雜色之糧麵並金銀及金銀各錢外。均應列入。切實值百抽五貨內。

按此則應先切實值百抽五。為條約所規定。然吾國洋貨進口稅。其值或以斤計。或以箱計。至貨價趨漲。而稅率如故。茲僅就煤油一物言之。稅關收稅每一木箱（十加倫）抽稅七分。照此計算。則當時煤油之價。每箱僅值一兩四錢。今日市價。

每箱價值已漲至三兩左右。若照從價稅計算。應抽一錢五分。舉此一端。則值百僅抽二五而已。他項貨物亦大略相同。

按通商進口稅則善後章程第一款。及緣起內載。每百實作八十八計算。則值百僅抽四五而已。是則值百抽五之規定。實屬有名無實。蓋世界生活程度日高。貨價有加無已。乃爲必然之趨勢。然則吾國每年稅款之暗喪者。實難以數計矣。

一曰全國釐卡雜稅出口稅宜一律免除也。釐卡制度。自創洪楊戰役之役。遂開古今中外未有之局。我國人多以通過稅擬之。然通過稅之性質。乃他國之貨運往別國。通過於本國境內者。取而稅之。則非爲本國土產運於國內而稅之也。明矣。故戊午中英約第三十款。第四十五款。中法約第二十款。第二十四款。訂定通過貨物。予以一定之期限。出口者無稅。是我對於海口之通過稅。尙取免除主義。而對於土產之通運。反至遍設網罟。苛虐留難。無所不至。以致稅重於本。價昂難銷。商人無罪。行路其罪。通過稅三字。實粉飾之詞耳。外人不堪其虐。而有一次

納稅之請。吾不能爲外人責。然子口半稅之制既定。則運洋貨入內地。運土貨出口。凡在外人之手者。得享此權利。而華人之運貨者。仍無局不徵。無卡不納。行數百里之地。而所納之稅。並其受需索於吏役者。合計其所需數。不獨不止每值百兩抽二兩五錢之數。甚且較海關值百抽五之說。且加倍倍焉。以本國之商人。運本國之產物。赴本國之商市。而層層剝削。使其成本加重。不利於銷行。而貨物之屬於外人者。則同一種類之貨物。納稅獨輕。成本獨輕。價之低昂。銷售之難易。不待智者而可決。故外人揣吾國民之好尙造一種。可與土貨代興之物。運輸而來。土貨之銷場。無不爲其所奪。何也。土貨貴而洋貨賤。人自趨之若鶩也。他不必論。卽棉紗棉布糖三項。其可稽於海關冊者。四十年以來。輸入之數。日增不已。而今日內地各處所用之糖。與棉紗棉布。又彌望皆外國貨。此孰非奪吾土貨之銷場。因子口稅之重輕。而使固有之貨。歸於天然淘汰也。是直爲洋貨求銷路。而塞國貨之源也。洋貨愈益暢銷。土貨愈益不振。相因相形。判若霄壤。是皆釐卡之爲害。



而不可不裁撤者也。按光緒二十九年中美續議通商條約第四款內載。

中國認悉現在於轉運時紛紛貨物之稅捐。其中以釐爲甚難免。阻滯貨物不能流通。勢必傷害貿易之利。是以允願將通國轉運抽餉之釐金。以及各項行貨稅捐。一概裁去。並將向有征收此項行貨稅捐之局卡。一併裁撤。不得另行設局卡以征收行貨稅捐。中美兩國彼此訂明。所有征收行貨稅捐之局卡。裁撤後。不得改名或藉詞將此項局卡復行設立。

美國允許。美商運進之洋貨。及運出外洋或往通商他口之土貨。除照當時稅則應納正稅外。加完一稅。以爲補償。中美兩國彼此訂明。進口洋貨所加抽之稅。不得過於中國與各國光緒二十七年七月二十五日（略）簽名之和議條約所定進口正稅一倍半之數。又云進口稅增至切實值百抽五外。再加一額外稅。照和約所定一倍半之數。以抵裁撤釐金云云。

此外中英續議之第八款中日續約之第一款。以及其他訂約各國。對於釐卡之

條文大意相同。公認釐卡爲惡稅。於世界貿易均有重大之障礙。若夫銷場稅。雖爲各國所通行。但外貨國貨均同一律抽收者也。今據馬凱條約第八款第八節曰。

中國承認征抽此項銷場稅之辦法。不得稍於運來之洋貨或運往外國之土貨有所妨礙。凡貨物既爲洋貨。一經海關驗放之後。即須免一切稅課。及留難阻滯之事。凡洋貨與土貨相類者。完納進口正稅。及所加之稅後。該口海關。若據貨主請領。即應逐色發給該貨已經完清各該稅項之憑單。免致在內地有爭執之虞。

夫稅以銷場名。則只應問其是否銷行於此地。不應問其爲土貨與洋貨。蓋土貨洋貨同一銷售也。雖約文曾有（向不出洋之土貨）一語。然不出洋之土貨。其銷場原不在此。自無徵銷場稅之理由。故（不得於運往外洋之土貨有所妨礙）可以言之。而於運來之洋貨。則同一銷售。獨不徵稅則何說也。如曰洋貨入口之時。

已納正稅及加稅。卽爲完清各該稅項。則稽之同約同款第三節論常關之法有曰。（土貨在於內地由此處運彼處自產處起運到內地第一常關應照海關稅則征收出口加稅）則何嘗不曾經納稅者。土貨則納。洋貨則免。是又重征土貨而獨寬洋貨也。是不特利洋貨之銷場。而阻土貨之銷路。干涉及於土貨之抽稅。必比於洋貨。而又不減輕土貨之負擔。使洋貨得有保護貿易之效。以擴充其銷路。此實關係於國際之海關稅。以外另爲一特別之協定稅率。而使洋貨奪土貨之利者矣。

按此則釐金之爲害。實足以限制國產之銷場。而爲外貨之虎俵也。若此次實行裁撤之後。務求洋貨土貨一律平均。無所偏倚。以期發展國產之輸出。限制洋貨之輸入。無使病商病國之稅。長流毒於茲世也。

查民國四年海關冊報告。因歐戰之故。進口洋貨總額僅值關平銀四萬二千九百七十七萬五千六百三十一兩。應征進口稅銀僅一千三百九十九萬一千六

百十兩。若按照近時之洋油洋布等市價計之。每值百僅抽二五而已。以切實值百抽五計算。約可抽銀二千七百九十八萬三千二百二十兩。若裁釐加稅之後。每百再以加七五計之。又可多得稅銀四千一百九十七萬四千八百三十兩。將來貨價雖有漲落。而歐戰定後。進口貨物必多。儘可無慮。是則加稅以後。以切實值百抽十二五計之。共該收入洋貨進口稅六千九百九十五萬八千零五十兩。裁釐之後。應除去土貨復進口稅二百五十一萬七千七百十三兩。入內地洋貨子口稅一百五十一萬七千三百十三兩。出內地土貨子口稅七十六萬九千四百三十七兩。又釐金常關稅二千七百七十七萬四千三百十八兩。總計裁去三千一百九十七萬九千一百七十七兩。再加以原有洋貨進口稅一千三百九十九萬一千六百十兩。總計現在收入。僅有四千五百九十七萬零九百八十四兩。以上均照民國四年海關報告冊計算。按此裁加相抵。每年約可盈餘稅源二千三百九十八萬七千零六十六兩。按此則裁釐加稅之後。不但國民既輕擔負。而國

家每年又增鉅額之收入。福國利民。莫善於此。且國貨從此脫離苛稅之束縛。蒸蒸日上。可操左券。竊文典等前年在滬發起懇讓庚子賠款會。當時一般人士頗爲驚駭。後蒙各國人士同聲贊助。一無阻力。且親往國內外聯絡各界感情。陳說理由。不但無非難之聲。且承各國人士大加許可。嗣以歐戰發生。事遂中止。可見公理所在。不可或侮者也。然裁釐加稅。其難易之間。實非此事所可比擬。况各國已訂約在前。決無反汗之理。是則此事既爲條約所允許。在今日舉行。是履行條約也。由是觀之。加稅裁釐。非不能辦。實在辦理之善不善耳。查上海稅務司戴樂爾君。亦早主張此議。與文典亦已屢次討論。足見公理所在。雖外人亦樂予贊助也。茲擬定加稅裁釐收入比較一表。以資證明。且文典主張加稅裁釐。歷有年矣。在數年前發起之時。社會人士。頗以爲異。獨國貨維持會同人。一致贊助。匡扶甚力。因同人等受釐卡之痛苦最甚。故感觸亦最深也。加以會長伍廷芳先生及楊小川先生指導一切。助力尤甚。回憶昔年赴各省商會演說裁釐加稅利害關係。

均蒙諸先生之贊助。幸何如之。今日適逢盛會。相聚一堂。敢將數年來研究所知。一一條陳。以供

諸先生之參考。敬祈 垂察而指教焉。

加稅裁釐收入比較表

現在稅釐收入數目		將來加稅 裁釐收入數目	
洋貨進口正稅	一三九九、一六一〇兩	洋貨進口稅切實值	二七六八、三二二〇兩
裁釐後洋貨進口照 值百抽五再加七五	現無	裁釐後洋貨進口稅照 值百抽五再加七五	四一九七、四八二〇兩
土貨復進口稅	二五一、七七一三兩	土貨復進口稅	裁去
入內地子口稅	一五一、七七一三兩	入內地洋貨子口稅	裁去
出內地子口稅	七六、九四三三兩	出內地子口稅	裁去
釐金常關稅	二七一七、四三一八兩	釐金常關稅	裁去
合計	四五九七、〇七八七兩	合計	六九六五、八〇五〇兩
說明	按民國四年海關報告洋貨進口共值價銀四萬二千九百七十七萬五千六百三十一兩。因各國戰爭來源略稀。故僅有此數。若將來歐戰告終。進口洋貨必多。收入之稅決然有增無減。查現在物價昂貴。如布疋紗糖煤油等類。竟有漲至二三倍者。故名雖值百抽五。其實值百僅抽二五而已。若能切實值百抽五。及裁厘後加收七五計之。共收洋貨進口稅六千九百九十五萬八千〇五十兩。以此歲加相抵約照現在收入。每年可餘稅銀二千三百九十八萬七千〇六十六兩。		

### 王文典調和招商局風潮平定後之宣言

吾國航權。太阿倒持。賴以不絕者。惟招商一綫。去年民軍起義。雖略有損失。裨賴頗多。今年（民國二年）五月間。自組織新公司之議生。穴風木蠹。比附以起。劉學詢以破產之人。肩承巨業。慝起羣疑。當局者不察。幾墜其術。辦事人與董事會激起風潮。董事會中復分多派。施子英周金箴君等力持反對。伍秩庸先生調和中立。溫宗堯陳可揚等主張新公司者。遂成風潮。無奈各團體以航業有關。亦不願越俎。紛紛研究。始有招商局救急大會之發生。北京部電亦以劉學詢之議爲不正。原有股東遂分兩派。其一曰招商局股東維持會。主張整頓局務。嚴拒洋股。對于新公司之成議。絕對否認。而願以航權讓歸國有。其又一派曰股東聯合會。主張新公司之成議。反對國有。鑒於舊日積弊之深重。欲以全體推翻。另行改造之手段施之。故并反對維持整頓之策。旗鼓相當。功力匹敵。考甲乙兩派之用意。雖各有異同。而對於全國航路抱摧展發揚之志。無少異。徒以意見差池。遷延時日。

而招商局現狀之維持。不無因此稍受其打擊矣。文典原是國民。亦股東之分子。公私兩端。均有不能放棄不顧之勢。用奔走于其間。邀集兩派之人。徵求意見。兩派同人。亦承不棄。甲舉孫鐵舟君爲代表。乙舉李懷霜君爲代表。在敝宅前後討論四次。漸就鎔浹。其結果甲派則贊成乙派新公司之主張。乙派亦贊成甲派反對洋股之正論。雙方同意。議遂以成。于是合二派而爲一名。爲股東維持聯合會。電部請收回國有。而國家以財力不充。覆電敦囑。仍歸商辦。風潮平息。始可策一致之進行。文典區區調處之微忱。賴以稍慰。竊更有以進而告者數事。願我在事諸公其留意之。

一新公司之組織宜加謹也

利之所在。人爭趨之。幾微航權。又慝妬意。比年以來。太古怡和之外。日清公司亦大擴其資本。與我攘奪揚子流域黃海濱邊之利益。物競爭存。劣敗可畏。彼野心商業家。果無惡不作。明戰暗傷。以遂其壟斷把持之初願者也。劉學詢之前車不



遠。此宜加謹者一也。

二局務之積弊宜掃除也

近世人類進步愈速。大事業之規畫。均井而有條。招商局坐滿清官場流弊之後。自不能與西洋各國較。但事貴從新。一經整頓。固未始不可青出於藍也。執事者存公益之心。勿以破壞授他人以可乘之機。主持者抱大公之念。勿以親疎啓競奔之風。雍雍穆穆。緝緝齊齊。始盡善矣。

三航綫之宜擴充也

人類之進化。恆以交通機關之完否爲其準。招商公司不僅營業已也。促進社會。傳佈文明。均有與焉。吾國擅濱海之利。長江黃河珠江之江等等。復水道天成。稍加引關。卽成巨利。不若鐵道之積重難舉也。若于大江巨埠。添備巨艦。游逸周流。小河小港。多置小輪。貫通脈絡。次第推及南洋羣島。歐美列邦。際此革新之後。民氣可乘。華族僑民。足遍天下。皆足以爲發展事業之借助。苟整頓及此。非特足以

挽已往之利源。且足以雪積來之厚恥。出國一步。無不托足於他人。此中風味。歸國諸君。類能言之矣。

其次則有不能不爲執行局務之董事辦事諸君告者。必圖基本事業之發展。而後公益私利。均在其中。若眼光如豈。剝公圖私。豚蝨爭肥。干戈操室。則非樹倒鳥散。不止兩敗俱傷。同歸消盡。痛無及矣。拾蚌魚翁。轉得拈鬚頰笑於旁者。伊誰咎歟。毫釐千里。成敗利鈍之機。卽暗伏于吾人一息心苗。衆志成城。前途無量。吾於諸公有厚望焉。臨歧悵惘。攄厥寸愚。尙希嘉惠及之。豈僅個人私感已也。

### 庚子賠款與中國路政之商榷

本會以提倡建設全國道路爲職責。對於籌款製車築路各問題。固已言之不厭。其詳。顧猶有爲本會所未及。而又爲全國人士所當注意者。則請求列國退讓庚子賠款是也。民國三年五月。伍廷芳。王文典等。因美國已退讓庚子賠款之一半。在上海發起懇讓庚子賠款會。同時中外人民。聞風興起。王文典君親往各國鼓

吹設立分會者。共一千六百餘處。旋以歐陸戰雲陡起。吾國人亦自甘蠻觸。烽鏑年年。遂致功敗垂成。至今爲梗。近者伍氏逝矣。哲人云亡。而王文典君抱百折不回之志。本年五月二十六日。又在北京全國商會聯合會。提出一會同全國道路建設協會。請求友邦急讓庚子賠款一部份。利用兵工。速築國道。收容裁兵。而弭匪患。一案。經衆贊成。本會於五月二十八日。亦經執行董事會議。全體表決與商聯會取一致行動。由是觀之。本會對於庚子賠款。實負有最重大之責任。自當急起直追。以輔助全國商會聯合會。而促全國路政之進行。箸者不敏。竊願舉其事實。并擬辦法。以供參攷。

庚子賠款之起源。由於滿清二三親貴之營於外情。以扶清滅洋之謬說爲口實。而其所謂義和拳者。又以當時各省良民。受天主耶穌兩教少數教徒之壓抑。無由伸訴。乃鋌而出此。故其開戰。并不得視爲國際上之開戰。及其戰敗。亦不能如下哀的美敦書者。應予以國際公法之裁判。懲辦元凶。至殺數十餘人之多。而百

姓之無辜株連。或死於鋒刃者。又不下數十萬人。受禍之慘。亦云酷矣。迺又索賠款四百五十兆兩。使吾蚩蚩者。同負此無厭之要求。而遺子孫以莫大之隱痛。從人道。上法律。上觀察。之均不得謂爲公平。蹊田奪牛。豈僅吾國人事。後覺悟。難安緘默。卽列國之對於吾國人。取親善態度者。亦莫不嘖有煩言。而力持公理。英相格雷。曾謂「各國之賠款。無異爲中國將來添一擾亂之種子。」同時太晤士報。亦言「各國聯合要求之賠款。不但阻礙中國之進步。并其用意亦失矣。」駐北京美國公使。於一千九百零八年。退還二百十五萬七千鎊賠款時。亦宣言「美政府要求賠款之初意。本無若是之巨。徒以賠款分配時。不力爭。必爲他國攘奪。今請以多餘之款。還諸中國。」又民國三年五月。上海僑寓之美國英國日本各人士。贊助伍廷芳王文典等之懇讓庚子賠款會。而列名於宣言中者。亦幾及百人。可知二十世紀以來。競尙人道主義。固非三數國之政治侵略家。所能獨肆其伎倆也。嗚呼。吾國人諦諸。吾熱心路政諸君諦諸。切勿輕輕放過。而永貽歷史。

上無窮之奇恥。致全國道路計畫。亦終歸於難奏膚公。所以箸者憤同漆室杞憂。獨遠而不覺其言之長矣。茲將應受賠款列國及賠款額列表如左。

(此表係轉載中國近世外交史)

俄	一三〇・三七一・一二〇兩。
德	九〇・〇七〇・五一五兩。
法	七〇・八七八・二四〇兩。
英	五〇・七一二・七九五兩。
美	三二・九三九・〇五五兩。
日	三四・七九三・一〇〇兩。
伊	二六・六一七・〇〇五兩。
奧	一四・〇〇三・九二〇兩。
比	一八・九八四・三四五兩。

荷

七八二·一〇〇兩。

葡、西班牙、璠威、瑞典、 二二二·四九〇兩。

合計 四五〇·〇〇〇·〇〇〇兩。即四百五十兆兩。

以上所列之賠款。係分爲三十九年償清。然按之每年遞加之利率計算。實爲九五二·〇六四·〇七四兩。且吾國當時幣制未定。主持和議之李鴻章慶親王兩氏。未曾聲明係以銀兩計算。翌年履行銀兩。又變爲金貨。此中之兌換低落。本年國會之金佛郎案是其明證。每年又須津貼海關銀三百餘萬兩。實際尙不止九五二·〇六四·〇七四兩也。嗚呼。謀之不臧。於人何尤。著者泚筆至此。唯有太息痛恨而已。茲并將北京媾和條約之附件十二。賠款償還年付表。附錄如左。

賠款償還年付表

(此表係轉載中國近世外交史)

第一期

光緒二十七年  
一九〇一年

一九〇二年  
一九二三〇七七

一九〇三年  
同

一九〇四年  
同

一九〇五年  
同

一九〇六年  
同

一九〇七年  
同

宣統元年  
一九〇八年

一九〇九年  
同

一九一〇年  
同

民國元年  
一九一一年  
三九二二〇七七

一九一二年  
同

一九一三年  
同

本金

兩  
九〇〇〇〇〇〇  
雨

合計  
九〇〇〇〇〇〇  
兩

利益

一八〇〇〇〇〇〇  
一九〇二三〇七七

一七九二三〇七七  
一九八四七一五四

一七八四六一五四  
一九七六九二三一

一七七六九二三一  
一九六九二三〇八

一七六九二三〇八  
一九六一五三八五

一七六一五三八五  
一九四六一五三九

一七五三八四六二  
一九五三八四六二

一七四六一五三一  
一九三八四六一五

一七三八四六二五  
一九三〇七六九三

一七三〇七六九二  
一九二二〇七六九

一七一五〇七六九  
一九一〇七三三八六四

一六九九三八四六  
一九一六九二三

第二期

第三期  
第四期

一九一四年

一九一五年九六二三〇八

一九一六年一六九二三〇八

一九一七年

一九一八年

一九一九年

一九二〇年

一九二一年

一九二二年

一九二三年

一九二四年

一九二五年

一九二六年

一九二七年

同

同

同

同

同

同

同

同

同

同

同

一六八三六九二三二〇七六〇〇〇

一六六八〇〇〇〇二六三三七二三〇八

一六二九二三八八二七九八四六九六

一五八二四六一五二七五一六九二三

一五三五六九二三二九〇四九二三一

一四八八九二三一二六五八一五三九

一四四二一五三八二六一一三八四六

一三五九三八四六二五六四六一五四

一三四八六一四五二五一七八四六二

一三〇一八四六一二四七一〇七六九

一二五五四七六九二四二四七〇七六

一二〇八七〇七七二三三七九三八五

一二五一九三八四二二三三一六九二

一一五一六九二二二八四八〇〇〇



第五期

一九二八年	同	一〇六八四〇〇〇	二二三七六三〇八
一九二九年	同	一〇二一六三〇七	二一九〇八六一五
一九三〇年	同	九七四八六二五	二一四四〇九二三
一九三一年	同	九二八〇九二二三	二〇九七三二三一
一九三二年	二四四七〇〇八六	八八一三二三一	三三二八三三一七
一九三三年	同	七八三四四二七	三二三〇四五二三
一九三四年	同	六八五五六二四	三一三二五七一〇
一九三五年	同	五八七六八二〇	三〇三四六九〇六
一九三六年	同	四八九八〇一七	二九三六八一〇三
一九三七年	同	四一九二二三	二八五八九二九九
一九三八年	同	二九四〇四一〇	二七四一〇五九六
一九三九年	同	一九六一六〇六	二四一三一六九二
民國二十九年	同	九七八八〇三	二五四四八八九
一九四〇年	同	五〇二〇六四七四	九五二〇六四〇七四
合計	四五〇〇〇〇〇〇		

由以上所列二表觀之。庚子賠款之內容。大致具於是矣。顧已履行者若干。未履行者又若干。未履行而不必履行者又若干。此亦亟宜研究之點也。查此項賠款。除自一千九百〇二年以來。歷年已履行之數。達三一七・〇〇〇・〇〇〇兩不計外。美國已退還二百十五萬七千鎊。（時在一千九百〇八年。即光緒三十二年。因駐美公使梁誠。聞海約翰氏云。美國所收賠款。原屬過多。即因勢利導。勸美國減收賠款。以爲各國倡。羅斯福大總統。即決定退讓。此亦言庚子賠款者所不可不知也。）以倡辦北京清華學校。現只餘半額。（即一千三百萬美金。）德奧之賠款。亦因參加歐戰。以戰勝之結果。實行取消。俄國賠款。占庚子賠款百分之二十八。俄國革命以後。名義雖未取消。而實際上亦已停付。其繼續照額按年攤交者。僅餘英法日伊荷比葡西腦瑞十國。就中以英日法三國之額爲較多。若以鎊數及法郎計之。英原額爲一六・五七三・八一〇鎊。現欠一一・一八六・五四七鎊。日原額爲一一・三九一・七〇三鎊。現欠七・五三一・九八五

鎊法原額爲五八〇・一六〇・〇二五法郎現欠三九一・五八一五二九法郎。吾國所應行請求退讓之國。雖不只英日法三國。而總以英日法爲最當注意。餘則伊比二國。爲數亦尙不少。以外諸國之交涉。想亦易於解決矣。

(備考)俄國占庚子賠款全額百分之二十八。其中百分之十。計每年英金三六五・四四・五鎊。中國加入歐戰時。與英法日伊比美葡七國賠款。同展緩五年。政府指作抵還七年短期公債之用。至民國十二年。指抵期滿。又不必再付。俄款之他一部份。即全額百分之十八。計每年英金六九三・二九九鎊。前仍交付俄使。至民國八年七月停付後。經閣議通過。與德奧賠款同指抵三四年公債。經指定俟民國十四年還清三四年公債後。改抵五年公債。又指定俟民國十七年還清五年公債。并入元年八年公債抵還項下。至民國二十年止。又以七年長期公債於民國十八年起。抽籤還本。至民國二十七年止。以三四年公債抵款轉撥。德國賠款。經宣戰停付後。以馬克改撥國幣。計每年二八〇・

○元經閣議通過。指抵三四年公債。又續與俄賠款轉指抵五年公債。元年八年公債。七年長期公債。奧國賠款未以國幣改撥。計匯兌最低時。月祇銀四百兩。八年後。稅務司已不照撥。

至若俄德奧三國之賠款。以近年國際上之變化。自不在請求退讓之列。除指抵公債者而外。餘則直接由政府劃分。作為教育經費或築路經費。自屬不成問題。美國既已實行退讓半額於前。其他各國據民國三年五月初十日新聞報專電云。一駐使各得該國政府訓令。對於庚子賠款。有主全免者。有主減若干成。或免利息者。有主緩期者。有以列預算不能減免者。主張頗歧。而酌減或緩期。已得多數。一。是生退讓之意。亦非吾國人之片面主義。且亦不自今日始。特患吾國人眼光不遠。不能因勢利導。為積極之運動耳。若其萬衆一心。吾國人皆能追隨於王文典君之後。箸者敢斷其一年之內。必可得列國之諒解。而收最良好之效果。嗚呼。海水羣飛。財政破產。苞桑難繫。其亡其亡。前車已覆。來軫方遒。可不懼耶。可

不懼耶。

請求退讓之手續。當如何乎。以箸者之主張。卽由全國商會聯合會與本會遣派代表。聯合全國各省各界團體。均加入。〔繼續退讓庚子賠款會〕爲會員。（王君本年已在北京發起繼續懇讓庚子賠款會）并於各地繼續組織分會。根據華府會議已允退還賠款作實業教育之用一案。先行以最誠摯之表示。除俄德奧三國外。請求駐京十一國公使。代達該國政府。一面并函電吾國駐外各公使。與留居各國商界學界各團體。同時爲有力之運動。如不獲達到目的。則本會願遣派代表同王文典君。（其他各界團體願遣派代表者。尤以多多爲善）卽行赴歐美日各國。向其政府及議院。爲人道及和平之請願。吾國人既有此等決心。想列國素抱維持親善主義。必能本其道德觀念。幡然改其侵略之政策。而予吾國人以最圓滿之答復。自是意中事也。

退讓以後。收受賠款之機關。自國際上之地位論之。列國對於吾國政府。自必有

退讓之正當手續。是收受賠款之機關。當爲吾國政府。願吾國人於茲有當注意者。吾國現在政府。決不可予以收受賠款之權。若言其理由。一自主觀上言之。頻年招兵購械。徒以害民。所謂大官顯職。又無非意圖中飽。念重身家。此吾國政府之不可信任者也。二自客觀上言之。民國八年。伍廷芳王文典等向和平會爲第二次之請願時。美總統威爾遜雖主張自由無條件退還。但云須審查用途。如辦理教育或辦理慈善生產事業等。是日日本議會。近來通過一議案。決以日本應得賠款。用於中國文化。英國如何利用此款。雖計議已逾一年。尙未公布。比國之計畫。雖無所聞。然其宗旨。總不外乎與美國日本相同。此列國政府之希望。又早傾向於社會事業也。然則收受之方法。當如何而後可謂之適當。以箸者所主張。除用作教育經費之部份。仍照光緒三十二年。美國賠款。退作北京清華學校成案辦理。及其他部份另議外。其餘之一部份。既由全國商會聯合會議決。會同本會。用爲築路之生產事業。卽應由全國商會聯合會與本會。同負收受之責。以期監

督用途而收核實之效。非然者。既大拂乎列國政府之所希望。而吾國路政之前途。必有不堪設想之勢。本會受虛名而無實效。福國利民之謂何。且將無以建白於國人矣。

賠款既達到退還之目的矣。除提作教育經費之一部份。及其他部份另議外。其所指爲築路經費之一部份。究當以何標準而爲之分配。或不必分配。若換言之。卽各省之路均有先行修治之必要。而對於退還之賠款。又與各省均有關係。若無一定之辦法。將來必生爭議。自理論上主張。則應照賠款時。各省自身所攤派之原數而均分之。如江蘇原定每年攤二百五十萬兩。四川二百二十萬兩。廣東二百萬兩。浙江一百四十萬兩。江西一百四十萬兩。湖北一百二十萬兩。安徽一百萬兩。山東九十萬兩。河南九十萬兩。山西九十萬兩。福建八十萬兩。直隸八十萬兩。湖南七十萬兩。陝西六十萬兩。新疆四十萬兩。甘肅三十萬兩。廣西三十萬兩。雲南三十萬兩。貴州二十萬兩。現在之分配賠款。卽照此比例。亦屬正辦。願一

考其事實。則此項賠款。全自海關稅內地關稅及鹽稅之三項而來。不惟實際上早不相符。且南北皆醉心權利者。尤恐以有限之金錢。一旦分散。而無濟一事。故籌者。則謂不必分配。宜利用無械。及應裁之冗兵。以此一部份之全額。悉以用之修築國道。其所謂省道以下者。均不得分用此款。除由京師達各省之國道。亟應測量外。其國道所急宜修築者。一爲西北。二爲東北。蓋西北方交通大不便。幅員廣漠。人烟稀少。以致工業商業鑛業文化。均無從振興。據此。偌大河山。而日日言貧。殊足貽羞於世界也。東北方則由北京經熱河洮南。以抵齊齊哈爾。紅軍肆虐。南滿堪虞。亦籌國防者所不可不早爲計及者也。若中部以南。則河流貫通輪船木筏之便利。隨處皆得其用。籌設國道。卽少從緩辦。亦尙屬無妨。此固非籌者一人之所獨創也。凡研究中國地理者。亦敢決其必抱同一之觀念而無疑。

至於退還之全部賠款。究應如何分配。而後始得謂爲公平。亦當略爲述及。以籌者之主張。仍不外依照美總統威爾遜及列國所表示者。以作分配之標準。今擬



分爲三項。卽一。教育經費。凡一切文化事業及中國各教會學校均屬之。當占全額十分之四。二。慈善事業。此項事業。雖應補助。究屬消極方面事項。非同教育文化。開通智識。道路交通。有益實業者可比。當占全額十分之二。三。道路經費。中國之道。今日始有萌芽。且爲萬不可輕視之圖。亟宜從根本上予以補助。當占全額十分之四。凡此分配之法。不過爲籌者個人之私議。是否有當。尙希明達諸君子。大加考慮之。

著者於此。尙欲有所言者。兵工築路築路強國之聲浪。一年以來。已瀰滿於中外國人之耳鼓。而開始築路及已經築成之路。統計尙不過數千里。原因雖多。而經費難籌。實爲第一之障礙。庚子賠款。一日不退還。卽吾國修築國道之經費。一日歸於無着。若以責之政府。固已司農仰屋。莫展一籌。若欲借款募債。亦必無應募投資之人。吾國路政計畫。恐遲之數十年後。尙無發展之望。王文典君此次提案。所以標明請求友邦急讓庚子賠款。誠知時不待及。不僅本年展緩期滿無可推

諉。卽此路政問題。亦視此項賠款之急讓與否。而預卜其成功。嗚呼。吾最親善最道德之友那。其當有以嘉惠我無罪受罰之四萬萬同胞也。臨風馳想百拜維勞。此文甫經脫稿。閱報（十二年六月十二日上海時事新報）載有分配日本退款反響新聞一則。云「中華留日自費生通電云。各報館各團體鈞鑒。敝會頃致北京政府一電。文曰。北京大總統國務院鈞鑒。近閱報載政府對於日本此次退款。已向日本駐華公使表示謝忱。並於十九日閣議議決。將此款指定分配留日特約四校生。如有盈餘。酌量助給其他官費生云云。此耗傳來。羣情憤激。當卽開會。推舉代表。赴公使館調查真相。旋由張代辦將政府來電出示。與報載大致相同。（下略）」等語。是日本退讓賠款之事業。已徵實。急併錄之。以爲吾國人及熱心路政諸君請求急讓之根據。

十二 六 十二 上海

讀「庚子賠款與中國路政之商權」書後

同事周君秉權所撰「庚子賠款與中國路政之商權」余讀一過。覺其持論之

正大理由之充分。批卻導覈。深合時需。曩讀「庚子教會殉難記」。「庚子教會華人流血史」。兩書。及觀上海青年會殉道堂銅碑。不禁痛當時政府之黑暗。拳匪之殘暴。與平民所遭最不公平之損失。而永留莫大之恥辱也。嗟乎。余今日讀周君之文。重有感矣。

數年以來。各國（十四國）對於庚子賠款之退還問題。及吾人所主張應行之步驟。周君論之綦詳。毋庸贅述。值此風起雲湧。瓜熟蒂落之時。作規模宏大之運動。與聲氣應求之合作。責在吾人。夫難成者事也。易失者機也。事來機開。而不能成。坐失之者。人之過也。是故審察機宜。因勢利導。爲處事必需之要素。然事機未至。行之何益。時會一去。悔無及焉。今者「懇讓庚子賠款會」。既已重組。各社團亦紛紛請撥該款爲舉辦教育實業之用。而全國商會聯合會與本會。則主張以該款之一部分爲修築國道。若英。若日。若比。最近對於該款之表示。亦有退還全部之動機。彼等勇于覺悟。服從公理。可見一斑。是則今日吾人所懇讓庚子賠款。以

辦理中國時勢所要求之事業。預料決其可能。斯則吾人再接再厲之運動。所爲不容已者。噫嘻。此卽尊崇人道主義之道德家。發揮公理正義于世界之時矣。余再有希望于教會團體諸君者。各宗教會之派教師來華傳道。本人道互助之美情。與基督救世之使命。不避艱辛。自西徂東。其心良苦。其志堪嘉。然因文化民族習慣之差異。以致隔閡而啓疑竇。仇教排外。弄成流血之慘劇。吾人蒙歷史之奇羞。擔非理之賠款。諸君道宗基督。愛及仇敵。對此蔑視公理摧殘人道之庚子賠款。豈肯袖手旁觀。忽然置之。如利未人對於耶利哥受盜傷者掉頭不顧乎。故余敢以誠懇之言。切望基督教會諸君。伸張真理正義。謀世界之幸福。促友邦之覺悟。冀退還之實現。使我四百兆衆。解除此橫受波累之負擔。否則滄海橫流。變生意外。豈獨吾人之不幸。抑亦非世界主義者之所應坐視。願諸君子充滿聖靈。發大願力。引手相助。俾玉于成。同人不勝跂禱之至。

粵稽我國輿圖。其幅員之廣。物產之富。甲於天下。莫之與京。泊乎歐風東漸。舶來品之輸入。歲償動以千萬計。杞憂者以爲漏卮不塞。靡不引爲大憾。民國鼎新。首議變更冠服章制。有謀國際外交親善。獻議參仿列國制度。一時博採呢絨之製。將置絲織國產品於不顧。在滬經商輩遽爲一部分之牽制。幾與全部分以震驚。乃有緒綸錢江雲錦盛涇京緞縐業典業衣業繡業帽業十公所團體聯合。發起組織中華國貨維持會。假滬北中旺弄錢江會館東隅爲駐在辦公地。爰於辛亥孟冬月開成立大會。舉正會長姚滌源副會長張紫蔭何嘉甫諸君積極進行。公推呂葆元先生代表十團體赴京內務部請願。核准冠服章制純以國產絲織爲標本。不假毛羽之屬。雖於杜塞漏卮者事猶細。而於維持國產者情尤大也。幸竭誠呼籲。得邀大總統批准命令公布。冠服章制圖式。迄今國貨賴以保存。歲甲寅冬。菲律賓濱嘉年華會徵求我國物品赴賽。正會長伍廷芳先生慨從商民之請。偕副會長王文典先生自備旅行諸費。代表各團體親攜各業商品赴會陳賽。歸

途獲優獎證盈篋。乙卯秋。農商部特開全國國貨展覽會。總長周公自齊函電交馳。徵求出品。派工商司陳君蔗青。蒞會磋商。復咨滬海道尹兼交涉司楊小川先生。就近敦促。獎借備至。副會長王介安先生。慮全國赴賽物必擁塞。一旦徵集賽品抵京。苟於陳列多所窒礙。愧對應徵諸君。乃自備旅資。躬赴農商部要求。蒙特闢一巨室。專備我會中之有赴賽陳列者。以示優異。當商品赴賽時。介安會長復組國貨參觀團。親隨北上。蒞會場督察。晝夜不息。且所需寓公各費。悉如赴嘉年華會之賽。均皆自備。查此次全國赴賽。我江浙二省。蒙大總統獎給匾額者。共計六方。而會內赴賽者。竟得其五。商情愉快。時論榮之。賽事結束。正會長王文典先生。又以裁釐加稅事。擬再赴京進謁。黎大總統將爲第三次之陳情。行有日矣。時江西盜業公所茶業會館。苦潯關監督橫征暴斂。擅設關卡。商民裹足。公舉王君爲代表。俾下情上達。請求撤懲。以恤商艱。並公餽贖敬。以壯行色。王君返其舍。而從其請。遂於進謁時。面陳商困情形。蒙大總統嘉納。立免該關職守。裁

撤諸卡。又蒙獎勵本會成績卓著。特頒利用厚生匾額一方。洵異數也。初維持會之創舉也。慘淡經營。度支所出。均由十團體分任。願以經費未能寬籌。不獨發展難期。且有蹶而不振之慨。幸經王君介安。運籌於內。王君文典。決策於外。暨諸議員。竭匡襄之能事。並設宣講團。使人人深知國貨與國計攸關。其志趣有堅決不移者。會嘉年華。會國貨展覽會兩次比賽。均沾優勝。商品之輸出日振。商業之發展日盛。而會事之進行亦與之蒸蒸日上。南洋羣島與海外華僑。爲對外貿易之先導。先審祖國工廠之趨勢。復編國貨調查錄以貺之。每一板出。印萬餘冊。猶難普及。今再板已五續矣。方其會事全盛之始。商號工廠與個人之入會者。不知凡幾。周旋晉接。戶限爲穿。有議爲會建樹基礎者。以寄託爲非計。座中正會長楊小川先生。肆之首助千金。副會長王介安先生。亦助五百金。以爲倡。繼之者。龐副會長。竹卿先生。助地半畝。餘爲建會之始基。初議自籌建築。終以地處東西華德路。交通未便。猶豫莫決。戊午春。會長王介安先生。謀建立之道。是非借著前籌不

爲功。乃組勸募團。以達其志。迄已未歲。募及萬金。適聞劉氏有宅。計上下十餘楹。居九畝地。高墩路。室既軒爽。地亦適宜。僉稱合度。議購置焉。價一萬四千元。益以修葺陳設。費三千元。綜核不敷甚巨。承南洋兄弟煙草公司。府綢公所。王君介安。擔任墊款。壬戌冬。復許君奏雲。商請簡照南先生。以所墊慨助。龐竹卿先生。亦以助地轉售。於是除歸還府綢公所。王君介安墊款外。尙有餘裕焉。更查我國於華會議決案內。獲得國際外交主權數點。內惟關稅增進。至十二五時。須俟內地釐稅完全裁撤。方准照行。商會重視此點。設全國總商會於首都。每有建議。具文申達。以供採擇。文典先生夙抱裁釐加稅主旨。南北奔馳。已非一日。茲以時不可失。毅然解其囊橐。往來京滬間。不惜寸陰。不辭勞瘁。以赴國會。赴政府。至於再。至於三。而不厭倦。預料關稅會議日期。殆不甚遠。終必償先生之素志也。夫名不正。則言不順。言不順。則事不成。又曰。人能宏道。非道宏人。是知有治法。而後有治人。有治人。而後有治法。二者適相謀而不相悖。茲審度名義。則曰國貨維持會。名既正。



矣。焉有言不順。事不成之誚哉。君子貴在務本。本立乃所以道生。斯會也不僅維持國貨。實可謂之維持國本焉耳。是爲記。

### 伍廷芳王文典先生組織人類永久和平聯盟會宣言

歐戰方遏。美國大總統。惠爾遜。組織國際聯盟會於巴黎。其時國內黨見劇烈。南北分爭。國體有關。深恐派員赴議。或感困難。是虞千載一時之機會。等諸河漢。萬劫不復之國難。無以自伸。遂蒙伍秩庸王文典兩先生。慧心卓識。戚然憂之。而有組織世界人類永久和平聯盟會議。亦設於巴黎之議。一經宣言。世界明哲之士。咸相來歸。安南朝鮮志士。亦願附驥。以炯世界優秀之人羣。合謀大同之福利。而冀公理之伸張。免遭惡魔之壓迫。又起恐怖之戰爭。公舉伍秩庸王文典兩先生爲代表。前往開會。并將所擬世界和平宣言及問題。揭列如下。檢附刊次。以誌伍王兩先生有功於世。造福於民之事業之一焉。

世界者人類之積也。聚人類而成國家。聚國家而成世界。國家者不過疆土上之

區分人類者實爲世界上之主體。故搏搏大地。或強或弱。其爲國勢雖殊。而芸芸衆生。無智無愚。其爲人類則一。自狹義言之。則有國家之分。自廣義言之。凡地球上含生負性之倫。同爲世界之人類。卽皆爲世界之同胞。當此人道主義日益昌盛。世界潮流日趨大同。欲求各國之永久和平。須持世界之主義。邇者歐戰告終。爲公理卒勝強權之日。各國懲前毖後。將有重造世界之創局。凡不合公理之國際關係。皆將訴之於此次和平會議。爲世界人道之新紀元。讀美國威總統一千九百十八年一月八日。在國會演說和平條件。擬組織國際聯合會。其宗旨爲各國交互保障。其政治自由。及土地統轄權。國無大小。一律享同等之利權。又第八條內稱阿耳薩斯羅蘭。本爲法屬。一千八百七十一年。爲普魯士強佔。因之擾亂世界和平幾五十年。今須歸還以維公益。俾得永保和平云云。可見一國不平。世界卽牽入漩渦。而不能和。遑問其永久乎。吾國庚子拳匪之亂。使我國負罪於各國。我國民抱歉良深。此種拳匪行爲。固非出於正軌。然亦未始非受平時國際上

種種不平等之激刺。有以成之。使早如美威總統所言。無論爲領土爲主權爲經濟爲政治。必以直接有關係之人民的自由意志爲基礎。則當時斷不致有拳匪之亂矣。夫天演公例。強者有時而弱。弱者有時而強。尋仇報復禍無了時。卽世界迄無寧日。故不去戰爭之導線。無以固和平之基礎。其爲戰爭之導線者。不外領土上主權上政治上經濟上不平等之國際條件。故國際聯合會之組織。必以世界之眼光。持世界之主義。本世界光明正大之民意。定一國際公平之條件。無論國之大小強弱。共同遵守。如地球各國。其領土上有類於普魯士之強佔阿耳薩斯羅蘭者。一律歸還之。此外如主權上政治上經濟上（經濟如國債借款關稅及一切關於財政之類）凡不平等者。皆本公道之標準以平之。斯戰爭之導線去。和平之障礙除矣。我國領土上主權上政治上經濟上。其國際之不平等者。固我國民亟望於此次國際和平大會之主持公道。有以持其平。倘世界上或有一二國不得其平。卽和平難期永久。無以副美威總統暨世界各國維持人道之正

義也。故此次和平大會之關係。雖不僅在一國而在全世界。然世界既無不得其平。自無一國不得其平也。無一國不得其平。斯世界自能保永久之和平也。我國民同爲世界之人類。卽應抱世界之主義。共謀世界人類永久和平之幸福。此本會設立之宗旨。亦卽我國民希望之所在也。想世界各國亦莫不共表同情。於此次和平大會必有以達到永久安全之目的。以成此空前絕後之偉業也。嗚呼。結。五洲大同。將與全世界人民拭目俟之。

伍廷芳王文典先生對於歐洲平和會議之意見書

今日爲世界戰禍初定。公理卒勝強權。列強各國。皆後懲前。將有重造世界之創局。舉凡不合公理之國際關係。皆將訴之於此次會議。爲世界人道之新紀元。國民等爲尊重世界人類起見。欲求各國永久和平。必先祛一切不平等之障礙。而使之平等。以保全各國之國際地位。當爲世界各國人民所至誠禱求者也。茲本斯旨。列舉所希望於和平會議時提出而解決之者。計列於后。

一主張萬國聯盟。設立國際裁判機關。假定其名爲萬國和平會。總以國無大小強弱。一律平等待遇。公允爲宗旨。遇有國際交涉之不能解決者。由該會解決之。遇有違反國際等之宗旨而破壞國際和平者。亦由該會處理之。

一萬國和平會。依據平等之宗旨。參訂國際公平條約。經世界各國承認簽字後。無論何時任何國家。不得私訂國際盟約。卽以公平條約。掉換從前國際間單獨訂立之約。

一和平會參訂國際公平條約。須本人道公德公理之主義。以保世界永久和平爲宗旨。

一各國辦理外交。均須遵守公平條約。

一凡有國內之領土領海。或有爲他國所侵佔者。應於和平會議時。依據公理如何。由各該國收回之。

一各國領土內。進出口貨物之關稅。均由各該國自定之。他國不得干涉。以符國

### 定稅則之權。

一各國商民。僑居任何一國。概須遵守僑居國之法律裁判。

以上所提議之國際政策。乃一種正誼政策。自有此次和平會議。凡世界各國人民。均求世界永久和平之幸福。脫離強暴加害人類之痛苦。而尤以會議之結果。希望各國列席代表。出以遠大之眼光。於人類之進步。世界之趨勢。面面顧到。夫而後公理常存。正誼常伸。以達世界永久和平之目的。世界幸甚萬國幸甚。謹略具意見以供採擇。

### 伍廷芳王文典先生對於歐洲和議吾國應提議案之意見書

歐戰告終。強權挫滅。世界將躋於大同。人民同享夫福利。吾國索稱積弱。際茲千載一時之機會。欲求周旋於二十世紀列強之林者。舍國民外交莫屬。邇來各國人士。有發起組織世界人民會議。聚各國人民代表于一堂。以研究增進世界人民之福利。藉備提出議案。此種平民會議。集世界人民爲一大團體。將來有所主

張效力宏偉。隱爲外交之助。裨益淺匪。未容忽視。吾國應提議案。須審其輕重緩急之序。必其利害關於全國。且足影響全球者。方可動人觀感。悉力研求。文典認爲當務之急者。厥有六端。條述如左。

一 人民大同盟 聯合萬國人民。組成同盟。共謀福利。先設總會於法國。

一 國際稅法平等 各國稅法。均係自定。吾國稅法。則係協定。不平孰甚。按裁厘加稅。本會早有主張。今又遇此時機。則再進一步。提出國定稅議案。尤屬正當。且極公允者也。

一 廢除華僑工商所受不平等之待遇 世界人類。苟無不正當之行爲。自應享完全之自由。吾國僑居海外之工商。每遭苛虐之待遇。呼籲無聞。尤所痛心。此而不廢。遑問人道也。

一 收回領事裁判權 領事裁判權。惟歐美人於東方有之。日本自維新後。卽已收回。東方大國。近祇吾國存者。恥莫甚焉。况旅居僑民。既享優遇保護之權利。

獨無有受治法律之義務。豈得事理之平。進一步言之。租借地亦爲和平之大障礙。如日俄戰役之於關東旅順。及此次日本之攻青島是已。日本向有交還青島之宣言。自當準此提議。凡審世界和平之真諦者。決不以斯言爲河漢也。退還庚子賠款。庚子一役。以國內至少數之無知愚氓。侵害友邦人民。遂致各友邦興師問罪。割地賠款而後已。此事吾國對於各友邦。不無抱歉。而大多數之良善人民。固無與焉。吾國有此重負。文明進化。不免稍受障礙。文典於民國元年。討論發起。提議退還賠款。民國二年。成立懇讓庚子賠款會。親赴各國。懇讓各國人士助贊者有三十萬人。國內團體贊助者有二千餘處。到俄國時。戰事已起。故遂回國。事雖未成。各國人士同意者多。此次提議。諒得美滿結果也。



## 跋

伍秩庸先生。王文典老移。既自斐律濱嘉年華會歸國。最其前後征行。及與會淑況。諷采察驗之所獲。永供趨避之所宜。一以紀錄昭哲。意在餉我國家於方來。旨甚盛也。自來輜軒外域。磨節非不離難。而如是役。文典之劬。

伍公之明。大要咸衛其國。僉曰鮮覩。伍公嘗以自通航道爲急要之圖。比已規厥程序。文典君已與某君建立隆泉公記商號於滬上。及小呂宋作貨賄懋遷。輸投斐島之實行。合其力而並營焉。智者導之先河。殆若是歟。古者梯航琛壺之隆。豔稱載籍。今蓋取諸交易而各得其所。義至豐也。明放大驗。佇翹羨懿。於萬斯年。伍王二公。方駕博望矣。廷熹承

公等命董編理之業。既成。敢綴蕪陋于后。民國四年八月鶴山易廷熹

## 後跋

天下事無鉅細。首貴得人。此次小呂嘉年華會赴賽之舉。公推伍王兩先生賈貨與會。伍先生夙掌外交。使美日久。爲美人士所景仰。該地爲美之領土。故到彼無一事掣肘。人人竭盡歡迎。王先生以沉毅果敢之才。事必躬親。不辭勞瘁。尤能聯絡各界。宜有此良好之結果。觀兩先生之言論。琳琳炳炳。照耀寰區。既聞達商賈之情。又不辱政府之命。復得楊道尹之熱忱提倡。會中諸同志之極力匡扶。不但爲賽會慶得人。直可爲中國慶得人。至於斐滬匯付之交通。已有殖邊銀行擔其責。而貨物之交通。則王先生已合組一隆泉公記。始基已立。不難漸謀擴充。惟航路之交通。尙在籌議之間。終有達到目的之一日。可知我國國貨流行國外。當以此番赴賽爲嚆矢耳。今伍先生編輯賽會始末。付諸手民。余爲校讎一過。特附數語。以告世之讀是書者。莫僅作尋常紀事觀也。

乙卯新秋嘉興朱文柄謹跋

# 上海模範工廠

管子曰，國家興亡，匹夫有責，匹夫之責任，第一件就是提倡國貨。本廠所有出品，質料堅固，經久耐用，為中國之上上品，請諸君樂為提倡。……本廠出品繁多，不及備載，茲姑總述於后：

鑄鐵廠

製造各種大小機器，以及銀箱，庫門，救火車等；

橡皮廠

翻砂引擊，車床，刨床，鑽床，各項大小機械，均可定造。橡皮車輪胎，橡皮鞋底，橡皮玩具，（大小皮人，以及各種獸類），球胆，並

地氈廠

各色純毛地毯，（五彩十色，花式繁多，任何色樣，均可定織）。

毛刷廠

各種軟硬牙刷，（大小種類不等），各樣板刷。

眼鏡廠

各種科學眼鏡片，（水晶茶晶均有）。

印刷廠

設石印鉛印兩部，承印五彩月份牌，股單，商標，鈔票，招紙，錢票，文憑，證書，禮券，書籍，傳單，債券，外國簿記，精製各種鋅版銅版，鑄造全副大

洋鐵印花廠

小鉛字，及全副大小銅模。

梳篦廠

精製各種美術食物茶葉餅乾罐聽，廣告牌等，（經久耐用，美麗悅目）。

玩具廠

銅製鐵製及泥製紙製竹製各名具，（近又新出一種賽方銅人獸玩具，精雅古樸

各種出品

極有可觀）。

定價低廉

批發格外克己。

總發行所

上海南京路望平街口三層樓洋房

廠址

江灣火車站西首

電話

中央三九五一號

中華民國十四年三月再版

斐律濱賽會記(全一册)

(每册定價大洋四角)



分售處

編輯者 新會伍廷芳

發行者 徐英

印刷所 大東書局

上海北西藏路南公益里

廣州雙門底  
漢口四官殿  
北京楊梅竹斜街  
奉天鼓樓北  
長沙南陽街

大東書局

#7  
212114  
11